

Cresc. Fortunatus A.

Waller 2214

compl.
P.W.

NATIONAL LIBRARY OF MEDICINE

Bethesda, Maryland

TRACTATUS

PHYSICO-MEDICUS

DE AMERICANA LUE, AC OMNIUM

Tutissima curandi Methodo Mercurii
Sublimati corrosivi ope,

AD EMINENTISSIMUM, AC SERENISSIMUM

F. D. EMMANUELEM
PINTO

Sacræ Domus Hospitalis Sancti Joannis Hierosolymitanæ, Militarisque Ordinis Sancti Sepulchri
Magnum Magistrum, atque Insularum Melitæ, Gaudisi Principem; necnon Regalis Dominii Tripolis Dominum

A FORTUNATO ANTONIO CREN

Philosophiæ, ac Medicinæ Doctore; necnon Classis Triremium Sacræ Religionis Hierosolymitanæ

MEDICO ORDINARIO DICATUS.

MELITÆ ANNO DOMINI MDCCLXII.

In Palatio, & ex Typographia Celsitudinis S. S.
Apud D. Nicolaum Capacium ejus Typographum
Superiorum Facultate.

(Malte)
La Valle

PHYSICO-MEDICUS
DE AMERICANA LIPSIACO-CHONIENSIS
Tractatus curiosus Medicis Medicis
Supplimenti continet de
AD EDITIONEM TERTIAM AC CESSIONEM
R.D. EMMANUELLEM
OTTO PHILIPP

A ZOOTURMATO-VITIONI CERIN
BIOLOGIIS ac MEDICIS DOGMA; DECITIONE CLAVIS
TRICONTUM SCIENTIA RELIGIOSA HISTORIOLYMISSA
MEDICO ORNAMENTO DICOVATIS.

MERITA ANNO DOMINI MDCCXII.
In Pisa ex Typographis Gessnerianis 2. 2.
Year O. Medicorum et Doctorum clavis Tabularium
of the year 1712. Printed by the author at Pisa.



E. Weil June 30 '60

SERENISSIME PRINCEPS

3



Os erat apud Græcos, Latinosque Scriptores, ut, cùm Opus aliquod in lumen mandare cupiebant, nomen Deorum Immor-

4

tale in fronte affigerent, ut a Censoribus immune, & a malevolis defensum redderetur; Non igitur abs re, SERENISSIME PRINCEPS, factum quisque intelliget, si studiorum meorum, vigiliarumque primitias sub potentissimo patrocinio collocare ambiens, Nomiini Tuо sacratas velim, ut Zoilorum livorem vitare possent. Quis enim audebit ipsas contemnere, dum Tuо grandi Nomine, cuius eximus fulgor per Europæ, aliarumque terrarum partes elucescit, signatas, gloriosoque frētas fidere respiciet? Sub tua igitur Tutela, tamquam sub Minervæ clypeo, a calumniantium, & rodentium iictibus, fac ut conquiescant. Suadet etiam atque etiam magnitudo beneficiorum Tuorum, quibus, tamquam vinculo aureæ catenæ, per septem, & plures annos me colligasti; atque cūm Navium olim, tum in præsentia Triremium saluti Medicū præfecisti. Nec in his tantum benevolentiam Tuam expertus sum, verum etiam in omnibus negotiis, et si im-

5

merenti, potentissimum patrocinium.
Tuum elargiri dignatus es; Et quidem
si immensa in me Tua collata beneficia
numerare vellem, & justis in cœlum
extollere laudibus, & Tuam Clemen-
tiam, Prudentiam, Æquitatem, Inte-
gritatem, Dignitatem, Nobilitatem,
Liberalitatem, nec dies, aut mensis,
sed nec annus ipse sufficeret.

Sinas igitur, SERENISSIME PRINCEPS,
pro tot & tantis insignibus virtutibus
Tuis, Tibi plaudenti universæ Melitæ,
privatos meos plausus addam & ipse,
acclamemque Tibi quod olim bonis
Principibus acclamabatur: *De annis no-
stris cupiamus augeri annos Tuos.* Ne igi-
tur ingratus esse videar benefactis, que
in me ipse cognosco, patiaris, ut exi-
le hoc munusculum, laboris mei par-
tum, ad Aras SERENISSIMÆ MUNIFI-
CENTIÆ TUÆ, tamquam debitum Clien-
telæ, & devotæ Observantiæ meæ pi-
gnus appendam. Neque id, quia in se
tenue, quia leve, despecturum Te fo-
re credo, probè gnarus, consuevisse

quoque Superos parvis Hostiis complacari, & non dona potius, quam dominantium animos intueri; Me autem his muneribus, gratiis, ac beneficiis, devinctum, uti clientes Tuos soles, oro, obtestorque, respicias, & conatus hosce meos munificentiae Tuæ laudibus impares, in Arte saluberrima susceptos excelfso Tuo præsidio ut foveas, ac tuearis, enixè obsecro. Tu verò interim Populorum tuorum, adeò insigni virtutum cumulo ornatus, utilitati præfis, Nestoreos vivas annos, ad Christiani nominis, Sacrique Ordinis Tui propagationem, ex animo D. O. M. precatur.

Dabam Vallætæ 22. Januarii 1762.

Obsequentiss. Servus, Cliens,
& Subditus Antonius Cren.

CENSORUM VOTĀ.

Imprimi potest hoc Opusculum D. Fortunati Antonii Cren Philosophiae, & Medicinæ Doctoris, cui titulus est: *Tractatus Physico-Medicus de Americana Lue, ac omnipium tutissima Methodo Mercurii sublimati Corrosivi ope &c.* si benè videbitur Illustrissimo, ac Reverendissimo Domino, dignissimo nostro Episcopo Fr. D. Bartholomæo Rull: Etenim Auctor totus est in consideratione, & descriptione venereæ Contagionis, & methodicæ ejus Medicinæ ope sublimati Mercurii corrosivi; Nec leviter tangit Sancta mysteria nostræ Catholicæ Fidei, vel bonos, Christianosque mores, ideoquæ est Opus dignum prælo.

E Conventu S. Mariae Portus Salutis Ordinis Prædicatorum die 4. Januarii 1762.

Fr. Henricus Ercole Magister Ex-
Provincialis Ord. Præd. Examinator Sy-
nodalis, & Librorum Censor.

JUssu Illustrissimi, & Reverendissimi Domini Angeli Durini Inquisitoris Generalis, & Delegati Apostolici in his Insulis, & locis adjacentibus percurri Tractatum Physico-Medicum de Americana Lue, ac facili Methodo curandi per Mercurium sublimatum corrosivum, a Fortunato Cren Philosophiae, ac Medicinæ Doctore, necnon Triremium Sacræ Religionis Hierosolymitanæ Medico Ordinario conscriptum, & nihil in eo aut sinceris moribus adversum, aut ab Orthodoxa Fide devium inveni. Quapropter aptissimum, dignumque censeo, ut, ob maximam ejus utilitatem, quantocius luce fruatur, si ita videbitur prælaudato Illustrissimo, & Reverendissimo Domino, cui in omnibus me submitto. E Collegio Soc. Jesu die 9. Januarii 1762.

Ignatius Theuma olim Scholasticæ, ac Moralis Theologiae Lector, nunc Examinator Synodalis, Sanctique Officii Cōsultor, & pro eodem Librorum Censor.

Tracatum Physico-Medicum de Americana Lue, ac omniū tutissima curandi methodo Mercurii sublimati corrosivi ope, a me perlectum imprimi posse, censeo, si videbitur Illustrissimo Domino Vice-Cancellario Fr. D. Francisco Guedes Aquilæ Bajulivo, a Serenissimo Principe ad hoc specialiter deputato: cum in

in eodem Tractatu nihil sit, quod boni Regiminis Regulis,
Statutis, & Privilegiis Incliti Sacri Jerosolymitani Ordinis ad-
versetur. E Conventu S. Francisci Ordin. Minorum hac
die 16. Januarii 1762.

Fr. Franciscus Samut S. T. Magist.
& pro Illustriſſ. Dño Vice-Cancellario
Librorum Censor.

Imprimatur	Imprimatur	Imprimatur
F. D. Bartholomeus Aug. Durini Inquisit. Episcopus Meli- Gen. & Delegat. Bajul. Aquilæ Guedes tensis. Apost. Vicecancel. & De- putat		



AUCTOR

AUCTOR AD LECTOREM.

Observata, a Juvantibus & Nocentibus desumpta, Medicinae primordia fuisse videntur, Artisque Empiricæ fundamen-
 ta. His enim debita omnium actionum notitia, ac casto ratiocinio junctis, melior longè Medicina Dogmatica surrexit, quā ideo Medicis omnes amplecti gloriantur; Hanc sanè a celeberrimis Professoribus Vindobonensi-
 bus, in curandis potissimum Ægris, præ-
 cipue Lue venerea infectis, exerceri cum laude passim expertus sum, cum apud ipsos elapsis annis degerem; Igitur cum in Insula nostra ingenti ferocia turculenta Lues
 grassari videatur, opere præmium existima-
 vi, si aliqua de efficacia Mercurii subli-
 mati corrosivi in his morbis describere:n,
 & maximam hujus Remedi præstantiam
 demonstrare aggrederer; quò Medicamenti
 hujusc auxilio nostri Cives, cæterique Mor-
 tales sine magna molestia a fædo morbo

immunes evaderent. Sed nefcio, quo fato
 Medici quamplurimi ab ejus usu horreant,
 & nunquam ad pertinaces hujuscemodii mor-
 bos ipsum adhibeant, licet tot tantisque expe-
 rimentis a Magnis in Arte Viris peractis
 confirmatum habeatur; Sanè ea ferè est
 sors optimorum Remediiorum, ut propter
 eorum novitatem tamquam inutilia, & pra-
 va negligantur: Quæ tamen, si experien-
 tiæ testimonio confirmantur, hecce præstan-
 tiora quibuscumque aliis consuetis auxiliis,
 magisque Medentium votis respondere com-
 periantur; unde meritò Petrus de Rotun-
 dis in in Physicis, & Medicis Scientiis exer-
 citatus, de victus ratione in Acutis scriptum
 reliquit: Quædam Remedia, quorum ju-
 vandi, nocendique æqua vis manifesta
 est, magis magisque sunt optanda, &
 pessimo consilio a quibusdam rejiciuntur;
 Illa enim si noceant, non suapte
 natura nocent, sed imperitiâ admini-
 strantis, qui ut profint, nescit effice-
 re; Hinc forte non adeo incongruè Helmon-
 tius (1) dixerat: Venena sæpè sunt medi-
 camen-

camenta optima, quorum utiles, sed reconditæ vires detegendæ, & in lucem producendæ sunt studio, laboreve. Et si omnia mysteriosa aboleri debent ab usu medico; Antimonium, Oppium, Scammonium, Colchintis, spiritus salis Nitri, aliaque plura medicamenta, quæ tamquam venena (2) considerantur, licet maximoperè in Arte Salutari sint necessaria, proscribere foret necesse: Nec tituli novitas nos absterrere debet, cum non omnia, quæ sæculorum aliquot numerant series, veritatis splendore niteantur, nec nova omnia falsitatis notâ sunt inurendæ; quæ jam antiqua sunt usu, alios habuere natales, & quod modò exurgit inventu, post sæculi spatiū fortè eleganter florebit; Cujus quidem Asserti veritatem quotidiana experientia demonstrat, firmantque summorum in Arte Virorum auctoritas, & eorum exempla, qui non semel ipsa venena in usum medicum inferre ausi sunt. Evolvisse sufficerit Schroderū, Quercetanum atque alios ab erudito Manetti Ciatos

B 2

(3)

(2) Christianus Blasche de Oppio pagin. 17.

(3) ut inde colligi observata medica queat, de quamplurium venenorū innocua usurpatione, ut Cantaridum, Euforbiī, & ipsius met Arsenici, de quo postremo proditum est, ad tria, vel quatuor grana sumptum, & in multa aqua solutū, Febrem Tertianam efficacissimè, atque tutissimè profligasse. Consentit ipsa ratio, quæ non aliud discrimen inter alimentum, venenumque reperiit, quæ quod primum facile, & absque ulla noxa in naturam nostram transeat; veneni autem partes tales esse videantur, quæ a vi vite nequaquam subigi, domarique possint. Inde veluti Corollarium indubitate fidei eruitur: Venena ōnia respectiva esse, planè ut modò convenienti præparatione, & debita dosi sumantur, deleteriam indolem exuant, induantque statim beneficam, & amissam corpori nostro virtutem. Intelliges inde, non esse ideo reformidandum Sublimatum nostrum, quamquæ ut præscutissimum venenum vulgo infametur: quædoquidem deposita natura.

(3) Dissertatio 1. not. 3. pag. m. 4.
& 5.

turā ~~veneni~~ arte nostra, mirabiles effectus
in corpore nostro & produxisse semper vi-
dimus, & semper producturum spes est,
utique si prudenter adhibeatur. Aique si ci-
rante Astrucio, (4) Petrus Andreas Mattio-
lus non erubuerit usum præcipitati rubri,
aquis stillatitiis tantum loti internum pro-
ponere, tamquam efficacissimum ad Pestem,
Quartanam contumacem, Melancolicum
morbū, & alias quid mirum si & nos po-
tiori quam ille jure sublimatum nostrum
ita edulcoratum usui medico adscribamus,
& medendæ lui venereæ adhibeamus? Et
ideo miror, si dum Catalogos libro-
rum, eorumque materiem in Mangeti Bi-
bliothecis pervolverem, vix ullum invenie-
rim, qui de hoc Sublimato corrosivo, ejus-
que viribus disertè, precisè, cumulatèque
tractarit. Non me fugit, solutionem subli-
mati corrosivi, ad Luem venereum olim
adhibitam a Viseman (5), & laudatam

a Tur-

(4) de morb. ven. tom. I. lib. II. cap.

7. §. I. p. m. 146.

(5) Astruc. tom. II. p. m. 966.

a Turner tamē (6) ab Astruchio, inter pef-
fima Agyrtarū facinora recenseri, atque a-
deo gravi pœna animadverendum. Verūm
tanti viri auctoritas tanti non est, ut ad-
versus iterata centies, hac in Lue feliciter
curanda, Austriæ Archiatri experimenta,
& illa Illustrissimi de Haen observata (7)
stare queant, quarum ego plurimarum isti-
usmodi Mercurii corrosivi ope, curationum,
Testis oculatus fui, dum Julio-Bonæ versa-
rer; donec in Patriam redux, Lue ve-
nerea, quos mihi Praxeos fortuna obtulit,
correptos, cum incassum per unctiones
mercuriales curare tentasse, Sublimatum
hocce in usum vocare cœpi. Sanctè quippe
afferere possum, multis me in casibus Mer-
curii Sublimati utilitatem summam expe-
tum; quin imo ubi morbus illitiones Mer-
curiales (quod plerumque usu venit) elude-
ret, Sublimatum, ad instar miraculi,
ac Sacræ anchoræ virulentiam omnem
abegisse, Luemque extirpasse radicitus,

letus

(6) ibid. pag. 1053.

(7) Ratio medendi par. 2. 3. 4.

latus recordor. Itaque, Therapejam
 hanc adversus Luem, quod a Celeberrimis
 Medicis commendetur, præstantissimam
 semper arbitratus; nec segniem me, nec in-
 felicem operam facturum censui, si colle-
 etis, interque se collatis, quæ in Diario meo
 prostant, observationibus practicis (licet
 magis ex aliorum, quam meis observatis
 institui, nisi, ut ait Seneca, quæ ab aliis
 benè dicta sunt, nostra sint) pro mo-
 dulo ingenioli mei, quo possem modo illu-
 strarem, promoverem, & in usus hominum
 traducerem. Hac spe igitur fatus, sequens
 opusculum publicè utilitati tantum dicatum
 volo. Quod sex continebit Capita: Quorum
 primum de Origine, natura, propagatione
 &c. Luis venereæ ager. Alterum remedia
 antiquorum referet. Tertium medicamenta
 Recentiorum exponet. Quartum Draconis
 venenati mirabilem usum in morbis vene-
 reis explicabit. Quintum vim enucleabit,
 qua in expellendo venereo viru in corpus
 agit, & qua cæteris præparatis Mercuria-
 libus, imo, & ipsis usitatisimis unctionibus
 metallo paratis longè, multumque antecel-
 lit.

lit. Sexum Mechanismum Mercurii ab Astrucio allatum refutabit &c. Ultimum tandem, rectam, tutissimamque adhibendi methodum exhibebit. Neque illud vitio vertendum est, aut temeritati, & pruritui obloquendi Viris, quos veneror, tribuendum, quod multoties a summorum in arte viorum sententiis, quin, & vulgari praxi discedam, id enim veritatis amore convictus, ne dicam coactus, feci; quæ ad indagandam, experiendamque egregiam hujuscemodi remedii vim, me alioquin invitum impulit; Ita futurum spero, ut hujus inquirendæ studio flagrantes, leves hujusmodi nostros contus benignè accipiāt, quorum judicio nostra hæc scripta facile submittimus, candidi Lectores. Non aliam certè laborum nostrorum mercedem optamus, neque aliud antiquius nobis unquam contingere poterit, quam si ex lucubrationibus hisce nostris aliquid in utilitatem publicam accessisse novemus; itaque benignè tenuitati nostræ indulgeas, Benevole Lector, si tardi, ac difficilis Operis molitionem aggressi, atque in altas agendi modi Sublimati corrosivae causas;

causas, velut latebras ingredi coacti, iden-
tidem aberraverimus a veritate, & cœcu-
tientium more cespitaverimus aliquando.
Id tantum ambio, atque exopto, ut quale
demum futurum sit, Opusculum benignè ac-
cipiant, & boniconsulant æqui rerum Esti-
matores. Cæterum feliciora ingenia intima
quæque, & abscondita scrutantia vident,
ubi nos ultra progredi non liceat. Non e-
nīm, inquit Cicero, parum cognoscere,
sed in parum cognito stulte, & diu per-
severasse, stultum est. Tu interim Ami-
ce Lector, hæc habe, quæ si placuerint,
lege, ut noster omnis non sit irritus. la-
boris in quo si erravimus, hūmanum scias ef-
se labi. Vale.



151
cunctis deinceps sapientia inserviet cogitari. In
hunc operam dicitur a deo illud. Q. cetero-
rum invenimus non esse gloriacionem. Aliud vero
Inventum dicitur. Id est oblationem petri eius ac-
quum fundum in Obligationem petri eius. Et si-
cundum apocryphon secundum leonis Euse-
bius. Ceterum istud eis necessaria inveni-
tur. Q. apocryphae cuncte dicitur
nisi nos nulli sibi oblationem non fecerit. Non e-
stum mundi. Quare; sicutum cognoscere
habet in bestiis cunctis bestiis ex quinque
levioribus. Ita in animalibus. Ita in animalibus. Ami-
ciclopias. per pulgas. asperges. Et in bestiis
post in duplo sexagesimam pulvram licet ad
Zelotes. quam sit in certis locis. Nam id
non merendam opus est. neque aliud an-
tiquum. sed in primis continet. postea
quidam. etiam in aliis. Et non
dicitur. quod non
difficitur. Et non
est pulvis. atque
in aliis. Et non
est pulvis. atque

ANTONIUS CREN

Emeritissimo Medicæ Artis Doctori S. D.

Illud non solum tibi significandum, sed etiam declarandum arbitror, antiquius nunquam, aut honorificentius, ne tempore quidem opportunius accidisse mihi tuis proximis litteris; quibus humaniter me hortaris, ut Opusculum de Sublimati corrosivi in re Medica utilitate, atque efficacia, in Lue præcipue venerea, quam omissimè publicæ luci committerem; Tanta enim quidem est tuorum consiliorum gravitas, tantaque mandatorum tuorum præstantia, ut vitam mihi esse acerbam putarem, nisi tibi satisfacerem: Et hæc sunt in causa, quod ante tempus lucubrations meas prælo commiserim. Quis enim credidisset unquam hocce Opusculum, atro carbone notandum, atque contemnendum fuisse, priusquam in lucem prodiret? Quis cogitasset inter Plagiarios recenseri potuisse non evulgato adhuc Opere? Inventus tamen est non nemo, quem ipse audivi in scripta mea latrantem, meque furti crimine, non tam liberè, quam illiberaliter arguentem. Tantum Bone Deus, potest invidia! Nec mirum, cum ea iniqua sors hodie quoque impendeat præstantioribus in Arte Viris, quorum Opera summo studio, ingentique labore parta, atque numeris omnibus absoluta, vivis tamen Sciolorū mortibus, scommatibusq. patent: Adeo quippe illos obcoecat livor, ut propriae igno-

C. a. ad eib. madsb. antiq. rantiæ

rantiæ atque imbecillitatis oblitio, non Sapientibus
 modò infensos se præbent, verùm etiam se adeo
 de genere humano bene meritos opinantur, ut illis
 Rempublicam carere non posse, credant: Nesciunt
 loqui, nisi de se ipsis, & tunc, ut Impèritorum
 mos est, continuò eorum copta canunt, & ad si-
 dera propria merita extollunt, unde omnia se sci-
 re arbitrantes pérperām judicant, & propria aucto-
 ritate aliena damnant; Quosque apprimē depingit
 Demosthenes: *Ea est Calumniatoris natura in cri-
 men vocare omnia, probare vero nihil.* Latrare
 ergo desinat, atque scripta nostra laceſſere, niſi
 vel a Tyrōnibus in Arte Medica irrideri velit; Si
 quid verò aduersus nostrum Opusculum in promptu
 habeat, chartis conſūnet, ac latinè reddere illico
 ſtudeat (ſi latinam linguam ſalutaverit unquam);
 Nos quidem ad respondendum paratos ſemper ha-
 bebit; modò tamen ſedulō cāveat, ſi propriam ali-
 quantum tueri velit famam, & deridiculo omni-
 bus non eſſe, ne in ſcribendo rudem illum ſtilum
 adhibeat, quem adhibuiſſe quempiam memini in
 quadam Dissertatione, in noſtra Medica Academia
 olim habita; Quam quidem Dissertationem, tota
 quanta eſt, excerptam, furatamque ex alienis ma-
 nuscriptis recitatore non erubuit; utque furtum ab-
 ſconderet, barbara, & aliena dictione, eximia vi-
 ri Celeberrimi ſensa mirè deturpavit. Itaque ali-
 quem ſuorum laborum fructum continuò velim in
 lucem edat, ut miras ingenii ſui dotes admirari
 poſsim, quemque ad Te ſumma diligentia mittere
 curabo, ut communibus Doctorum plauſibus de iſthoc
 Capitone tuos addere non dedigneris. Vale, &
 amare me perge.

E Melita dabam die 27. Februarii 1762.

HELENCUS CAPITUM.

C A P U T I.

*De origine, natura, sede, propagatione
luis Venereæ.*

C A P U T I I.

*De remediis, quibus usi sunt veteres Me-
dici ad Luem venereum curandam.*

C A P U T I I I.

*De medicamentis, quibus utuntur recen-
tiores Medici in Aphrodisiaca Lue
curanda.*

C A P U T I V:

*De efficacia Sublimati corrosivi cum Spi-
ritu frumenti commixti in omnibus
morbis venereis desperatis.*

C A P U T V.,

*Primarios Mercurii Sublimati effectus de-
monstrans, & an Mercurius hic sit
nativo præstantior.*

C A P U T VI.,

Doctrinæ præcedentis clariorem expositio-
nem continens, & in quo præterea
Astrucii mechanismus, de Mercurii ef-
ficacia refutatur, & objectionibus ab
eodem propositis adversus præparato-
rum Mercurialium vim respondetur.

C A P U T VII.

De recta, ac tutissima administrandi in
morbis Venereis Mercurii Sublimati
corrosivi internè methodo innovata.



Nostri et cuncti dñni medica-
menta & cū megeni metheodis in-
veniuntur per operas illius; hisce
enim agnoscuntur huius Medicinae primor-
dis, quia illi, qui in ea iisque agi in
stills sollicitudinis videlicet postu-
tusque sunt intermissi, p̄s sic tpe, ut
dilectissimam suam s̄c illam
tunc p̄s. Exemplum VV. - Comitum Co-
munitatis Appar. 2. 10.

C A P U T VI.

Dicitur quod aenescens clarorem expositio-
nem ostendat ut in quo praeceps
Aesculapius transfratus, de Mureuris ef-
ficiat refutare et oblectionibus ab

NUllum est dubium, quin medica-
menta, & medendi methodus in-
venta sint per observata singularia; hæc
enim videntur fuisse Medicinæ primor-
dia, dum illa, quæ in se ipsis, vel in
aliis ægrotantibus viderant profuisse,
suadebant iterum aliis, hac spe, ut
prodeissent similiter.

*Libe. Ba. Gerardus VVan-suvvieten Com-
ment. Aphor. ad §. 10.*



DE AMERICANA LUE,

*Ac omnium tutissima curandi Methodo,
Draconis venenati ope.*

LIBER UNICUS.

CAPUT I.

De Origine, Natura, Sede, & Propagatione Luis Venereæ.

§. I.



Etram Luem Americanā Antiquis incognitā, circa finem decimiquinti Sæculi, scilicet Anno 1492. [a] ad concupiscentiæ frænum, & flagellum; necnon ad cumulum omnium malorum, & ad generis Humani destrucciónem Christophorus Columbus ab Insulis Antillis no-

bis

[a] *Praxis Medica, sive Commentar. in Herman. Boheravv. tom. v.*

sulis nobis Antillis transvexit; (a) Quæ ab Hyspania incipiens, per Italiam primùm, dein Galliam ipsam, cæterasque Europæ Provincias, vi contagiosa serpens, mortales quamplurimos occupavit.

¶. II. **Q** uænam sit natura venerei virus, adhuc disputatur; aliqui in tenuissimo fluido, sulphureo, sive phlogistico, & æthereo fermentativo principio consistere credunt: (b) alii corrosiva natura donatum esse docent: (c) Non desunt etiam qui vermes accusant. (d) Alii verò phlogisticum, corrosivum, & coagulans esse asserunt; (e) alii acidæ naturæ volunt. (f) Hodie verò experimentis celeberrimorum Virorum compertum est, virus venerei naturam nullam participationem ab acido habere, sed e contrario magis accedere ad alkalinam; (g) Nam si saliva ægrotantium, qui actu sunt in usu illitionum, cum acidis commiscetur, effervescere observatur; Necnon Syrupum Violatum in viridem colorem mutari vides; Non tamen existimes, virus venereum pro novo humore, seu liquido habendum esse intra corpus admissò, ceteris naturalibus humoribus superinducto, eosque inficiente, ut multi credere videntur.

(a) Nicolaus Monardus de Morbo ex novo Orbe allato in Collec. Lusit. tom. I. [b] Hofmann. Medic. Systemat. p. m. 57. [c] Ricardus Baulton, de Artritiide, Strumis, & Lue venerea. p. m. 57. [d] Dedier. sur les malad. Vener. p. 12. [e] Astruc. tomo I. [f] Franciscus de Leboe Silvius in sua Difserit. p. m. 17. (g) Doctor Carras Novel. Chimi. p. m.

videntur: (a) sed meram esse vitiosam humorum naturalium qualitatem, aut *discrasiam*, qua degeneres a nativo statu in alienam naturam abeunt.

§. III. **V**enereæ Luis sedes, ut cum *Hermanno Boerhavio* loquar, est in illo humore, qui naturaliter in sanis replet eam partem, quam cellulosam Membranam vocant Recentiores: Hanc per totum corpus diffusam observant Anatomici omnes; nec tantum superficiem partium occupat, verùm etiam in minutissimos recessus se insinuat; (b) ita ut, nec quidem minima fibrilla suâ vesiculâ cellulosâ destituta inveniatur; In hac, contagiosa propagatione per poros *epidermidis* viam sibi facit primò virus, cùm vasa absorbentia maxima in parte in ipsa desinant; ibidemque totaliter virus cum pingui humore oleoso se permiscet, calore, motu, mora assidua magis magisque corpus contaminat, tyrannidemque suam exercet, & per totum panniculum adiposum distribuitur; cùm singulæ partes sistematis cellularis inter se foveant commercium; inflato enim aere, vel liquore injecto, partes etiam remotissimæ distendi observentur; quod etiam confirmat *Autopsia*. Tractu etiam temporis non solùm in membrana cellulari sedem suam figit, verùm totum corpus pervadit; Nam liquor adiposus labe coquinatus, venis inhalantibus resorptus, cum aliis humoribus miscetur, & venenum, quod habet, afflat, & communicat corpori.

§. IV.

[a] *Astruc. de Morb. vener. tom. I.* [b] *Praxis Medica tom. V.*

§. IV. Per varias, ac diversas vias traducitur virus venereum; & I. a patre affecto nam seminales particulæ veneno imbutæ embrionem, quem lambunt, inficiunt, II. a matre; Hæc enim cùm nutrimentum subministret, simili labे puerum labefactat. III. Per complexum venereum communicatur contagium in viribus, mulieribus, puerisque meretricio more viventibus; Sic Anonimus in suis Commentariis refert de *Juvene* lue venerea affecto ossa depacente, & ulcera terribilia creante; cùm tamen solummodo orta fuerit ab eo, quod ille Juvenis, prout fassus est ipse, genitale membrum ad pudenda muliebria admovisset, neque tamen intronisset ullatenus. IV. Propagatur virus lactatione, ut laudatus Anonimus refert, se vidisse nutritum labē infectam, quæ lactentem ita veneno imbuerat, ut etiam ejus ossa corruerit: (a) lac enim inficere, exemplis manifestum habemus; & primò ex *Divino Sene*, qui sic loquitur: *Mulier, Capra, elaterium, aut cucumerem sylvestrem comedentes pueris purgatio.* Idque etiam confirmatur ab ejus Interpretæ, qui refert exemplum puellæ, quæ ob pharmacum a matre assumptum totaliter vehementerque purgata fuit. V. Suctione etiam semineū venereum propagatur; & ideo Anonimus in suis Commentariis eodem in loco supra citato scribit de puerro, qui ex parentum labē infectus erat, & nutritum, a qua lac sugebat, infecerit. Testatur etiam *Doctor Barri* (b) Societatis Regiæ Londinensis Socius, se vidisse plures affectos sola suctione. VI. Con-

trecta-

(a) Tom. v: *de Lue venerea:* [b] *Essais, & Observations de Medicine de la Societé de Edimburg* tom. v.

treptatione, & a *saliva* malum quoque disseminatur, potissimum cum oris faucium interiora exulcerata sint; Unde habemus in supra citatis Commentariis, quod pulcherrimi Juvenes cum scortis consuescentes Luem venereum sola basiacione contraxerint. VII. Per *Contactum* venereū disseminatur virus; sic si Lue laborantis venerea calida sudans manus sanam arripiat: vel si cum infecto decumbat ægri iisdem substragulis; in his enim casibus fertur, corpus insons veneno tactum fuisse, uti docuit exorta pruriens *scabies venerea*; Sic etiam interdum Obstetrices male habet *venerea Labes*, si forte diutius quam par sit, dum parturienti auxiliantur, in corrupta vagina manus detineant; (a) nam tunc inhalantia vasa, ab Antiquis *Bibula* dicta, per epidermidem dispersa venenum absorbent, & liquorem adiposum coinquinant; Qualis historia a Joanne Fernelio de *Lue venerea* tradita est.

§. V. **P**retendunt etiam nonnulli inter Autatores, quod in distans contagium propagari posset; Sic narrat celeberrimus *Boerhavius* in Collegio Practico, accepisse ab amico, Venetiis omni anno sumptibus publicis turculenta Lue infestos pauperes sanari; Ibiique cum plurimi in eadem Camera decumbant, ab illius exhalatione veneni per aera dispersi, intrantes, & ibi paululum mortati inhalando tumida accipiunt labia; hinc & incurandis his morbis semper sibi carent Medici: quod certe falsum quotidie experimur; numquam enim per medium aerem tetur hoc malum, excepta

D

cepta

(a) *Kau Boeravve de insensibili Perspiratione.*

cepta sola scabie venerea, disseminari docet *Vidus Vidius.*

§. VI. **Q**ua verò via, & quomodo primò manifestatur venereum *Contagium*, adhuc discepitur inter filios Hippocratis; Aliqui, & præsertim ex Recentioribus, semper per *Gonoream* manifestari contendunt; quod certè erroneum est, ex illis, quæ diximus; Nam certis observationibus compertum, non omnem *Gonorream* virulentam esse, neque virulentam a semineo semper venereo profici; quorum adeo observatorum Medicorum specimen aliquod in præsentia adnectere visum est, quo inde Asserti nostri veritas evidentiùs pateat; Norunt omnes Batthavi Medici, (a) quòd *Cerevisia* non bene cocta, scilicet non satis fermentata, fluxum gonorroico adeò similem ingenerat, ut difficillimè a venereo, & virulento distingui queat; cùm similia symptomata utrobique prodeant; itaut *Batavi*, dum in gonoream incident, pudore coacti semper *Cerevisiæ* potum accusant; quæ tamen solo usu refrigerantiū, & aliqua sanguinis missione peracta, facile sanatur. Hoc tamen non obstante, quamplures Medici contrariam sententiam tenent; unde si quis gonorroeus eis curandus offertur, illico pro contaminato venerea Lue habere solent. Verùm compertum mihi est, non solùm *gonorreas* excitari absque ullo prævio concubitu, venerisque usu, quod ipsum *Gonorreas* simplicis genus videtur Generi Humano coævum; planè, ut *Astruchius* censuerit, apud Hebræos id mali genus invaluisse, quòd scilicet prava victus

[a] Guisart sours les maladies venerjens a l'Hay.

viētus ratione uterentur, vel verosimiliūs, quōd in
salacitatem nimiam essent proclives. Verū mirum
est, & omnes hucusque in compertum habemus, quod
hoc anno proximè præterito 1761. appetente Ca-
nicula, ex immoderato usu piscis *Tinni*, vel *Tunni*,
qui a proxima Sicilia ad nos quotannis affertur, in
multis contigisse, probavimus; vidimus namque in
tribus Gonorream, seu fluxum quemdam seminis
tacito lapsu ex ureteræ ostio manantis, absque ullo
flogoseos signo, & sine ullo voluptatis sensu. Sed,
ut erant de eorum genere, quos de cetera castis-
simos humanæ fragilitatis veneris furtiva illecebra
monet. In aliis autem nuptis ex ejusdem piscis co-
mestione virulentam Gonorream contigisse, adeo
similem adnotavimus, ut vix ovum ovo magis simi-
le reperire liceat; Imprimis cùm in quamplurimis
eorum, qui mēa se dederant curæ, prægressus coi-
tus cum uxore licet honesta non leve susceptæ con-
tagionis venereæ scrupulum injecerit. Sed & assi-
dentia symptomata hanc, quam de Lue foveram,
sententiam confirmare videbantur: etenim vix a
concubitu aliquot momenta elapsa sunt, cum viri
(immuni ab omni veneno femina) pudenda cuncta
dolore vivido, calore, tensione urgeri inceperint;
involuntaria ad hæc, & s̄epissimè recurrente ere-
tione molesta, mentula corripi; totum perineum
ad ani confinia usque, ureteræ radicem tumore do-
lorifico, & vehementi pulsatione quat; Ipsa au-
tem *dissuria* urens adeo s̄eva est, ut in *stranguri-
am*, nisi citò occurras desinat, metumque futuri
abscessus injiciat: imò illa omnium symptomatum
agmen ideo ducere videtur, quod nisi post hujus-
modi ardorem urinæ, tum seminiformis materia-

profluit, tum sanguinis mictio occurrit, eaque remittente, remittunt, adveniente, adaugentur omnia morbi effecta. Tandem sedimentum, quod in urina talium ægrotantium subcruenta conspicitur, a pure, & semine corrupto, idcirco alienum erat, quod pus, aut purulenta materies supernatare soleat, hæc autem materia viscida fundum peteret matulae. Hæc est sincera *Gonorreæ* talis descriptio, in qua sanè luce meridiana clarius patet, & glandulas couperianas, & vesiculas seminales, & totius cavæ ureteræ lacunas, & vesicam urinariam, *distentas*, *erosas*, *inflammatas*; causas totidem esse omnium illorum simptomatum, ut *Satiriasis*, *Dissurie*, *Stranguriæ*, *Effluxus seminis*; Cave tamen credas hocce inauditum phænomenon, & longè abditioris causæ, omne a Lue venerea, qua virilia occupantur fortè, deducendum esse. In alios ea tamen caderet suspicio, quos constat flagitium cereare de industria, aut in feminas, quas pudet peccatum exprimere; sed affirmatissima meorum ægrotorum assertione, quos viros esse probos, ingenuos, veri amantes, & veridicos novi, permotus, altè mihi suadeo, nullum in hac *Gonorreæ* specie, licet virulentæ, contagium incusari posse, præsertim cum feminæ ab hocce, ut creditur, impuro coitu nihil mali passæ fuerint; Quid ergo, an ab usu *Tunni* ob accendentem, ut ægrotantes fatentur, nimiam liquorum ardentium potationem isthæc genitalium noxa petenda? Et quî fit, ut non semper *Gonorrea tinigulones* afficiat! Audi conjectantem, nec longè fortè a vero discedentem: quoniam piscium horum infinitus grex, postquam ab Oceano Atlantico in *Gandavensis* litora irrupit, & Orientale Mare circui-

circuivit, eò revertitur, passerum ad instar, unde probabiliter abivit. Sed & emenso Oceani vasto itinere, non priùs nostræ Insulæ Melitæ, aut ad sitæ Siciliæ appellit ora, & a Piscatoribus sumitur, quām sub finem Junii, continuata pescatione adulto jam Julio. Quo tempore, ut legisse memini, puncturæ cujusdam insecti sub dorso incumbentis, cutemque altè fodientis, adeo obnoxius reperitur, ut statim in furorem agatur; prodiderintque Scriptores nocivam, imò & pestiferam esse comedam ejus carnem.

Quæ cùm ita sint, videtur ea esse natura *Tinni* ita rabidi redditi, ut quām proximè *Cantaridum*, īdolem accedat; hæ enim si incautiūs, aut audaciūs introsumantur, imò si externa sub vesicantium forma præpostorè adhibeantur, similia solent arcessere simptomata, scilicet Renum, Vesicæ, Ureteræ flogosim, inflammationem, exulcerationem; imò & accurate *Baglivio* foedissimas *satirias*, mixtus sanguineos, & tandem, quod ad rem nostram magis facit, flogodeum quemdanī, semenis quasi effluvium, cum gravi *dissuria* stipatum. Dixi: *quasi semenis*: potest enim in violento *priapismi* impetu stimulatis ex conceptaculis suis semen effundi, sed ut plurimum, ut animadvertisit *Baglivius*, (a) mingitur muccus ille, qui vesicam, ureteramque naturaliter oblinit, & sub specie *semenis* incautos illudit. Videtur ergo, venenum illius insecti, de quo jam actum est *Tinni*, humorum oceano communicari, & solida contaminare, & in sanorum hominum corpora ferculorum varia sub forma traduci, traditum peculiari modo urinæ latici admisceri, relicti s. ceteris

(a) *Observat. 1. p. m. 475.*

ris liquidis, non secūs ac videmus venenum *hydropobicum* salivæ, venenum *variolosum* puri pustularum, tamquam propriis vehiculis insidere; & profectò urinam in hac nova *Gonorreæ* specie primò affici, constat ex eo quod mitigato naturali acri lotii per epota decocta emollientia, sileat tantisper morbi ferocia, & e converso recrudescat dissuria, ubi primùm exercitio, solatione venerea, salia urinæ innidulantia acuuntur, efferuntur, & fodican-
dis viis, per quas transeunt, aptiora evadunt.

Concludere itaque juvat ex simili analogia inter *Gonorreæ* speciem, quæ a *Cantaridibus* infertur, & quam modò descripsimus, oriundam ab carne *Tin-
nina* in escam apparata; ambas simplices, & sine fomite ullo, seu venereo seminio inititio produc-
tas; neutram seminio ullo induci, nec ullam labem fovere, neutram virulentam, neutram per contagionem traductam censer: Hinc est, ut quibus ad præcavendum, curandumque causticum *Cantaridum* venenum, uti vulgò consueverunt, iisdem quoque remediis huic *Gonorreæ* occurrit; nimirum quæ demulcerent adventitiam urinæ acrimoniam, quæ affectæ ureteræ, & emissariorum in eam hiantium exulcerationes eluerent, detergerentque; demum quæ pristinum ægris partibus tonum restituerent: Huic scopo laetitia, lac ipsum intùs exhibitum, forisque applicatum, multigenæ injectiones in ureteram, primùm anodinæ, lenientes, dein balsamicæ, & mundificantes, & variæ emulsiones, *perinei* embrocationes, balnea, fatus ex plantis mucillagino-
nis, oleo anno dino divitibus, & cetera id genus auxilia, quæ sanè tempore, loco, & ordine debito administrata, *Gonorreæ* isti felicissimè propul-
sandæ,


sandæ, reprimendæque contulere. Nec enim alia methodo adversus *Difteriam* hodie occurritur a Practicis, cuius sanè indolem exactè refert iste morbus, sive miëtus ardorem, sive continuum menjdi desiderium, sive citam morbi reversionem. sive juge muccosæ materia ex uretra cum urina stillicidum respicias, sedulq[ue] advertas.

VII. **C** Larè intelligere datur, quòd qua parte suscipitur virus, ibi morbum creat; unde si virulentum myasma in extremitatem membra virilis, scilicet prope *coronam*, & sebaceas glandulas occupet, tunc ulcera in glande obſervantur; quæ etiam aliis in locis frequenter deprehendimus, scilicet quando inflammationes, ac tubercula a veneno formantur, quæ in apice rumpuntur; Has enim diversi generis in genitalibus noxas sub pri-
mum Luis ingressum conspiciebant Veteres; si vero venenum in *preputio* sedem suam fixerit, tunc *phimosis*, vel *paraphimosis* succedunt; si nervosæ papillæ glandis veneno sint imbutæ, elevanturque, & cellulosa tenuis fabrica absumitur tabo venereo, tunc *verrucae*, *porri*, & *ex crescentiæ carnosæ* di-
versæ qualitatis generantur; si glandulis inguinalibus malum infederit, bubones succedunt; Denique si interior ureteræ membrana, quæ maximè donata est nervis, afficiatur, tunc difficultas mingendi sequitur, quam *stranguriam* vocant Medici; & si huic materia viridis, crocea, vel fusca jungitur, tunc *Gonorream virulentam* pessimæ qualitatis pa-
tiuntur ægri, (a) licet vero ex aliis partibus ma-
teries

(a) des Maladies qui regnent le plus commument dans les armées par M. Vanvieten p. m. 200.

teries illa provenire possit, ut benè expressit Joannes *Astruchius*. Si verò virus venereum non solum sit in parte, verùm etiam cum lympha, aliisque humoribus sit confusum, omnesque humores coinqui-
naverit, ut sàpè sàpiùs succedit in *Gonorreis* non ritè tractatis, in *Bubonibus* non suppuratis &c. tunc Lues confirmata erit, unde varii, ac diversi morbi gigni observantur; (a) qui non facilè curari possunt, ut affectiones cutis, morbi genitalium, oris, narium, faucium, oculorum, aurium, ossium &c.

CAPUT



(a) *Joann. Astruc. de Morb. vener. tom. I.*

CAPUT II.

*De Remediis, quibus usi sunt Veteres Medici
Ad Luem Venereum curandam.*

VIII.



N primo morbi ingressu anxie querebant Medici aliquod remedium ad eradicandam tetram Luem; nec enim audebat ipsam curare, adeo ut pauperes hoc morbo laborantes initio expulsos fuisse ab hominum commercio, (ut ex historia accurata morbi habemus) & a Medicis derelictos per campos vagantes prodiderit *Astruccius*; Donec *Nicolaus Leonicius*, aliique Medici tot, tantisque miseriis commoti, unanimi voto curationem morbi aggressi sunt, & methodicam, seu rationalem curam constituerint.

IX. Postquam inde per plures annos hoc modo tracteverant morbum, quin ipsum radicitus evellere possent, ad *Mercurium* recursum habuerunt, cuius quidem in arte salutari usus, ab universa Medicorum posteriorum turba, scilicet *Dioscoride*, *Plinio*, *Galeno*, aliisque plurimis proscriptus erat tamquam noxius, virulentus, & venenosus, ea ratione, quod scilicet illum quarto gradu frigidum crederent, [a] eoque caloris naturalis destructivum; ac proinde non nisi calidis medicamen-

E

tis

- [a] *Ricardus mead. de venenis tentamen. 4. num.*
- 2. *Joan. Baptista mortonius de morbo Gallico p. 482.*
- Joan. Astrucc. de morbis Venereis tom. I. p. 340.*

tis correcto utebantur, uti *Teriaea*, *Mitridatio*, aliisque plurimis Remediis hujus generis.

X. *Mercurium* ita a Chimicis dictum, sive *Argentum mobile* Aristotelis, crediderunt veteres Medici, esse aquam viscosam in visceribus terræ, substantia subtilis, albæ, tinctæ, calori temperatissimo unitæ: ac proinde argentum vivum *Hydrargeros* dicitur græcè a voce *idor*, quod est aqua, & *argiros*, quod est *argentum*, derivatum est, quasi *aqua argenti* diceret. Recentiores verò ipsum considerant uti substantiam metallicam, fluidam, tactu frigidam, argenteo splendore nitentem, gravem, summè volatilem sola corpora metallica [a] madefacientem.

XI. *Primariæ*, ac *principales* argenti vivi proprietates sex a Physicis numerantur; (b) Medici verò Recentiores tres ei tribuunt, scilicet *fluxilitatem*, *gravitatem*, & *summam volatilitatem*; [c] *Magnam fluxilitatem* oriri credunt ab ipsius sphærica figura: nam cum nullis hæc angulis exaspereatur, facillimè super alias excurrit. *Maximum pondus* oriri demonstrant ex illius partium soliditate; inter omnes enim figuræ, sphæricam esse capacissimam, omnes demonstrant *Geometræ*, atque continendis pluribus materiae partibus aptissimam. Tandem ipsius *volatilitatem* a diversis causis vocant Physici, sed illam probabilius mihi oriri videtur a pororum aptitudine in excipiendis ignis particulis. Habet etiam & alias *essentiales*, ut vocant, *dotes*, quas

(a) Stephanus Geoffroy, *mater. Medic.* tom. I. [b] Padre de la Torre *Scienza della natura* tom. I. (c) Nicolaus Cirillus *dis. de Argento vivo cästul.* tō. III.

quas vel ex sua natura, vel ex varia præparatione,
vel coñixtione cū liquoribus nostrī corporis acquirit ,
ut diligenter, ac eruditè *Nicolaus Cirillus* expressit.

XII. Arabes Medici primi omnium fuerunt, qui Mercurium adhibere ausi sunt; inter quos fuit *Ioannes Damascenus*; & quidem externè, ad *scabiem herpetem*, ceteraque cutis defœdationes curandas; necnon etiam ad *pediculos* enecandos; (tunc enim Luis contagium notum non erat) ipsum enim experiri cœperunt in hoc morbo ex analogia. Nam cùm vidissent veteres illi Medici unguenta Mercurialia cum optato successu in pluribus morbis adhiberi sine ulla noxa, ipsa præscribere ad curandam atram Luem accincti sunt. [a] Et primò *Joannes de Vigo*, & *Jacobus Berengerius Carpensis* (b) non infelici eventu, neque mediocri lucro hujus therapejam Mercuriale primi exercuerunt; sed parva semper dosi utebantur, (adhuc enim metuebant a remedio non satis explorato) donec, duce experientia , pedetentim adauxere dosim. Empirici verò magnam quantitatē unguenti applicando, miseros ægrotantes ita opprimebant, ut præ vehementia Remedii vitam cum morte permutarent; Unde tam arduum videbatur hoc curationis genus, ut perire miseri hoc morbo complures, quām eo remedio levari mallent.

XIII. Exteriori Mercurii more quatruplici modo utebantur Patres Artis; nempe *Unguenti*, *Emplasti*, sive *Cerati*, *Suffumigii*, & *Lotionis* specie;

E 2 (a)

(a) *Joann. Bapt. Mortonus de morbo gall. Joann. Astruccius tom. 1. p. 340.* (b) *Gabriel Falloppius cap. 76.*

(a) Et primò illiniebant artuum juncturas , imò aliquando totum corpus , cavendo tamen a capite , thorace , & abdomen , has enim nobiliores , ac præcipuas partes corporis appellabant ; Nec sine ratione hisce locis parcebant ; Nam Nobis pluries & pluribus Auctorum constitit observatis , lethalem ab illitione harum partium exitum evenisse ; Sic consentit Nicolaus Cirillus in sua Aurea Dissertatione de Argento vivo , historiam tradens Nobilis Juvenis , qui ob capitis unctionē ab incauto Empirico adhibita acutissima febre , cōvulsionibus stipata correptus , intra triduum vitam amisiit ; Igitur sapienter monet Fracastorius , dum ad Petrum Membum scribit sequentia :

Parce tamen capiti , & præcordia mollia vita.... Neque aliquot illitionibus Mercurialibus contenti , eas səpissimè in primis majori addita Mercurii dosi , quām ægrotantium vires ferre possent , urgebant adeo , ut quamplurimi longissimo ptialismo exhausti , tandem occumberent ; qui etsi lethum effugissent , in tumefactiones capitis linguæ horrendas incurrebant ; [quæ interdum inflammatione ita tumebat , ut dentibus confoderetur] (b) Graves etiam diarrheas , ac dissenterias , vigilias , emophtyses , epilepsias , sive insultus morbi caduci , exacerbationes dolorum , dentium lapsus , manducationes impeditas , ingentes catameniorum fluxus , abortus in prægnantibus , inania phantasmata in hypocondriacis , simulque teturum oris fœtorem sibi comparabant ; Item ulceræ phagedenica profunda , sordida ,

(a) Aloysius Luisone de Morb. gallic. tom. 1.
[b] Franciscus Valeriote Observ. Medic. pag. 339.

da, depascentia, scorbutica; quid plura? linguae cum gingivis, aut gingivarum cum buccis coalitionē, aliaque plurima hujus generis symptomata: Ingemiscebant sic miseri Ægri suis clausi in hypocauitis, & nonnisi cum summa molestia eluctabantur; Unde tamquam infame, & crudele hoc medicationis genus præ oculis omnium permanit, omnesque ab ejus usu horrorem conceperunt.

XIV. Aliquando etiam morbus non debellabatur nec a prima, nec a secunda hydrargirosi, & tunc taatūm mala a Mercurio producta ingruebant, ut nobis quotidie videre contingit; & 1. Si Hydrargirus bene purgatus non sit, multisque particulis eterogeneis scateat, aut sulphureis, aut arsenicalibus; sèpè etiam accedit, ut cinabaris nativa ratione vitriolicarum partium, vel etiam fortasse arsenicalium, anxietates circa præcordia excitet, quod & Geoffroy (a) bis, terve observavit; licet ipsa cinnabaris pluribus lotionibus purgata fuisset; Ex cinnabari si extrahitur Mercurius, periculum etiam est, ne secum delateria mineralium corpuscula rapiat, uti plumbi sunt: quòd namque plumbum in se contineat virus nervis & membranis, quas vehementer constringit inimicum, plura sunt, quæ id docent. *Videmus illud manifestè*, inquit Fridericus Hofmannus (b) ubi illi, qui mineras Saturninas tractant, urunt, fundunt, ponderant, a fumo in intestina descendente in convulsiva tormenta alvi adfrictiones pertinacissimas, manuum paralysēs, contracturas, asthema siccum periculosum incidere;

sic

(a) *Materia Medica* tom. p. m. 246. (b) tom. vi.
Dissert. de Medicament. section. I. §. xvii.

Sic etiam Illusterrimus Austriae laudatus Archiater *colicam Pictorum* frequenter se observasse asserit in illis, qui plumbo fundendo operam navant; Se vidisse, etiam narrat in suis Commentariis, integrum familiam laborare hoc morbo, dum ad culinares usus adhibebatur aqua in magno receptaculo plumbeo collecta. II. *Apoplexiæ*; nam cum globuli argenti vivi sphærica figura sint donati, maximam attractionem inter se habere debent; attractio enim corporum, ut demonstrant omnes Physici, est in ratione directa gravitatis, & cum inter figuræ (§. XI.) sphærica sit maxima, ut etiam omnes Geometræ docent, ideoque Mercuriales globuli suapte natura ponderosissimi, & rotundissimi, majorem inter se attractionem habere debent; & ideo globuli Mercurii crudi per venas inhalantes in corpora intromissi, & cum sanguine commixti in ultimis arteriolis, ubi motus humorum maximè lentus observatur, per vim attractionis se colligant, necesse est; unde in ventriculis cerebri, vel in ipsius tubulis stagnantes, præ maxima eorum gravitate vasa cerebri compriment, & *Apoplexiæ* creant, teste Joanne Jacobo *VVeppero* in suis Observationibus. Adunantur etiam molleculæ mercuriales, intra retinæ canales nervis adsitos, non sine cœcitatis metu; illud observavit *VVoollus* in pluribus hominibus unctionem, & salivationem mercurialem passis, nimirum anteriorem camerarū oculi multis globulis mercurii stagnantibus, & visum malè affidentibus refertam. Vidimus etiam lapsis retrò annis in nostro Nosocomio Juvenem scrophuralem *gutta serena* laborantem non alia de causa, quam ab usu illitionum mercurialium profecta.

Hujus-

Hujusce noxae simile ortum scripserunt Riverius
Heysterus. (a)

XV. Observatu etiam dignæ sunt III. Paralyses,
& Epilepsie; unde celeberrimus, & non satis lau-
dandus Gerardus VVan-svieten Archiater Augustis-
simæ Imperatricis Mariæ Theresiæ in suis Commen-
tariis sequentia nobis reliquit: (b) Postquam Lues
venerea per inunctiones argenti vivi tentata fuit,
ut sèpè imprudenti consilio ab Agirtis magna co-
pia unguentorum applicabatur, observata docent,
Epilepsias & Paralyses frequenter contigisse. Unde
ii, qui effodiunt argentum vivum vix excedunt
tertium annum in tali opere, & si ulterius tales
artem exerceant, fiunt surdi, vel incident in ma-
lum habitum, vel in Epilepsiam, vel in vertig-
inem, vel in paralism, vel in aliud similem affe-
ctum frigidum, ut docuit Vanotius. Constitit etiam
argentum vivum humoribus circulantibus miram mu-
tationem corpori inducere, sed & frequenter elabi, et
vasis colligi, & stagnare, in ossium cellulosis recessi-
sus ibique pondere suo membranas sensiles præmen-
do, & distractendo, dolores molestissimos, tota vi-
ta pertinaciter manentes producere. Sic novi Ju-
venem qui ad extirpandam tetram tuem ter hy-
drargirosum pleniorem habuerit, sine ullo levami-
ne licet cum necessariis cautelis, & a prudentibus
Medicis curatus fuerit, & nunc continuò in me-
dio ossium femorum de dolore conqueritur, quin
adhuc possit liberari, licet varia purgantia, necnon
sulphurea medicamenta hauserit; unde merito Poe-
ta canit:

Graecus

(a) Tom. 1. de Cataracta, aliisque plurimi. (b)
Comment. in Hermann. Boerhaav. §. 1075.

Graviora morbis patimur remedia,

Nec vita tanti est vivere, ut possis mori.

XVI. Hemorragias etiam iv. lethales multoties usum illitionum Mercurialium sequutas recordor; licet in adhibendis frictionibus necessariæ observatae fuissent cautelæ. Sic in Suburbio Villbenæ femina trigesimum annum suæ ætatis agens, multis ab hinc annis post periodica menstrua, *hemorragia uterina* vexari solebat, quam Medicus ipse ordinarius tunc temporis Suburbii ejusdem non semper inviseram, licet radicalem curationem illa renuerit; Nam dum ab hoc incommodo liberata, & sanitati restituta videbatur, post aliquot tamen diebus laboribus domesticis nimium indulgens, scilicet anno 1761. die tertia mensis Februarii, recursum ejusdem morbi passa est; & quia jam pridem gonoream virulentam a marito acceperat, Professores, quos advocavit, adesse ulcus uteri venereum existimarunt; qua de re ei præscriptus fuit *illitionum Mercurialium usus*, atque adhibitis necessariis phlebotomiis, aliisque subsidiis huic methodo opportunis, postquam morbus, quo afflita erat ægra, cessavit, ad Nosocomium Incurabilium (quò solent multi confluere) se contulit, ut de foedo ulcerare uteri argenti vivi ope liberaretur. Verum antequam misera frictiones ex Mercurio subiret, solo halitu ita recruduit morbus, ut unâ cum profluente ab utero sanguine vitam miserrimè die xiii. mensis Maii cum morte commutaverit. Videtur hinc Mercurius vi cordis impulsus, & cum aliis fluidis circulans, inquæ obstacula, scilicet flexiones canalium impingens, directionem sui motus a centro valis ad canarium latera urgere; Hinc major ejus actio futura est

est in orificiis vasorum secundi generis, & cùm hęc tanto momento resistere nequeant, a proprio axi divelluntur; unde hemorragiæ lethales frequenter succedunt, ut eruditè expressit Doctor *Josephus Denarco* in Tractatu Mechanico de *non naturalibus* &c.

XVII. Inter gravia etiam infortunia v., quæis ob Mercurium, sive crudum, sive unguenti forma illitum infirmi plerumque subjacent, non injuriā quidem miræ convulsiones recensentur, quibus musculi caput, collum, ad anteriora flectentes, aut ad posteriora trahentes, (modò seorsim, modò simul affecti) diversa spasmorum genera sint. Sic Anonymus recentior (a) putat. Doctor etiam Cirillus, ut (§. xiv.) miras convulsiones in Nobili juvene ex hydrargirosi observavit: neque ab hujusmodi spastmo immunis evasit canis, qui ob scabiem Mercurio unctus, paulò post attractus obiit. Rigiditatem etiam omnium muscularum, & vehementissimum tetanum passim videre est, in argenti vivi Fosforibus; ut rectè eum morbum *Paracelsus Metallicum* dixerit. [b] Constat ergo, & confirmari quotidiana experientiâ poterit, quām plurimos ab illitione Mercuriali vitam anisisse; Sic vi di hoc anno, die tertia mensis Maji in Suburbio Vilhenæ feminam convulsam obiisse post secundam argenti vivi unctionem. Obstipos alios mansisse ab hujus unguenti applicatione, nobis etiā videre con rigit anno 1759.

F Quod

(a) Raccolta d'alcuni Opusculi sopra il moderno abuso del Mercurio nella Medicina. In Venez. 1753.

(b) Haller tom. VI. p. 256;

Quod quidem phenomenon, ut ordine, dilucideque patescat, duo impræsentiarum breviter in disputationem cadere videntur. Alterum, metallum respicit sponte, & ex sua natura convulsionum ferrax; imprimis sicubi, ut solent, sub unguenti forma affricetur. Alterum simpaticam illam attinet legem, qua Mercurius illitus capitis, collique præ ceteris musculos in convolutionem cieat. Et primò quidem, licet convolutionum omne genus, magno *Hipocrate* duce, ad binas, repletionis, & inanitionis classes hodie referant multi; datur, meo visu alter *convulsionis* fons ex natura cujuscumque stimuli, seu majoris canaliculorum contractionis derivandus, quin, ut perperam creditit *Bellinus*, stimulus ille ad siccitatem reduci posse videatur. (a) Quot enim in tenellis hominibus accidunt convulsiones ob animi patemata! Quot, & quantis non agitantur spasmis hystericae ex sola, ut loquitur *Sydenhamus*, spirituum *ataxia* productis? Quām stupendas non patientur solidorum irritationes pueri, dum iisdem dentium acumina tenellas gingivas confodiunt? Est ergo de natura stimuli, vim fibrarum contractilem adaugere; si verò *repletionem* vasculorum producat, id non rationē stimuli, sed ex alia quadam proprietate producit. Eam ob rem, ex triplici capite derivandam censemus miram illam contrahendi solidas, partes proprietatē, quæ illitum Mercurium sequi observatur.

Primo, ex *repletione vasculorum*, quæ locum habet in primo *hydrargirosis* stadio; videlicet ubi

Mer-

(a) *de morb. capit. p. m. 345. Boerhavv. de Epilepsia. Monsieur Pome p. m. 23.*

Mercurius sanguinem ingressus, momento suæ gravitatis, & celeritatis majori, quām par est, momentum singularum molecularum sanguinis summam rarescentiam concitat; adeoque arteriarum tunicas pleniùs replendo, & magis dilatando calorem auget; Hinc vascula lateralia ab arteriis orta ab hoc majori impetu dilatantur, rubro sanguine repletur, & manente eadem determinatione, omnes fibrillæ simul integrè, diuque turgescunt. Quo tempore per aduentam hinc vim cordis, inde incrementem cerebri pressionem, influet, plus, & diu in villos motrices, nervis patentibus fluidum nervosum; proindeque binis hisce de causis fiet invita, & violenta contractio muscularum, cum attracta, simul parte muscularis appensa.

Sed & Secundò: in altero *hydrargiroseos* tempore, quo aucta humorum fluxilitate, citatiore, & frequentiore sanguinis appulso, validiore momento, quo sanguis ad exteriora appellit, secretiones largiores fiunt, succedit *salivatio*, *diarrea*, *transpiratio aduentia*, & in sexu amabili, ut sæpissime vidi, *uteri hemorrhagia*; In hoc, inquam, stadio nullum dubium est, quin *convulsio*, & spasmorum diversa genera Mercurio delibutos invadere possint; Hæc enim omnia siccitatem liquidorum, tubulorum *inanitionem* nullo negotio inducunt; & quod inde sequitur, muscularum villi exarescentes secum ducent, renitente voluntate artus; unde rigidas, & immobilitas.

Si remota omni salivatione, dum solitis ex artis legibus, Mercurius sanguini interspersus non morbosam humorum rarescentiam, sed æquabilem, facilem, & sanum quasi motum ciet, *hydrargirosis*

tertium stadium inspiciamus; habebimus, & aliud non leve convulsionis argumentum a solo stimulo petitum: Cùm enim ceteris paribus, ex iterato guttularum Mercurialium incursu globuli sanguinis disiecti, attriti, comminuti i in olea, & salia acria mutata sphæricā figura solvantur, & in tenuissimos tubulos irrepant, fit, ut sua rigiditate stimulo vellicent sensibilissima nervea filamentorum involucra, unde miræ spasmodicæ contractiones muscularum.

Jam restat, [quod erat alterum in quæstione propositum] ut rationem reddamus convulsionis topice, seu dolorum muscularum capiti, cervicique prouidentium spasmodicæ contractionis. Hanc omnem Mercurialeм unctionem in passis a tumore cistico ventri alterutrius musculi sterni mastoidei innato, repetere eum Hallero vetat & generalis convulsionum pathology, & numeroſissimæ convulsionibus peremptorum observationes a Boneto (a) relatæ, & non aliud pro ea causa spasmorum testantes, præter cervicis læsionem, aut nervorum siccitatem &c. Vetat tandem therrapeja horum spasmorum, quam balneis, fomentis, demulcentibus, anodinis, lenientibus, felici usque successu omnes hucusque Medici aggressi sunt; cùm tamen, juxta Hallerum, Chirurgica in tali morbo operatio institui debuisse. Neque verum est, cerebrum in omnibus Mercurio unctis, in suis integumentis, cortice, & medulla lædi, ut convulsionem tales in muscularis illis pariat. Verum si consideretur, tam in primo, quam in altero hydrargyrosoe studio febrem advenire,

caput

(a) Confer Anatom. pract. lib. I. section. XIII.
Observ. XIII. XVII. XVIII. & XXXII.

caput intumescere, os ulceribus infestari, hemorragiam ulcerosis vasculis accedere, [ut §. XVI. dictum est] si attendatur ad salivationem, excretionem nempe illico Mercurio ubique ferè succedentem; si demum ad oris *capistrationem* advertas, malum profectò *insuperabile* ab *Astruccio* vocatum: minimè tibi mirum videbitur, si actio, Mercurii analogia quadam, & inexplicato haec tenus ab ulla hypothesi consensu sàpè circa caput, assidentiaque loca musculosa exeratur, & vel repletione, vel inanitione, vel demum stimulo, vel combinato causarum concursu musculi omnes, qui & ossibus totius capitis adstant, collique vertebrae variè mouent, retrahantur, crispenturque; itaut violente, in-vito etiam homini capitis molem ad sternum depriment modò, retineantque diù, modò musculos cervicales immani concitato spasmò ad posteriora extendant, modò ad latera, ut in *obstipis* ducant.

XVIII. Inter infortunia etiam, quæ tertium hydrargiroseos stadium infestum habere solent, meritò recensetur *oris capistratio*; quæ quidem ita ab *Astruccio* describitur [§. XVII.], ut inemendabile malum habeatur. At subit mihi in animum recordatio talis malī in Juvene, quod raræ praxeos fortuna obtulit; quod rariori longè felicitate curatum fuisse, latus recordor.

Similem observationem mihi narravit Doctor Iosephus Demarco; Erat enim iste Juvenis temperamenti melancolici; qui gravi Lue venerea correptus, in Xenodochio Melitensi Mercuriali unguento inunctus, & apertam, & diuturnā salivationē molestè tulit. Qua factum est, ut ulcera numerosa, profunda depascentia oris interiora pessimè haberet, in

primis in gena lœva, ubi internè erosus, qua latè patet *musculus buccinator* cum superioribus maxilla superioris alveolis, unde passim exoritur, tum cum inferioris maxillæ gingivis, unde gradario suarum fibrarum ductu ascendit, terminaturque ad angulum oris coaluerat. (a) Tota, inquam, illius genæ cavea exesa, & profundè exulcerata, cum in intimo etiam ligamento intermaxillari ita firmiter recreverat, comprimebatque adeo inter se maxillas, ut neque vocis sonum ritè exprimere, neque os diducere posset, nisi quām satis esset ad sorbenda tenuiora juscula, quæ ille sibi summo labore in os indebat. Ita ergo affectus Æger, & pro desperato a Medicis derelictus, Monspelium ivit openi implorans: ipse autem charitate motus, & morbi novitate perculsus famigeratissimus Petrus Fournier, viso ægrotante, & vocatis in consilium omnibus, quotquot in Civitate Chirurgiam exercerent, præstantissimis Viris Brocandò, & Serrè, coram sensit; oris hanc noxam, ut infrequentem, ita difficulter curabilem fore; latum illud ligamentum, quod impossibilem maxillarum diductionem intulerat, a præternaturali ulcerum cicatrice exortum, nisi periculosa operatione extirpari non posse; vereri se, ne in operatione mansörorum tendines jam nimis retracti scalpello lacererentur. Imprimis ligamentum maxillas interjectum, cui *buccinatoris* portio adhædere solet, aliquo modo lacesitum funestam convulsionem indueret: Itaque præstabilius sibi videri, ægrum suæ sorti committere, quām vana spe frustra lactare; sperare autem fore ut continuato la-

ctis

(a) VVinslov tom. v. p. m. 558.

etis usu, quem e vestigio præscripsit, & gargaris-
 matum emollientium, tum falsior humorum crasis
 in ægrotante corrigeretur; sic fatum decernentem-
 que *Fournierum* sequuti sunt acciti Chirurgi illi,
 neque aliud agendum rati, ægrum dimiserunt. Pa-
 ruit ille mandatis, & per mensem lacte usus, semel
 atque iterum venâ incisa, nihil commodi inde re-
 tulit, quâm levissimam quamdâ partii contracta-
 rum mollietem. Idemtide enim aliquod quasi di-
 scerpi, divellique in parte ægra sentiebat. Hinc
 curæ pertæsus, & quæcumque ferre paratus, opera-
 tionem chirurgicam sibi fieri instat. Condito Ægro
 die, summo mane in ægrotantis cubiculum conve-
 nere omnes, quotquot sive noxæ raritas, sive ope-
 rationis, ut videbatur, audacia curiosos Chirurgos
 advocaverat. Itaque posito in sedili ægtotante, ca-
 pite reclinato, quoniam muscularum maxillæ sur-
 sum attollendæ inservientium, spasmodica velut
 contractio non permittebat diduci a se invicem
 dentes, osque satis aperiri ad immittendum spe-
 cillum; eam ob rem accincto ad operationem Chi-
 rurgo *Serrè*, non priùs illâ aggredi visus est, quâm
 evulsi binis dentibus utrinque incisoriis, & uno
 dente molari, commodiùs oris interiora perlustrare
 posset. Et profectò ore inde amplio hiatu pat-
 tente, & directim ad candelæ lumen opposito, ap-
 paruit quoddam ligamentum latera buccæ dexteræ
 interna obvestiens, callosum crassum, prorsus sin-
 gularis naturæ; nempe in hoc loco medium genam
 investiens, quod inde in ligamentum maxillas na-
 turaliter committens terminabatur, quocum inter-
 jectis tendineis funiculis adeo coaluerat, ut dubi-
 tare quis posset, utrum ligamentum illud laterale,

aut

aut tendines muscularum *masseteris*, & *crotaphite* ulceribus depasti, & male firmati; adeo extensi, productique essent, ut oris illam caveam alba, crustacea, callosaque materie obducerent. Sed ad rem itaque collocato ægro, & ore quoad fieri posset aperto, scalpellum cautè, & suspensa manu adegit Chirurgus inter teniam illam crassam, & callosam, & reliquam genæ partem, sensimque dissecuit, simulque firmorem hujuscæ funiculi *morbosum* cum ligamento *intermaxillari* adhæsionem eodem instrumento delicate, placidèque dissolvit; cavens, ne illud, & si quæ in vicinia essent tendinea vincula, lacesita, scalPELLi cuspide lacerentur. Tandem extrema capistri supernis infernisque maxillarium gingivis conglutinata gemina forficum incisione felicitter abstulit, integrumque morbosum corpus illud eduxit, & illico videndum exhibuit adstantibus. Vix autem se liberum ab illa capistratione sensit homo, cum effusa lætitia gestiens, os multifariè diducere, maxillas movere ludibundus coram cœpit. Sed gravius hoc, quo minus prævisum infortunium devorandum ipsi manebat. Etenim inter musculum *buccinatorem*, & *masseterem* utrumque non mediocre cavum insculptum est adipe repletum; (a) qui post operationem, ex aperto sinu, & *buccinatoris* carne maximam partem ablata nequam coercitus ex una, & ex altera parte, jugi inspirati aeris frigidi allapsu compressus, coarctatusque quotidie sub forma appendicis, aut fimbriæ pinguedinosaæ in oris caveam propendebat, quem adeo sedulò in singulis accessionibus Chirurgus abi-
scinde-

(a) *Winstow. ibid. 558.*

scindebat ; accidit verò , ut una die altius excavata parte , denudata arteria maxillaris pulsū , media in genæ parte conspicua a Chirurgo scalpello tacta vulneraretur , sanguisque adeo ubertim , & cum impetu exiliens , cubiculi , licet altum satis , lacunar coccineo colore momento perfunderet . Cui malo occursum illicè est non medicamentis ullis adstringentibus , non cauteriis , sed datis super hemorrhagiæ locum multis spleniolis ad exinanendum non modò sanguinem , verùm etiam ad vas saucium comprimentum ; Cujus rei cura binis ministris sibi mutuò succendentibus , & diu noctuque digitos vulneri apprimentibus , tota comissa est planè turatio , ut bidui spatio arteriâ cicatrice paulatim obducta , atque adeo tuto contracta , omnis hemorrhagiæ metus abactus est ; Quò autem relicta illa fovea carne impleretur , neque partes malè coalitæ , ob recentem cicatricem , denuò in brevius spatium sese contraherent , & ori stricturam postliminio revocarent , provisum est cuaneolis ligneis inter scrupeas dentium molarium superficies adactis , quo tempore emollienti gargarismate partium flexibilitas promovebatur : ita enim gradatim diducebatur maxilla , ad motum disponebatur , & tendines musculorum oris lentè , & absque ulla molestia ad nativam extensionem reducebantur . Id ipsum felix Chirurgi ausus est , & multò felicior curationis exitus abundè comprobavit , cùm sanus hodie in nostra Patria vivat , & cibis solidioribus mordendis , mandendis , inque ore voluntandis optimè sufficiat . Nuper etiam in Civitate Conspicua similem morbum ab usu mercurialium iltionum producto curatum vidimus solo emollientium , ac diluentiū usu per multū tempus continuatū .

COROLLARIA.

EX quibus colligere datur I. malè judicasse, Joannem Astruccium, dum oris capistrationem ab hydrargirosi excitatam immedicabile infortunium censuit, quod potius ægri, inquit, forti animo ferant, quam sibi operationem fieri finant, & novis miseriis miseras cumulent.

II. Frustraneam, imò periculosam ullam medicinam fore; in primis Chirurgicam, si ultrò secandi essent naturales tendines, quos tangere piaculum est; sed in nostro casu media buccinatoris caro exesa, & cicatrice dura obducta auferri & potuit, & debuit, absque ullo periculo modò, periti Artificis manus accederet.

III. Læsum fuisse musculum buccinatorem illius genæ, exinde constare, quod musculi carneum principium, progressus, & finis in albam, & duram, coccineamque substantiam degenerassent; quod ablata majori hujuscemusculi portione, & immunita adeo resistentiâ, facies media paralytica evaserit, saccumque efformaverit, in quem compellitur, quidquid ore assumitur.

IVi Potuisse adhiberi Sublimatum præ cultro: nám sublimatus Mercurius collirii sub forma admotus oris ulceribus multis nominibus scapello præfertur; sive quia frequentiori, & moderato affrictu penicilli humidæ collirio imbuti, ulcera per strata deradantur, cum Chirurgi manu tota, qua latè patet, massa decidat; sive quia nullum discriminem adest, ne canalis arteriosus, si quis illâc pertranseat, vulneretur hujusmodi institutâ therrapejâ; sive quia paulatim denudata parte, supposita vascula graduariam extensionem, & undique æqualem, mol-

lian-

liantur, & futuræ cicatricis primordia contexant; licet ergo tarda sit hæc medicina, quæ ope Sublimati paratur, at certè experientia compertum est, & magnam, & efficacem esse, nedum longè tutiorem, & minus crudelem, quam quæ a Chirurgia desumitur.

XIX. *Aneurismata* etiam aliquando ex hydrargirosi oriri posse, Medici omnes consentiunt, (a) quotiescumque scilicet sanguis, & lymphæ partes tanta vi ad latera canarium arteriosorum urgentur, & in majorem molem dilatantur, ut canaliculorum diametri, & cavitates naturalem magnitudinem excedant; Id ipsum Pareus Ballonius, aliisque appositis exemplis confirmarunt.

XX. *Febres* etiam, *Inflammationes*, *Frenitides* ab hydrargirosi oriri, quotidie testari possumus in Nosocomiis; Nec mirum, cum hacce methodo liquidissima dissipentur: diffantur scilicet tenuissimæ, & mobilissimæ sanguinis partes: hinc residuum sanguis magna parte diluentis vehiculi orbatus, densior redditur; Unde in morbosam concretionem facillimè transit; Tum etiam quia humores nostri corporis maximè in compactionem sunt proni, ut videre est in sanguine a vena hominis fani emissio. Accedit etiam motus nimius, a quo caloris augmentum; unde sanguis sic inspissatur, (b) ut per minimas arteriarum angustias amplius transire nequeat. Constitit porro ex numeroissimis observatis celeberrimorum Virorum, frequenter etiam febres

G 2 hecti-

(a) Hofterdik de Schacht. *Institutiones Medicinæ practicæ lib. vi. cap. x. p. 178. Lancifus de mot. cord. p. m. 130.* (b) Hermann. Boerhav. §. 377.

hecticas accidere ab usu illitionum mercurialium; licet ab *Astruccio* inter infortunia non recenseantur; Particulae enim argenti vivi sanguinem ingressa vim naturali multò majorem exerceant, sanguinem rarefaciant, vasorum parietes summopere extendant, oportet, dictante ipso *Astruccio*; Hinc labescentibus in dies vasorum contractionibus, sanguini per ea currenti debilius resistunt, ipsius momento cedunt, & mirè dilatantur; hinc minima vascula nutritioni prefecta continuò comprimi, atque particulas nutritias excludere necessum est; & quamvis meatuum ampliatio, ac robur vasorum cutaneorum imparia sint hecticæ promovenda; id tamen efficiunt, ut per salivales ductus fiat uberior liquidi excretio, quæ, data sanguinis velocitate, est in ratione orifici; & ideo cum robur sit in triplicata copia sanguinis, patet, vim corporis amitti, & ad tabescentiam viam sterni.

Tandem Scribentis memoria modò succurrit observatio a Boneto relata, (a) qua renes indurati, & viscida materia referti, post adhibitam hydrargirosim feruntur. Videtur namque, argenti vivi ope humores in eo Insirno adeo degenerasse, & tantam malignitatem acquisivisse, ut iis partibus, in quas a natura detruduntur, *Necrosm* inducerent; Eam ob rem liquet salivationem ob hydrargirosim excitatam cum venorum effectibus conferri aliquo modo posse; quandoquidem hydropici modicum mengendo vivant, cum e contra, accedente mercuriali salivatione, in nostro casu, suborta urinæ suppressio

(a) *Anatom. Pract. lib. III. scđt. xxiv. Observ.*
x. tom. II. p. m. 614.

pressio mortem acceleraverit. Chirurgi verò etiam in curanda lue imprudenter sese gerunt, infortuniis istis aut vix attendentes, aut ea negligentes, dum unctiones turpis lucri causa cuicunque alteri, licet tutissima omnium methodo, anteponunt.

XXI. *A Veteribus Medicis Emplastræ*, ac *Cerata ex Mercurio confecta* usurabantur, præscribunturque hodie aliquando a Recentioribus iisdem in casibus, quibus nostra ætate illitus *Meruriales* administrari solent. Quorum Emplastrorum formulæ in officinis adhuc prostant, ut illud sub nomine *Emplastri Vigonis cum Mercurio* evulgatum, scilicet quia *Ioanni de Vigo* maximè in usu erat, eo que nobilissimæ operationis habebatur remedium, quod millies se expertum esse cum ægrorum summa utilitate scribit. In *Bubonibus*, ac *Tophis venereis* (a) commendabant hæc topica prisci Scriptores, & modò idem laudant recentiores Medici; aliqui tandem ad ulcera rebellia, scabiem, phtiriasim cuti nudæ circa hypocondria panno laneo exceptum Mercurium vivum, & cum suilla pinguedine subactum (b) applicabant, (*quem cingulum patientiae Rulandus appellat*) quorum tamen emplastrorum omnium non inutilem modo in morbis venereis confirmatis admotionem, sed etiam noxiæ quotidie experimur: quod multis etiam rationibus demonstrarunt Auctores.

XXII. *Suffumigia* ex Mercurio vivo in usum practicum advocabant Veteres ad morbos venereostransfusos; & primò *Angelus Bononiensis* qui ipsa para-

(a) *Prax. Medic. sive Comment. in Hermann. Boerhaav. §. 1479.* (b) *Mich. Ang. Etmull. tom. I. p. 736.*

parabat ex argento vivo salivâ, vel terebinthina
 (a) extincto; vel tandem cinabari, quo inde ma-
 teria alendo igni apta reddebat; Alii cinabari ar-
 tificiali, vel potius ethiope minerali, vel ex una libra
 hydrargiri cum floris sulphuris mixta, unciis quatuor
 suffumigia conficiebant; Ex his verò non leve dam-
 num sentiebant ægri, unde melius quām Recentiores
 ipsi, non super prunas, sed potius supra ferrum,
 candens talia ingredientia injiciēda esse, Joannes Che-
 valier autumat, & hacce methodo affirmat, supra ducē-
 tos utriusq. sexus pueros, Juvenes, Senes, Mulieres
 utero gerentes se curasse ab hoc morbo. A Re-
 centioribus etiam Medicis Chirurgis Parisiensibus
 quamplurimis summoperè illa commendata vide-
 mus, præsertim in carie ossium nasalium; (b) Ve-
 rū quidem est, aliquando salutaria conperta esse suf-
 fumigia; licet multoties diversa infortunia ab eorum
 usu succedere observentur; unde cum magna cau-
 tela, & prudenter, & a prudenti Medico admini-
 strari debent; aliter alvi solutio, erosio palati, ca-
 fus omnium dentium, aliaque pravae symptomata
 jure timenda veniunt.

XXIII. Huc pertinent partium corporis abluti-
 ones ex siccantibus, rarefacientibus, discutienti-
 bus paratæ, simulque ex Mercurio sublimato cor-
 rosivo confectæ, quæ apud antiquos Medicos in-
 usu erant; quæ sic parabantur: Unciæ duæ Subli-
 mati

(a) *Essais, & Observations de la Societé de Edim-
 bourg. tom. IV. p. 45. Joann. Astrucc. tom. I. lib. II.
 cap. VIII. (b) Ludovic. Marteau dissert. an in cu-
 randa Lue vener. suffumigia ritè adhibita remedium
 optimum! Chevalier quæst. I. p. 5.*

mati hujus in libris quinque, vel sex aquæ stillatitiae diluebantur, & cunctas corporis partes, excepto capite, pectore, & abdomine, irrigabant; inde post ablutionem ægrotos in lecto reponebant, ut sudarent; eoque unà cum sudore materiam morbificam tetri veneni ejicerent e corpore. In *Lichenibus* quoque gallicis loturas istiusmodi practicabant veteres Medici; unde *Aloysius Laboreè* [a] de his agens hæc habet: *Prodest Licchenes perfundere aqua Sublimati* &c; quibus etiam in ulcerum curatione Medici quamplurimi Germani ahduc utuntur. (b) Apud alios in usu fuisse videntur, tamquam remedium potentissimum dissolvens in *Anginis*. In extirpandis etiam *glandulis* schirrosis idipsum proficuum topicum experiuntur Recentiores; [c] Quod jam olim noverat magnus Chirurgus *Joannes de Vigo* in componendis suis trochiseis de *Minio*. Ulceribus tandem rebellibus curandis Mercurium sublimatum corrosivum sub forma unguenti a priscis Medicinæ Cultoribus accommodatum legimus. Celeberrimus *Zappata*, dum apud Hispanos Artem salutarem exercebat, cum magna laude, ac ægrorum levamine se curasse afferit varia ulcera sordida phagedenica linimenti hujus ope, quod unguentum *Æsculapii* appellabat.

XXIV. Paulò tardius coepta est Mercurii interna administratio. Cui obstabat verò veterum Medicorum auctoritas, qui hydrargirum epotum vim maxi-

[a] *Collection. Luisin. tom. I.* (b) *Praxis Medicæ, sive Comment. in Hermann. Boerhav. tom. V.* [c] *Hermann. Boerhav. de Lue Aphrodisiaca p. 5. Doctor Malovin Chimi. Medic. tom. II.*

maximam enecandi habere arbitrabantur. [a] *Io-*
annes verò de Vigo his præjudiciis exutus, vel ut
alii censem, *Andreas Mattiolus*, *Præcipitatum ru-*
brum internè præscribere ausus est. *Inde Barba-*
rossa (b) suas internè adhibendas pillulas ex Mer-
curio crudo excogitavit. *Tandem ut dirum* *Celtice*
luis seminum extirparent radicitùs, *varia*, ac di-
versa præparata Chimica omnis ævi præscripsere
Patres Artis, *uti Mercurium*, *Præcipitatum fla-*
vum, *Album*, *Rubrum*, *Viridem*, *Metallorum Cry-*
stalli, *Vitriolum Lunæ*, *Vitriolum Veneris*, *Scobem*
Veneris, *Vitriolum commune &c.* *Aliæ etiam innu-*
meræ Mercurii præparationes evulgabant in dies
Chimici, *scilicet quæ illius destillatione perficiuntur*, *inter quos primum locum occupant Bezoarti-*
ca dicta medicamenta, *quæ vi lexipharmacæ pol-*
lere creduntur.

XXV. Quæsiverunt inde ex America auxilium
 tetri hujus morbi, planè ut noviter inventi reme-
 dii, scilicet Mercurii, fama, atque nobilitas quoti-
 die obsolesceret, & obscuraretur; unde circa
 annum 1517., ut refert *Antonius Gallus Medicus*
Parisinus, omnes Cultores Artis usum ligni guaja-
 ci amplexi sunt, scilicet quando *Consalvus ab In-*
sulis Antillis redux, ubi a contracta lue curatus vi-
 debatur, in patriam transvexit secum hanc métho-
 dum; adeout ea lignorum therrapeja luem omnem
 eradicari posse omnino crediderint; unde factum
 est, ut magno cum applausu decocta illa in usum
 medicum traducerentur, tamquam omnium anti-

(a) *Dioscorides lib. v. cap. 70.* [b] *Tret des Mer-*
cur. par. monsie Belot. p. 15.

venereorum sacra Anchora. Hæc itaque ligna a Medicis ut plurimum specie decocti in aqua propinabantur, licet aliqui in locum aquæ vinum sufficerent, [a] quod hoc forte utilius reputarent.

XXVI. Alia etiam innumera, ac diversa remedia a priscis Scriptoribus laudata fuerunt, velut specifica adversus luem venereum, uti *radix ching, sarsæ Parilla, lignum Sassafras, Oxicedrus, Karon*, aliaque similia. Non defuerunt etiam, qui temporibus posterioribus solo balneorum aquæ dulcis usu virus e corpore eliminare se posse, existimarent; Alii per venæ sectiones repetitas; alii per pharmaca, alii per Syrupos, alii per lotiones, & id generis plura auxilia venereæ Luis curationem aggredientes. [b] Tandem sæculo transacto plerique Medicorum Anglicorum, ut Doctor *Uren, Clar, Major*, aliique rem omnem Chirurgiæ Infusoriæ commiserunt, [c] infundendo scilicet, beneficio instrumenti appropriati, medicamenta varii generis, ut essentias *Sassafras, Guajaci*, cum spiritu *Fumaræ, Sinapi*, vel *Cedri* paratas; Ast meliora verò prædictis decocta viperarum, ac serpentium reputabantur a *Michaële Hetmulero*, quæ etiam maximi usus apud veteres Medicinæ Cultores, magnæque existimationis fuisse comperio; unde in morbis venereis desperatis tamquam sacrum asylum habebantur.

H

CAPUT

(a) *Collect. Lufsin. tom. 1.* [b] *Joannes Astruc. tom. 1. de morb. vener.* (c) *Mich. Angelus Hetmulerus tom. 1.*

CAPUT III.

*De Medicamentis, quibus utuntur Recentiores
Medici in Aphrodisiaca Lue curanda:*

XXVII.



ON una quidem apud Recentiores pertractandæ Luis hujus viget methodus: Quidam enim decoctum ligni *Guajaci* deprehendunt; Alii *Mercuriū crudum* internè sumptum eligunt; Alii tandem pro *Illitione Mercuriali* stant. Medici omnes *Hetrusci* pro *Decoctis* lignorum dimicant: unde illa tantum Decocta *Ægris* hoc modo infectis prescribunt. Ejusdem sententia fautor nostro hoc saeculo inter *Batavos* fuit celeberrimus *Hermannus Boerhave*, Vir de re Medica optimè meritus, & numquam satis lugendus; quin & experimentis hanc therapejam mirè illustravit. Refert enim laudatus Auctor historiam *Juvenis* lue venerea ita inquinati, ut ossa crurum cariosa evaserint, & unus articulus digiti manus exciderit; qui incassum adhibitis vehementissimis salivationibus mercurialibus, tandem usu longo, & efficaci ligni *Guajaci* sanitatem amissam recuperasse fertur; sed hoc non frequenter observamus: Experientia enim in dies præ oculis nobis exhibit incomoda, & pericula hujus Decocti, nam qui tenues, macilenti, & exucci sunt, qui temperamentum acre, biliosum, ac fervidum, qui pulmones, hepar, renes, ventriculum male affectum habent, ii sudore, quem Decocta cident, immodico extenuati,

nuati, facillimè in *marcorem*, *mārōsum*, *febrim*
helticam, *tabem*, *phtisim* immedicablem incident;
 Nām fervorem sanguinis, ejusque siccitatem ab e-
 jus usū causari multa observata docent. Sic *Berti-*
nus, *Pasqualius*, aliique plurimi idem testantur;
 Febres ardentes exinde non semel exurgunt; de-
 mūm solida crispando, & coarctando, *Apoplexias*
 inducere docet *Astruccius*.

XXVIII. Nostro etiam sēculo *Bellostius* Pater,
 ac filius *Mercurium* crudum saliva extinctum sub
 forma pillularum præscribendo, multas divitias ex-
 inde comparaverunt. Multi etiam Parisienses Me-
 dici, uti modò Doctor *Chycne*, eamdem metho-
 dum acerrimè defendunt, licet eorum votis parùm
 arrideat. Inter *Scotos* etiam Doctor *Dovar* Medi-
 cus non mediocris famæ, laude insignis, in Præ-
 ceptis suis practicis, argentum vivum interne sumi
 inculcat, tamquam maximum in hac lue remedium.
 Inter *Britannos*, ac *Irlandos* Chimicos sunt, qui-
 bus eadem methodus cordi est; unde Ægris labe
 hac contaminatis *hydrargirum* ingerunt magna do-
 si, usquedum ad uncias duas cum dimidia utpluri-
 mum ascendant, eaque ratione, [a] nulla saliva-
 tione curationem hanc absolvi putant; quod ta-
 men falsum repererunt multi, ut testatur *Joan-*
nes Astruccius, de Morbis venereis.

XXIX. *Borussi* vero, ac *Saxones* Medici præ a-
 liis remediis antivenereis *Mercurium dulcem* ha-
 bent, incipiendo a granis tribus ad grana octo, us-
 quequò manifesta indicia salvationis imminere so-
 leant;

(a) *Effais Observations de Rimbourg tract. III.*
pag. 476. tom. VII. pag. 83.

leant; (a) sed in lue confirmata inefficacem hanc methodum esse, multoties observavimus; [b] unde saniores Medentium tantum in morbis a lue incipiente ortis Mercurium illum præscribunt. Porro mercuriale hanc medicinam hypocondriacis infestam esse, numerosissimis observatis celeberrimorum Virorum constitit. (c)

Quo loco tandem vix abstinere me possum, quin judicium afferam de pillulis non ita diu a Keisero vulgatis, quibus, ille jactitat, luem venereum confirmatam penitus curari. Non quidem hoc dico, quod illarum pillularum præparatio (quam de industria celat Medicus ille) mihi explorata sit, verum si considerentur quæcumque ad dosim pillularum, quicumque utendi eis modus, quæcumque ad earum effectum spectant, In summa ejusdem methodus, in adhibendis hisce pillulis, quam fusè describit, intelligitur sanè, compositionem pillularum ingredi Mercurium dulcem, vel aliud simile mercuriale componens, quo passim apud Germanos (d) nonnulli uti solent in curatione morborum venereorum.

Evidem si methodus Keiseri ritè conferatur cum methodo adhibendi Mercurii dulcis, atque hinc inde justa judicii lance librentur phenomena curationis, omnibus, qui a præjudiciis liberi sunt, clare patebit, arbitror: Primò, in utraque methodo opus esse, ut medicamenti dosis in dies augeatur; Secun-

- (a) Joann. Oosterdik Schacht de Lue vener. p. m. 266. [b] Joann. Astruccius de Morb. vener. tom. I.
- [c] Frideric. Hofmann. tom. VI. §. xx. p. m. 314.
- [d] Oosterdik Schacht cap. I.

dò, Utrobique cavendum esse, ne vis, & ferocia Mercurii latentis fauces, & interiora oris petendo, phtialismum infortuniorū plenum excitet. Ter tiò, Hinc Medentes, tam qui *Keiserum* sequuntur, quām qui Mercurium dulcem adhibent, eò unicè intentos esse, ut universa remedii efficacia deorsum feratur, & quotidie semel, vel pluries alvum ducat.

Quamobrem cùm in methodo nostra vix umquam phtialismus (nisi aliquando in jam Mercuriali unguento delibutis) compareat, neque necessum sit, ut ad avertendam salivationem, quæ nulla est, purgantia adhibeamus, aut venam pluries secemus; & præterea jam ex nostris ægrotis patuerit, vim omnem remedii nostri, urinâ largiter effusa, aut leni alvi solutione prodeunte, compleri, conficique: colligitur exinde, methodum nostram ab illa *Keiseri* longè diversam esse, multùmque nostram antecellere.

XXX. Gallis porrò plurimis, ac Neapolitanis Medicis sola illatio Mercurialis placuit, & præ aliis Præparatis mercurialibus debellando huic morbo aptissima creditur. Jam verò dupli modo ipsam adhibent, modò pleniùs, modò strictiùs; unde plenior, & parciор hydrargirosis exurgit; primam infamem, & crudelem esse, non est qui non videt, ut supra intuiti sumus; Secunda, licet suis infortuniis non careat, altera multò mitior est; nam in ultima corpus disponitur iteratis phlebotomis, balneis aquæ dulcis, lacte, repetitisque purgationibus &c. dein parvis dosibus unguenti Ægrum interpellaté illiniunt usquedum, saltem unciae duæ cum di midia impendantur: sed perperam cùm inde pnyalismus

lismus immodicus inexpectatò superveniat, & labia, ac gingivæ tumere incipient, parotides dolore affici, dentes mobiliores fieri, & humores in putridum liquamen converti; aliquando etiam Mercurius tanta, & adeo violenta vi intestina irruit, ut sanguis in saniem solutus sævissimam in *cardialgiam*, tormina, dolores iliacos, colicosve, & omni ferè humana patientia majores, *Differenterium acerrimam*, aliaque plura symptomata excitet. Eventit sàpè sàpiùs etiam, ut virus, hydrargirosi licet pacatum mitigatumque, sileat interdum; postea tamen quasi ex Insidiis emergat, & hominem crudelius affligat; unde in dies videmus bis, imò & ter institui illitiones mercuriales, absqe extirpati veneni signo; vel si aliquod levamē in le persentiāt Ægri, in totum verò non liberantur; (a) ideoque post intunctiones, licet morbi symptomata aliquo modo remittere videantur, altis interea radicibus actis, denud reviviscunt; Succedit etiam non raro, morbo jam profligato, mira in delibutis virium debilitas, ob fluidorum, quæ tuendæ sanitati necessaria sunt, nimiam evacuationem, plane ut præ imbecillitate vix moveri possint. Dantur etiam morbi, in quibus illitus mercuriales vix præscribi possunt, vel saltem non nisi cum maxima pernicie ægrorum, scilicet primò, si febri lenta (§ xx) laboraverint, & ad insignem marcorem redacti fuerint; tunc sanè nulla medicaminis, aut alimenti genera, ob iustam à veneno venereo sanguini labem, infirmos valent reficere. Si etiam ossa carie sint erosa, nocivam forè illitionem, docent omnes eximii Practici; Nam

(a) Herman. Boerhav. de lue aphrodisiaca p. m. v.

tunc atomi mercuriales colliguntur ut diximus (§. 14.) Ipse etiam *Jo. Astruccius* hujusce methodi patronus, ac acerrimus vindex, collectionem mercurii, licet invitus, fatetur frequenter contingere in ossibus cariosis. In mollibus etiam partibus, locum habere posse eamdem non inficiatur, unde saniores Practici in hoc casu, ab ejus usu horrent, & nunquam adhibent, ut docuit *Nicolaus Cirillus de hisce*, & similibus morbis. Tertio si *scorbutica labes*, cum *celtica* conjugatur, in tali casu hydrargirus meritó damnandus est, in primis si scorbatus in secundo gradu *Boerhauiana* constiterit; ii enim homines, præter erorum tumorem, faciei colorem pallidum, & fuscum, habent etiam gingivas tumidas, ac putridas, easque sanguinem stillantes; unde frequenter hemorrhagiae sèpè lethales in hoc morbo suboriuntur; Nam sanguis eorum magna acredine onustus vasa rodit, unde sanguis profluit, præcipùè ex gingivis, ubi vasa maximè nuda conspiciuntur. Habent tandem omnes humores corruptos, & acres, eoque a Mercurio ita adhibito facilè exasperandos. Sic dum *Neapolii* degerem addiscendæ Medicinæ causa, in Nosocomio Incurabilium virum quadragenarium scorbuticum observavi, cui interior oris cavea ulceribus tota erat obsita, necnon gingivæ laxæ, & tumidiores cernebantur, idque non aliunde profectum, quam à gonorrea virulenta, quam in sua adolescentia contraxerat, sed quam non ritè curaverat: hinc juxta vulgarem methodum illitiones mercuriales cùm ei præscriptæ fuissent, nulla mora, quin post tertiam unctionem hemorrhagia sanguinea superveniret, quæ nullatenus sisti potuit; Ita namque dissolutus erat Mercurio ejus

san-

sanguis, ut vasibus summoperè distentis; viam sibi fecerit in aliena vascula, & mortem attulerit. Porrò si Aegri aliquo Aneurismate laboraverint, etiam a lue gallica, profectò hydrargirosis damnanda erit.

(a) Dantur tandem morbi, quos inunctionis mercurialis virtus rem non attingit, scilicet quando trelues per totam membranam cellularem disseminatur; [b] Nam sphericæ particulæ mercurii per cunctem intromissæ, divisionem maximam subire non possunt; unde ad locum affectum nunquam perveniunt, uti patet in scrophulariis, ubi vis mercurii externa ad folliculos obstructos non pertransit; è contra verò mercurii interni sumpti particulæ, methodica hacce nostra henchiresi sic disponi possunt, ut cum liquoribus nostris commixtae, illosque tenuiores reddentes, solidas partes, & organa secretoria placidius initent, & absque ulla molestia, seu periculo, à veneno, quo turgebant exonerent; & ideo merito Joannes Damianus Chevalier de his agens in hæc prorumpit verba: *in gravioribus, & inveteratis, inquit, morbis debellandis illitionem, mercurialempare plurium annorum experientia didicimus.*

XXXI. Ne verò pravos salivationis effectus persentiant Aegroti, Frideric. Hofman. [c] vir famigeratissimus *Canphoram addendam esse unguento mercuriali, jussit methodo jam sæculis transactis usitissima.* (d) Parisienses Medici hanc viam ingressi, sali-

(a) *Lancisus de Motu cord., & Aneurismat. p. m. 168.* Joann. Oosterdich Schacht cap. x. p. m. 179.
 [b] Hermann. Boerhav. de lue Aphrodisiaca p. m. 4.
 (c) *de Lue vener. cap. 4. p. 96.* [d] Anton. Mesue de morbo gallico pag. 56.

salivationi occurtere; unde impræsentiarum unguenta admittunt mercurialia, in quibus *Canphoram* certè pro basi medicamenti constituunt; (Quale illud, quod tam egregiè a præclarissimo Doctore *Torres* deprædicatur.) quam methodum nunc in patria nostra nobilitat Doctor *Cajetanus Azzopardi* in Medicis scientiis maximè versatus, sequitur.

XXXII. Tandem anno vigesimo supra millesimum septingentesimum *Henricus Hagenot* novam Luis venereæ curandæ rationem, illitione hujus argenti, amota omni salivatione reperit, (a) scripto que vulgavit, in qua commendat, ut quam ægroti ungantur mercuriali unguento, priùs in balneo aquæ dulcis pér semihoram permaneant, quo cutis vasa exhalantia, & inhalantia magis patula fiant, capacitates canalium illius vaporis ope augeantur, solidorumque stamina emollita relaxentur; und motus ac impetus sanguinis versus peripheriam corporis magis determinatur. Demonstrant etiam Physici *Newtoniani* omnes, sanisque rationibus evincunt, fluida omnia concurrere, quò minorem inveniunt resistentiam; & ideo cùm tubuli in ambitu corporis laxentur, per actionem balneorum, & diametra canalium amplientur; efficitur, ut particulæ Mercurii debiliorem ibi renixum patientur, proindeque in horum canalium parietes vim, qua maximè pollut, exerceant. Itaque metus futuræ salivationis præcavetur, dum sanguinis motus mitigatur, nec sua parte lymphatica & subtili spoliatur, quæ adeo in his morbis necessaria est; adeoque *Tuffes*, *Phtisés*, aliique plurimi morbi arcentur. Hinc sana

I praxi,

[a] *Novel. Moien des Dones, L'unction Mercur.*
ann. 1734.

praxi pluries constitit, phtialismum a Mercurio inductum non solum inutilem esse, verum etiam corporum tutelam magis infirmare, quam a lue venerea ipsa, (a) vel a simili morbo lædi posse, videatur; Hac etiam methodo magna quantitas aquæ Balnearis a vasis inhalantibus absorbetur, unde acrimonia sanguinis a mercuriali unguento illata mirum quantum mitigatur. Hanc indicationem maximè proficuam esse, cognoverunt etiam veteres Artis Cultores; unde *Aloysius Laboreè* in suo tractatu de *Morbo gallico* idiomate Hispanico conscripto, dum ægrotis in usu illitionum mercurialium sunt, perspirationem, ac sudorem promovendum esse dixerat; subjungit etiam alibi, dum de hujus morbi curatione tractat, quod si iis non succedat illa cutanea excretio, tunc crassa lecti stragula calefacienda sint, & vino aspergenda, his agrotorum corpora involvenda, capite interim benè teeto; verum si his adhibitis, sudor non erumpit, stupis calefactis ex canabe confectis uti jubet, ut sudores promoteantur. Quæ methodus, licet fervorem sanguinis, ejusque acrimoniam a Mercurio ortam leniat; necnon a laboriosa, & fera salivatione ægrotantes liberet, sanitatem verò amissam non restituit; actio quippe argenti vivi, ut infra patebit, magna ex parte pendet ab ejus divisibilitate, & ideo quod magis attenuatur Mercurius, eo potentiùs venereum virus dividit, ac abripit. Hæc divisio Mercurii profluit a vi cordis impellente, & a strictiori lumine canalium, per quos urgetur; hinc e con-

(a) *Nicolaus Cirillus in Comment. Mich. Hettmüller.* tom. I. pag. 932.

e converso balnea aquæ tepidæ vasæ cutis laxant,
& diametra canalium augent, & ideo Mercurium
illitum ab ulteriori divisione prohibendo efficiunt,
ut inefficacior aliis mercurialibus præparatis evadat.
Observata etiam celeberrimorum Virorum idipsum
docere videntur; qua de re nova hæc ingeniose
methodus nunc in desuetudinem abiit.

XXXIII. Adeo nostro ævo Mercurii crudi evul-
gatus est usus, ut non solum in morbis venereis
ipsum adhibeant, verum tamquam remedium uni-
versale cunctis pene malis eradicandis aptum extol-
lant, adversus scilicet tumores, obstructiones etiam
inflammatorias, uti anginas, ubi immodico usu propo-
suere Medici quamplurimi Neapolitani; Imò in *acu-
tis, malignis etiam Febris* commendatum a mul-
tis video, tamquam unicum specificum. [a]

XXXIV. Quomodo agit Mercurius crudus in-
corpore, diversimodè explicatur ab ipsiusmet Fau-
toribus; Aliqui ex singulari ejus natura, per expe-
rimenta sola cognoscenda agendi rationem repe-
tunt; Alii Mercurium venerei virus singulare an-
tidotum esse docent; Alii nullam Mercurio vim
tribuunt, sed ex quodam metallo, quocum sub
malagmatis specie jungitur, vires suas Mercurium
nutuari tuentur; *Joannes Astruccius* ex omnium
corporum motus legibus perpensis vim ejus expli-
care annititur; *Pitcarnius* verò, qui ex hisce pro-
prietatibus plurima deduxerat pulcherrima in Me-
dicina; opinatus est, gravitatem argenti vivi solam
sufficere, nec aliam facultatem desiderari ad eruen-
dos metalli in corpore effectus; Aliorum tandem,

(a) *Morreali Epidem. di Reggio p. m. XVIII.*

qui pro illitione mercuriali militant, mens est, ex quatuor fontibus ejus efficaciam deducere, scilicet ex *Gravitate*, *Divisibilitate*, *Figura*, & *vi impellente*; Etenim cum mercurius liquidorum omnium sit ponderosissimus, omnes ejus moleculae singillatim sumptae, suam gravitatem specificam majorem aliorum fluidorum particularum seorsim acceptarum continent, & toti moli proportionalem, ut demonstrarunt Physici omnes; Hinc si mercurius cum aliis liquidis sit commixtus, & utrisque motus ab eadem causa imprimatur; multo celerius movebitur Mercurius, & diutius servabit motum suum, quam reliqua liquida; quapropter illius atomi in fluidorum reliquorum particulas, segni motu impingentes, has vi quadam, ab excessu velocitatis suae ortae penetraturae sunt, necnon majus momentum motus iisdem impræssuræ; unde omnium homorum corporis nostri divisio, & saluum attenuatio. Hæc innituntur rationibus a Phisicis, Mathematicis desumptis. Demonstrarunt quippe hi Viri momenta percussionum esse ut rectangula, ex gravitatibus, & celeritatibus corporum motorum facta, hoc est, si corporis gravitas A. sit = 4. Celeritas vero = 3. productum erit 4. x. 3. = 12., quod æquatur momento corporis A. moti. Unde corpora, quæ majorem habent densitatem; eadem celeritate manente, fortiora, & majoris motus sunt capacia, quam quæ minus gravitati; Nā si corporis B. gravitas non statuatur = 4. sed = 3., in hoc casu cum productum, idest 3. x. 3. = 9. sequitur momentum corporis B., debilius fore. Hinc ergo & similibus argumentis superstructam arbitrantur insignem, quæ aliis remediis eminet *Mercurii crudi*, præstantiam, sed de hisce fusiùs infra. (Cap. VI.)

CAPUT

CAPUT IV.

DE EFFICACIA SUBLIMATI CORROSIIVI

*Cum spiritu Frumenti commixti in omnibus
morbis venereiis desperatis.*



Raco venenatus, sive Mercurius sublimatus corrosivus maximum remedium audit in lue venerea confirmata, ac efficaciorē esse Mercurio crudo, experientiis tot magnorum in Arte Virorum edocti, asserere non veremur. Artem enim experientia fecit, exemplo monstrante, viam, teste Hypocrate; hoc tamen non obstante, adhuc Medicos ab ejus usu, tamquam a potentissimo veneno, exhorrescere video. [a] Sic Stephanus Franciscus Geofroj in sua Materia Medica sequentia scribit: „ Mercurius corrosivus intùs sumptus eadem, que „ Arsenicum, symptomata excitat. „ Cartesius etiam scriptum reliquit: „ Sunt quidem, qui Mercurium sublimatum corrosivum, in multa aqua solutum, vel sirupo quodam mitificatum in variis morbis rebellibus, ut & ad salvationem in lue venerea excitandam, interea commendant: Verum unumquemque hortor Medicum, ut ab uso concreti hujus internè semper abstineat, si alias conscientiam salvam, & famam illibatam servare velit. Noxæ enim, quas productum hoc interne usurpatum infert, non semper post primam statim adsumptionem, sed persæpe post notabilem tempus sentiuntur. „ Sed quam falsa, & in-

[a] Ludovicus Lestau p. 36.

inania sint *Cartusenii* dicta, ac *Geoffroë*, infra clarius patebit. Medici enim nostra ætate florentes quamplurimi medicamenta tantum simplicia amant præscribere; & rectè quidem, cum simplicia, licet sub magna dosi propinētur, periculo omni vacēt; sed hisce solis pharmacis Artem concludere velle, & comp̄siota negligere, illud aut Medentium incuria, aut ignorantia adscribendum meritò est; Unde dum pertinaces morbi contingunt curandi, multoties ægrotos domesticis hisce auxiliis aggressos pro desperatis turpiter relinquunt, nedum salutem, donum adeo optabile, ac necessarium ipsis restituunt.

XXXVI. Est enim *Sublimatus corrosivus Mercurius* ipse ab acido salis marini rosus, & in sublime elevatus, qui concrescit in crystallos albas. Ipsum parant Chimici sequenti modo: Recipe Mercurii purgati quantum placet, dissolvatur in aqua fortis s. q., solutio ad siccitatem evaporetur, adeo ut in fundo massa salina supersit, quam permisce-rijubēt salis communis decrepitati partibus quatuor. Deinde in matratio vitro colli brevioris instituatur *sublimatio*, elevabitur massa salina, quam *Sublimatum corrosivum* appellant, ut sapienter *Stephanus Geoffroë* in sua Materia Medica processum hunc exponit.

Interim *Sublimati corrosivi* delectus habendus est, siquidem plerumque illud multis venis arsenicalibus saturatur, quoðque proinde a nostra praxi proscribendum est: Dignoscitur autem *Sublimatum corrosivum* verum a fictio, seu ritè præparatum ab adulterato, si pauxillum olei tartari per deliquum affunditur, aut sale tartari teritur: tunc enim si mixtura flavescit, certum est indicium,

sublima-

*blimatum bonum esse: sin contrà nigre seit, nequaquam prodesse, ait Michael Bernardus Valentinus [a]. Non absimili ritu procedit ad dignoscendam, siquæ insit, in Sublimato Arsenicalem copiam, Niccolans Lemerius, si scilicet paucō sale tartari confrictum nigrum evaserit; aliter enim si flavedinem acquisiverit, bonum censet. Alii *Sublimatum corrosivum* diversa analisi aggrediuntur; quod proinde carbonibus ardentibus superinjiciunt, atque si in tali casu flammatum alit ceruleam in usum medicum inferunt; si verò flamma illa fuerit aliter colorata, eumdem a foro medico exulare jubent. [b] Tandem remedium hocce nostrum usurpaturo minimè necessarium esse videtur, ut sublimationem repetat, una enim sublimatio sufficit, modò obtineatur massa salina crystallina, alba, nullis aliis inquinata coloribus. Hanc siquidem eximias illas dotes habere ad luem venereum debellandam, ex variis tentaminibꝫ tam celeberrimi *VVan-svieten*, quam nostris videbimus infra.*

XXXVII. Usus apud Medicos Germanos receptum est, ut in morbis venereis desperatis *Sublimatum*, spiritu verò frumenti dulcifcent. Est enim *Spiritus frumenti* liquor albus subacidus, parùm amarus, oleo nitens, quod *nutritium* vocant Chimici, qui ore gustatus lenissimi, & saporis singularis, necnon penetrabilis, mobilis, parùm insipidi, (maximoperè) percipitur.

XXXVIII. Multifariam spiritum hunc eliciunt Chimici; Donzellus jubet, ut frumentum cum ali-

qua

[a] *Histor. simplic. refor. lib. 1. de Mineralibus.*

[b] *Alexius Pedemontanus par. 3. pag. m. 21.*

qua portione *agri* in sufficienti aquæ quantitate maceretur, donec fermentatio incipiat; quam lento dein igne promovendam vult; dein fermentatum jam antea in vase terreo liquidum in alembicum reponit, & aliorum spirituum vegetantium more, *Balneo Mariae* spiritum hunc a frumento extrahit. Nos vero, antequam a frumento spiritum elicimus, varios apparatus præmittimus; & primò: Selligimus grana frumenti matura, optima, ponderosa, jamque siccā, & integra; Hæc enim meliora reputantur a *Gortero*, quæ aquis fluvialibus immitti debent, ibique relinquenda, usquedum optimè emolita intumuerint. Dein exempta frumenti grana ex aqua in loco aperto, ac ventis perflato, ut vitalia rudimenta seminum, & radicum excitentur, & actuosa reddantur, atque germinare incipient. Sed attentè præcavendum est ne nimio æstu matières putrescat, & né diù germinans radicem, substantiamque farinosam absumat, aliter enim spiritus noster frumenti non habebitur. Deindè germinatione finita oportet, quam ocissime frumentum illum dispergere, ne ita acervatum, fervorem concipiatur, utque ventis perflari comodè possit.

Frumentum igitur ità præparatum in aliquo vase terreo collocamus, & presertim ubi calor loci inter sexaginta, & septuaginta gradus reperitur. Servari debet preter hæc apertum vas, ut aer libere ingredi, & ægredi queat, tegi vero pannolaneo, né insecta incident. Tempus requisitum ad fermentationem perfectam absolvendam, vix determinari potest, licet ut plurimum quindecim dierum intervallum sufficiat operi; Nam pro varietate loci, tempestatis anni, caloris, venti &c. vanum est

tiam

tiam tempus requiritur. Deinde frumentū alembico committendum est cum sufficienti copia aquæ calidæ, in qua dissolutum fuerit agrum frumenti; nec claudi debet orificium alembici, donec in plenam fermentationem erumpat. Ubi processum prædictum observaveris, tunc enim statim vas claudendum est, & fermentatus liquor unā cum suā *mātre* servandus erit; secus enim spiritus ex fermentatione productus, in aerem ne avolet, deperdaturque, periculum est. Dein fermentatus liquor in vase hermeticè obserato unā cum *floribus*, ut ajunt, & *fæcibus* in loco frigido reponendus, ut spirituum inde natorum impediatur evaporatio. Porro curandum est, ut ante destillationem commoveatur tantisper liquor cum suis *fæcibus*, ut major quantitas spirituum extrahatur; neque recipientis parietibus, fundoque, cum ustionis metu adhæreat.

Neque prætereundi sunt plerique alii præparandi *Sublimati nostrī* modi, quos diversi Autores tradidere. Sic *Sgobius* ad usum internum spiritum, seu oleum diaforeticum dulce elaboravit, quod ex Sublimato corrosivo cum aceto acerrimo dissoluto parare docuit; Sic alii, hac solutione neglecta, statim infundunt vini spiritum optimè rectificatum in cucurbita larga, haud adeò longa, & post brevem digestionem arenæ, igne non adeò ferventi, extrahunt vini spiritum, repetuntque cocobationem, usquequid Sublimatus totus in formam olei, vel spiritus albicantis transeat per alembicum (a) Sie tandem *Carolus Musitanus* (b) eumdem spiritum præparat, & ad sydera extollit in curandis ulceribus

K.

ribus

(a) *Bertini de usu Mercur.* p. 7. (b) *ib.* 4. p. m. 584.

ribus malignis cancerosis, præsertim renum, & vesicæ, tam intrinsecè, quam extrinsecè adhibitum.

XXXIX. Hic enim Spiritus *sublimatus corrosivus* mirificè dulcescit adeò, atque innocius redditur; nam dum *Mercurius corrosivus* in spiritu frumenti dissolvitur, necesse est, ut ejus partes saltem dissocientur ab invicem, & puncta contactus mutant, quem antea habebant cum vicinis partibus;

[a] Unde molleculæ cubicæ Sublimati divisionem magnam subeant oportet, & inter spatia vacua spiritus frumenti sese insinuent per vim agitationis, qui in tali casu tamquam vehiculum Sublimati reputandus est; Granum enim unum Sublimati induabus saltem unciis Spiritus dissolvi jubent *Germani Medici*; [b] Unde clarissimè liquet, corrosivam vim Sublimati magna ex parte, & in totum melius dixeris, correctum iri; Saliūm enim omnium, dum soluta fluunt, vis quasi universa amittitur, *Boerhavio* docēte; unde de his agens, sequētia habet: „ Argenti vivi sublimati dracma una lethalis est: „ eadem in viginti quinque aquæ libris diluta in „ noxiè adsumitur; nam aqua omnia venena ener- „ vat. „ Sic etiam *Nicolaus Lemeri* in suo cursu Chimico [d] asserit, Sublimatum corrosivum aqua calcis solutum statim flavum colorem acquirere, ac adeò corrosivam vim amittere, ut cuilibet absque vitæ periculo propinari posse. Id ipsum vidit Clariſſimus *Sidenbamius* in illo servo, qui cùm haud modicam *sublimati corrosivi* quantitatem sumpliſ-
ſet-

[a] *Guglielmin. de salib. p. m. 200.* (b) *VVaf-vient des Maladies dans les armées.* (a) *Prælection. in insit. Medic. §. 1129.* [d] *p. m. 188.*

set multa aqua tepida ingesta a morte liberatus est.
 [a] Alia etiam exēpla legi possunt apud Bassanum in sua Epistola Apologetica Romæ edita contra Bonel-lum anno præterito 1761.

Plura enim alia hujus generis nobis ob oculos ponunt Chimici omnes; scilicet si *Batriram Antimonii*, quod venenum atrocissimum esse, omnes docent, & nemo dubitat, si aqua calida diluat, illicè in calcem mutetur, humoremque acidum innocentem constituat. [b] Sic etiam si *Opi- pium* in non assuetis magna dosi propinetur, maximam perniciem assert, & *apoplexiam*, mortemque gignit, & tamen quis nescit quanti usus sit in Medicina, & quantum ægrotis prospicit; [c] unde *Sidenhamius* [d] Medicus nostri Sæculi celeberrimus Medicinam infructuosam esse, asserit, sine remediis hujus auxilio; Ita etiam, si *Scammonium* nimia copiâ, & non correctum usurpetur, symptomata varia, mortemque ipsam creare potest: hoc tamen non obstante, eo quotidie utuntur Medici; unde mirum non est, si *Mercurius corrosivus*, licet ex sua natura formidandus sit, tamen spiritu frumenti commixtus suam vim deleteriam deperdat, & in salutarem medicinam converti possit; ut infra ab experimentis clarius patebit. Merito igitur Doctor Boffier de *Soauvages* negavit, reperiri posse venenum, quod in auxilium arte non cedat, neque medicamentum ullum, quod toxicæ naturam non induere, imprudenter usurpatum, valeat. [e]

[a] *Epist. respons. 1. sub finem.* [b] *Christianus Blasche p. m. 38.* [c] *Cranen de homine tom. I.*
 [d] *pag. 104.* [e] *Dissertat. sopra li Medic. che attacc. alcune parti p. II.*

XXXX. Chimici etiam omnes id innuere videntur, ab omnibus vegetabilibus extrahi majorem, vel minorem quantitatem *salis alkalini essentialis*; Imprimis ex granis tritici magnam hujus salis vim elici, demonstrat *Geoffroy*; [a] Hæc enim salia acidū obtundunt, & vim ejus opprimunt, unde necesse est, ut a spiritu frumenti partes aliquæ Sublimati acidæ eamdem sortem subeant. Unde *Boerhaavius* Chimicorum omnium *Coriphæus*, in *Elementis suæ Chemiæ*, ex acerrimis causticis sola miscellâ alkali cum acido, statim nascitur *sal neutrum*, blandum, frigefaciens, nullo modo rodens, simile nitro regenerato reperit.

XXXI. Et licet spiritus frumenti impropriè alkalinus dicatur, ideo quod magnam quantitatē acidi ipsius flemmæ intra suos poros involvat, tamē acidum in Mercurio corrosivo luxurians, maximoperè dissolvit, suaque parte oleosa intricat, ne-xuque intimo cum ipso jungitur; sive spicula acida sub oleo latentia vim suam stimulantem, ac corrosivam ex parte amittunt; quandoquidem non exiguum partem olei in frumenti spiritu contineri, omnes Chimici consentiunt; [b]

Neque temerè, & ad pom̄pam formulæ nostræ adjungitur Spiritus frumenti, quo multūm inertem reddi *Sublimatum nostrum*, & supra diximus, & experientia confirmat. Siquidem non absque ratione frumentum diversimodè paratum, unā cum mercurialibus de industria mixtum fuisse, a diversis Auctōribus habemus. Ita *Petrus Bayrus Taurinensis*

pilu-

(a) Part. III. pag. 68. (b) Stephan. *Geoffroy de vegetabilib. indigenis par.* III. p. m. 78.

pilulas suas contra gallicos dolores, nodositates, & exulcerationes habet apud *Luisinum*, [a] quas ex Argento vivo, Rabarbaro electo, Diagridio, Mosco, Ambra, & Farina frumenti, cum succo limonum conficit. Ita quoque similes pilularum formæ occurunt apud *Joannem VVierum* Doctorem Medicum adversus luem hanc, factæ ex massa, quam cum *Mercurio* farina tritici ingreditur. (b) Ita tandem, Auctore *Astruccio*, usitatissimum habetur inter Sinenses adversus morbos venereos remedium, quod absque ulla specierum ambage, ex *Mercurio* dulci, Terra Japonica, Farina tritici, aliisque similibus mixtis, & affusa aqua communi in pastam submollem pinsatis conficitur, (c) quibus illud planum fieri potest hærere aliquid in substantiam frumenti, quod particulis alioquin acutissimis, & certò læsuris involvendis, enervandisque sufficiat, proindeque tela *Sublimati* nostri coereat ita, ut illa intra corpus sumpta prodesse quidem semper, nocere nequaquam possint.

Spiritus omnes vegetantium salia rodentia dulcificant, omnium Chimicorum consensu; cùm hæc nihil ferè differant inter se. (d) Hinc ex summa particularum tenuitate, & simul ex diversa ipsorum gravitate emotionem aliquam, seu levem fermentationem oriri consequens est; unde molecularum angulis per illam intestinam agitationem multum abradi necesse est; & ideo earum actionem eadem ratione imminui nullus dubito. Demonstrant enim

(a) Tom. I. p. m. 736. (b) Vide *Astrucc.* tom. II. lib. v. Sæculi XVI. num. 2. (c) *Dissert.* I. de Natu. &c. §. IV. IOI. Formula I. (d) *Boerhav.* Element. Chem. tom. II. par. I. proc. 43.

Physici omnes, quod corpora omnia agant ratione suæ figuræ, duritiei, & gravitatis &c. unde dum figuræ angulosæ, vel cubicæ minuuntur acumina lævigantur; perit etiam stimuli momentum, & erosionis impressio.

XXXXII. Hoc etiam exemplis similibus illustratur; scilicet si oleum Vitrioli spiritu vini aromatico, acido sulphureo, volatili & ætheris pauxillo prægnante solutum erit, liquor anodinus Hofmannianus emergit, quem insignis sedantis *antispasmodici*, *antihemeticæ* titulis celebrem, apud Auctorem legere est; & quem verum venenum esse, omnes fatentur, nec unquam in usus medicos præscribendum, aut ab ullo, quem sciam, præscriptum hastenus.

XXXXIII. Cauté ergo non minùs, quam sapienter Britanni Medici in cineribus plantarum corpuscula ferrea existere in suis Observationibus evulgarunt; Inde permoti, quod *Magnetis* ope eadem attraherentur. Quinimo anno 1704. 1705. 1706. 1712. in Actis Accademiæ Scientiarum Parisiensis, in omnibus plantis partes ferreas repertiri, demonstravit doctissimus Lemerj, ex laboriosissimis experimentis ejusdem Auctoris in melle peractis, hoc etiam confirmatum habemus; Nam nū quis unquam vegetabilium succorum a ferri natura, & indole fuit remotus, certé hoc *Mel* esse videtur; Quod nihilo seciùs arte tractum *in capite*, ut ajunt, *mortuo*, signa ferri dedit non obscura, attracto quasi uncinis a præsenti magnete. Quid quod destillatum mel ferruginea hæcce corpuscula exhibuit, quæ laudati Auctoris fidè a magnetæ alliebantur. Tandem sequenti experimento rem ex-

tra

tra dubium collocasse videtur: scilicet si limaturæ ferri Nitri spiritus vehiculo innatanti addatur oleum tartari per deliquium, tunc jucunda germinatio spectatur a Chimicis, arbor Martis appellata; quæ quidem germinatio solo oleo tartari nitri spiritu commixto cum tribui nequeat, restat, ut meritò cum doctissimo Auctore eandem particulis ferreis adscribamus evolutis, sibi variè adhærentibus, & diversis vasis parietibus applicitis, evidentissimo argumento elementa ferri ab acidis dissoluti ultima stamina vegetantium penetrare posse. *Alphonsus Borellus*, (a) *Marcellus Malpighius*, [b] alii que Auctores abundè experti sunt, semina plantarum nihil aliud esse, præter plantulas ipsas, quam primum evolvendas, & amplandas; unde si seges ipsa ferro ditescit, ut vincunt Chimici; idemque in frumento quoque inveniri necesse est. Exinde ab *Hermanno Boerhave* edocti asserimus, acidas partes absorberi a ferro; (c) & ideo non temerè Illustrissimus Baro *Gerardus Van-svieten* spiritum frumenti seligit, corrosivum Sublimatum mitigaturus, Lapidem infernalem causticam vim omnibus notam, limatura tamen caalybis exceptam, insontem reddi, nemo inficiatur; (d) *Vitriolum* etiam chalybe saturatum medicamentum fit innocuum; ita etiam *Mercurius sublimatus corrosivus* cum limatura chalybis contritus, benignus fit, omnemque suam vim] rodentissimam deponit; scilicet propter naturam alkali-

[a] *de motu animal.* pag: 174. (b) *par. I.* [c] *Element Chemie eom.* II. p. 117. *Nicol. Cirillus* *dissert.* *de usu ferri medico.* (d) *Boerhav. de virib. medicam.* *par. II.*

kalinam; unde clare patet, quare Sublimatus corrosivus nostra methodo datus, & spiritu frumenti admixtus, adeò cicuretur, ut in remedium salutare facescat. Tandem, ut iisdem verbis utar, quibus clarissimus *Bona usus* est: „ Si aliquis assumpserit eam „ Sublimati quantitatem, quæ mortem inferre pos- „ sit, non aliud antidotum præstantius dabitur, „ quām illud ipsum emolliens decoctum, vel lac; „ eò plus quod dosis *Mercurii sublimati*, quæ a „ nobis præscribitur, vix per se, ac ne vix qui- „ dem, nocere possit. (a)

Neque tamen, quum hæc scribo, sum nescius, quantis difficultatibus premi possent ab iis, quos non latet fortè Chimica dulcificatio salium, etiam causticorum per spiritus volatiles oleosos, ardentes, proinde ut illud consequi videretur spiritum nostrū *Frumenti*, non ratione acidi involuti, sed tantum ope spirituosi cuiusdam liquoris oleosi dulcificare annexum sibi Sublimatum. Imprimis si consideretur Processus *Boerhavianus* XLV. (b) ubi maltum, & farina fermentata destillare dicuntur in Spiritus ardentis, & Acetum; cui spirituoso liquori tenuissimo titulum *Spiritus Frumenti* idem gravissimus Auctor tribuit. Erit ergo, inquires, devulgatus adeo noster *Spiritus Frumenti* omni acido mani- festo, & aliis qualitatibus a nobis assignatis orbus, & quod inde sequitur totus quantus est spiritui ardenti refertus, proindeque totum huic hypothesi subnixum de agendi in Sublimato nostro modò ædi- ficium

(a) *Joannes Bona hist. aliquot curat. Mercur. sublimat. corrodent. præfectarum.* pag. 13. (b) *Elemen. Chem. tom. II. pag. m. 121.*

ædificium Theoreticum, & Therapeuticū corruat, necesse est. Fateor sanè hanc propositam tempestivè difficultatem primo aspectu maximi esse momenti; sed re intimius pensitata, facilis solutu evadit. Namque advertendum est in illo apparatu *Boerhavium* postulare, ut *Maltum*, & farina per admixtionem floris Cerevisiæ potentis, violentam, absolutamque fermentationem prius experiantur, quām destillationi committantur; Quo quidem in casu habebitur Cerevisia optima, quæ tamen licet spiritum ardente destillando fundat, adeo tamen in acedinem prona est, ut ab hac non nisi per adjunctas amarissimas herbas servari unicè possit.

Quare liquet diversam heic exigere præparationem Summum *Boerhavium*, ad eliciendum Spiritum frumenti, diversam, inquam, a nostra; In qua quidem ita dictus Spiritus frumenti prodit, sed qui fatuus, insipidus, inodorus, &flammam extingens; non erit igitur Spiritus hic noster frumenti effectus fermentationis *Vinosæ*, quæ in destillatione primò dat spiritus ardentites in igne, sed potius effectus fermentationis *acetosæ*, quæ acetum tantum exhibet: vocem ergo spiritus minus propriam ita interpretari congruum erat; non quòd spirituosis partibus omnino careat; sed quòd in multò minori ratione spirituosum oleosum in sinu gerat, quām spiritus V.G. Vini. Hinc est, quod Spiritus hic noster numquam odorem spirat acidum, neque degustatus acet ullo modo, ac proinde inter phlegmatis quòd abundat partes, spicula nativa acida irretita, & summè diluta continet; quibus proinde prægnans particulis, & æquabiliter Sublimati granis assus, Sublimatum in minima scindit,

& affriat, & tamquam totidem cuneis immeabiles virus venerei moleculas vectum in vascula dividit. Argumentum ergo petitum ab Historia fermentationis, & methodo dulcificandorum salium acidorum delitescentium, infirmum planè censendum est, utpote quæ salia acida mitia sunt, neque adeo effracta, atque multum inflammibili parti unita, sed qualia in Hordeo, Cerevisia &c. latere impli- cita demonstravit Geofroy; (a) & sanè oportebat ad scopum nostrum, ut si quid oleosi Spiritui no- stro inhæreat levissimum, neque ullo modo vola- tile esset; Similiter, neque conspicuè acidum, ne- que ullo modo mobilem esse oportuit Spiritum no- strum; aliter enim si spiritu ardenti oleoso, quin & acidis volatilibus, & mobilissimis scateret parti- bus *Spiritus Frumenti* arte nostra paratus, veren- dum sanè esset, ne deglutitus, & glottidis aper- turam præterlabens, minima ejusdem parte vasa pulmonalia in spasmos traheret, & tussim feralem excitaret; Quæ infortunia post assumptum vinum valde sulfureum contingere ut plurimum, Auctor est *Joannes Heijman*. (b) Ut tandem prætereamus ab acidis aculeis sui juris factis, & præsertim ab oleosis partibus nimium exaltatis lacteorum oscula adeo constringi, ut aditum omnem liquoribus isti- usmodi pernegerent.

Concludendum itaque est, experientia teste, & comite ratione, si quid boni expectandum sit in morborum venereorum therapeja a Sublimato in *Spiritu frumenti* liquato, illud omne parum, vel nihil

(a) *Mater Medic.* tom. 2. sect. I. artic. 9. (b)
Tom. 2. pag. m. 383.

nihil deberi oleoso mobilissimo, inflammabilique principio, quo orbatur, sed maximam partem proficisci ex particulis acidis, una cum mucilaginosis, farinosisque intermixtis, quibus juncta operâ unitis, & in sanguinem venerea lue affectorum illapsis, & Sublimati minutissimas partes eo modo mitificatas, atque obvolutas traducentes, quæ omnem felicissimè curationis morborum venereorum paginam adimplent; fortè etiam acidum illud cereale quid specificum adversus nefandam Luem in sinu gerit; exemplo, & argumento sunt gallica siqui Lue ad usque ossa infecti ad Liburnicas damnentur; illi namque solo pane bis cocto, & aqua utentes, raddicitus curantur. (a)

XXXXIV. Primus ferè omnium Auctorum, qui de Lue venerea scripsere Cronologiam, fuit *Richardus Vise man Chirurgus*; qui in suo tractatu *De Lue venerea* anno 1676. Londini edito, inter remedia usu recepta ad curandam luem Americanam *Draconem venenatum* numerat, ipsumque in aquæ fontanæ dissolutum ægris dabat, ipsisque multum prodesse, scribit; dein a quibusdam Practicis hoc remedium multum commendari, refert *Astruccius*, se autem illo nunquam usum fuisse scribit.

Successit deinde Empiricus quidam Anglus, qui anno 1717., referente *Turnero*, (b) peractis multis periclitationibus methodo suæ, quæ cum nostra coincidere videtur, famam conciliare conabatur, & quidem felici ausu, ut idem *Turnerus* memo-

(a) *Heijman* tom. 2. pag. m. 363. (b) *Dissert. de Morb. vener.* Edit. *Londin.* ann. 1717. pag. m. 99.

riæ prodidit. Porrò *Sublimato corrosivo* ita utebatur, ut illius octavam partem in octo partibus spiritus vini dilueret, atque ea ratione paratum, hordei, aut alterius Cerealis juscule infusum dabat.

Docet etiam *Carolus le Roy* (a) in suis Quæstionibus Medicis, decem ab hinc annis cum singulari successu, incantamenti ad instar, in morbis venereis confirmatis, atque desperatis *Mercurium sublimatum corrosivum* adhibitum fuisse a quodam Chirurgo ad Gallos curandos, qui in exercitu inveniebantur, tunc apud Belgas degente; eorum enim quamplurimi hoc morbo laborabant. Notum etiam erat hoc remedii genus apud *Gallos*, regnante adhuc Rege *Ludovico XIV.*, sub titulo: *Le Remed. du Chevalier*, forsitan quia æques fuit, qui hocce remedio usus, fuisse primus videbatur, & solus qui arcanum hoc pro morbis venereis debellandis possidebat. (b)

XXXXV. *Hermannus Boerhave* tandem de *Mercurio sublimato corrosivo agens*, (c) hæc habet:
 „ Granum unum aquæ uncia dilutum dat remedium cosmeticum prudenter usurpantibus. Venenum omnium insectorum cutaneorum simplici lotura. Si drachma talis mixturæ syrupo violaceo mitificata potatur bis, terve in die, mira præstat in multis morbis incurabilibus. At prudenter a prudente Medico; abstine, si methodum nescis. „ Cubicæ enim partes *Sublimati corrosivi* per alkali violarum maxima in parte corrigitur, & ideo vis ejus venenata supprimitur, & in

(a). *Quæstion. III. pag. 7.* (b) *Carolus le Roy* quæst. I. p. 36. (c) *Elem. Chemie tom. II. par. III. proc. 198.*

in veram medicinam Iuis Aphrodisiacæ commutatur, ut in §. xxxx; alibi etiam subjungit (a) laudatus Auctor sequentia: *Mercurius sublimatus corrosivus si Rob sambuci permiscetur, plurimum prodest in morbis cronicis; Quæ omnia satis probant, Mercurium sublimatum corrodentem ab Hermanna Baerhavio usitatum fuisse.*

XXXXVI. Sed qua methodo *Sublimatus corrosivus* propinari debeat, & quænam sit ejus dosis, in quo vehiculo, & quibus morbis conveniret, adhuc in obscuris latebat; nullus enim ex Auctòribus al-latis ad hæc iter aperuit, donec nostra ætate celeberrimus *Antonius de Haen* consilio Illustrissimi Baronis *Gerardi VVan-svieten*, (b) Vir sanè omniscienciarum eruditione clarus, & Praeceptoris sui laudis æmulus, diversis experimentis in Nosocomio Practico, aliisque in locis efficaciam hujus remedii in morbis venereis desperatis expertus est, & Typis vulgavit, etiam omnium primus; quo tanquam duce prævio, ritè hujuscce remedii administrandi modum nostrates Medici intellexerunt, & amplexi sunt; dum scilicet de quodam ægrotante consulti Doctori Joanni Bruno, Medico Primario Xenodochii Sacrae Religionis Hierosolymitanæ, responsum misit ille vir; en historia ipsius verbis scripta.

XXXXVII. Nobilis Æger sexagesimum annum natus, macilenti habitu, ac sauguineo temperamento præditus, floridiori adhuc decimi septimi anni ætate Gonoream contraxerat; hanc, Parentes celiare

- (a) *De virib. medicam. part. III. cap. xiii.*
- (b) *Christian. Blasche dissert. de vi venereor. medicis.*

lare studens, intempestiva curatione suppressit.
 Verum, qui jam morbo occurrisse putabat, continuo
 de acri dissuria conqueri coepit; hanc quoque
 neglexit Aeger nullo vitae regimine, nulloque
 remediorum subsidio per plures annos adhibito.
 Morbum haec magis effecerunt, utque in veram
 vesicalem iuriam inciderit magno tenesmo stipa-
 tam, atque imi- v entris tensione magna, quæ Phlo-
 gosis minabantur, tantoque casui præstò fuerunt
 venæ sectiones, emollientia, semicupia, interna
 malactica, atque externa, aliaque generis hujus
 legibus artis consona, quæ tamen ex sententia non
 successerunt, ut ad Catheteris usum confugere o-
 pus fuerit: hujus ingressum perdifficilem etiam su-
 mus experti, ob nimios offensos obices in collo
 vesicæ; at ingresso tandem reiterationis ope ano-
 dinorum, ac phlebotomiarum nimia urinæ copia
 manavit tota sabulosa, muccosa, & pure plena, e-
 jusque sedimentum quartam matulæ par tem occu-
 pabat; neque mingendi pruritu capiebatur, quin-
 ob nimios conatus in spasmos incidebat, nisi Ca-
 thetere impromptu esset Chirurgus, cui bis, ter-
 que in die mancipari cogebatur; attamen medica-
 minum ope ex Catheteris fastidio tandem emersit;
 die vero vi gesimo non adhuc expleto, quod iuscu-
 ria iterum exitiosa incessit, atque licet mitius in
 Ægrotum insævisset conatum acerbitate in disten-
 sione vesicæ, non im pari tamen contumacia, resti-
 tit prælectis antea remediis, nec nisi Catheteris
 præstantiæ cessit: At persistentia morbi adhuc ur-
 gente, alios Professores accersivimus, consulen-
 tes de morbi causa radicitùs evellenda, at-
 que concordi sententia lac, juscula, ex Mercurio
 reme-

remedia præscripta fuerunt, & illitiones mercuriales in perineo institutæ, quarum usu salivatio ingens gravi Ægroti pœna excitata fuit. Ad usum inde seri, balsami ex pareira brava confecti devemus, atque demum ad balnea confugimus; hisce verò incassum adhibitis, nihil profecit Æger coetus assidue uti Catheteræ. Multumque postea verentes inducias, quas conatus pepigerant, obicesque in collo vesicæ, ac sedimenta pene detecta, neque temere prorsùs suspicantes, musculari tunicam vesicæ paralyû affectam esse, vesicatorium in osse sacro decrevimus, quod sanè magnoperè profuturum sperabamus; nostra verò nos delusit opinio. In hac rerum angustia omnes feré consilii expertes Parisienses, ac Neapolitanos Medicos consulendos duximus: horumque sententia fuit, litibus mercurialibus supponendum Ægrum, eique latenter curam exhibendam ea methodo, quæ impræsentiarum viget; hisce tamen frustra quoque perpessis dolet Æger, eademque morbi tyrannide hactenus torquetur; quare nunc, Expertissime Virte adimus, tuam implorantes opem: Sed ne quidquam historiæ morbi te lateat, scias, Ægrotum, qui ab ineunte usque atate veneri litaverat, comoda, ac efficaci seminis ejaculatione semper caruisse, nec nisi summo conamine paucam tenuioris liquidi copiam exantlabat: huic incommodo variis curavimus remediis occurrere, at nec cæteris impari infelici successu conatus nostros delusit. Inter ea descriptæ, qua diligentia potuimus, totius morbi historiæ nihil superest, nisi ut singulari huic morbo tutam atque efficacem medelam celebratissima, & toti Europæ nota in lue medēda felicitate tua opponas. Vale.

Respon-

Responsum Illustrissimi Domini Antonii
de Haen in Universitate Vindobonen-
si praeceos Professoris Primarii.

XXXXVIII. „ Exacte perpendi casum, cuius an-

„ nosissima origo gonoream arguit,
„ iterata venere adeò virulentam, ut in ductu urethe-
„ rae partibusque eam in principio ambientibus pes-
„ simas genuerit excrecentias, que hyscuriae, stran-
„ guriae, diffuria producendis aptae natæ sunt.

„ Quotidiana experientia, ususque praecedentium
„ saeculorum millies demonstraverunt, ejus-
„ modi gonoreæ symptomata ptyalismo mer-
„ curiali sanari nequaquam, sed peracta salivatio-
„ ne peculiarem sui curam poscere: ad formidandum
„ ergo hoc simptoma curandum, duo indicantur.

„ Primò, ut obstrukiones a gonorea supersti-
„ tes, ac excrecentiae tumoresque prodeutes blandè
„ solvantur remedio efficacissimo quidem solven-
„ te, reliquo verò corpori amico. Præstat mira-
„ biles prorsus in hoc casu effectus mercurius sub-
„ limatus mixtus cum magna spiritus, frumenti
„ copia: Summò effectu hoc remedium damus e-
„ tiam pueris, & puellis fertur facillimè. Rarif-
„ simè continuus ejus usus salivationem movit,
„ quod si advertetur os petere, illico purgante
„ deorsum fertur; causaque cur nequaquam sali-
„ vationem cieret, erat, quod non sufficienter bi-
„ berent ægroti.

„ Secundo indicatur remedium, quod urethere
„ inditum, tumores ejusdem sensim blandissimè
„ consumat. Parisiensis Chirurgus Daran suis tu-
„ rundis plurimos tales, quos novi, & examinavi

Idein-

„ deinceps; aut curavit, aut vitam ipsis tolerabi-
 „ lem reddidit; quæ geruntur semper in uretra,
 „ nisi quando urina urget, & tum urinâ emissâ,
 „ illicè remittuntur in uretram.

„ Rx. Mercurii sublimati corrosivi grana viginti,
 „ spiritus Frumenti libras tres m. Sumat. manè je-
 „ junus, & vespere bihorio ante cœnam, coclea-
 „ re unum, id est unciam unam de die.

„ Rx. Radicis bardane, Graminis, Altheæ un-
 „ cias duas, coque in aqua pura per unam horam,
 „ sub finem adde glicirizæ unciam semis, per se-
 „ mi horam infundantur colaturæ libris tribus; bi-
 „ bat quater de die uncias quinque; Si Æger fa-
 „ stidiosus est a medicamentis, posset libras duas
 „ lactis, cum libris duabus aquæ, partitis vicibus
 „ de die assumere.

„ Continuata per plures menses hac metho-
 „ do magna, spes assurget, fore ut Æger sola-
 „ men ingens percipiât, quod ipsi per Dei misé-
 „ ricordiam ex animo adprecor.

XXXXIX. Hac sola methodo semper felici even-
 tu curabat laudatus de Haen ægrotos morbo vene-
 reo affectos; idque ut oculatus Testis, dum Vin-
 debonæ essem, testari possum: Unde de Sublimato
 corrosivo agens in ultimo suo opere *Ratio meden-
 di in Nosocomio Præctico &c.*, de varia medicamēto-
 rum efficacia sequentia docet: „ Mercurius subli-
 „ matus corrosivus cum spiritu frumenti datus est
 „ remedium incomparabile, & in multis casib[us]
 „ utor cum prospero eventu, & experientia semi-
 „ per optatis votis arrisit. „ Afferit etiam co-
 dem in loco, se curasse Juvenem, septem men-
 sium spatio, ab albugine, & opacitate cornea, quam

pertinax, & simul perperam tractata *lippitudo* invexerat, nullo alio remedio interno adhibito, praeter *Sublimatum* in spiritu Frumenti dissolutum. Sanitati etiam hominem reddidit, qui post *philitenes*, & crassum *pterigion*, in cornea enatum, luem venereum ex impuro coitu contraxerat; Nam & a lue, & a *panno corneæ* trium mensium spatio, immunis evasit, ut nec vestigium morbi superesset.

Refert etiam, se vidisse hominem, qui ob vetustissimum virus a se suscepsum *artriticus* factus erat, ut hinc *Hanchilosēs*, illinc *Paralyses*, variique tumores, & ulceræ illum, vix sex elapsis mensibus, lecto affigerent; qui tamen ab efficacia hujus medicamenti ita restitutus est, ut *pedetentim* moveri artus, tandemque quivis fere motus fieri, qui ex sano vegetoque corpore exerceri consueverat, excepto digitorum motu exquisito, qui numquam renovari potuerat.

Tandem addit, aliud se observasse lue venerea adeò correptum, ut silicerni ad instar emaciatus videretur, & ulcus foetidissimum in vesica urinaria foveret; ita quidem, ut vesicam perforans *ulcus* magno intervallo, intra intestinum ipsum *rectum* sese recondereret, continuosque crearet *tenesmos*. Urinam non reddebat nisi *cathetere* adjutus, quæ puriformis videbatur; sed *aribritis* simul venerea vehementer illum torserat, qui tandem laudata methodo, trimestri spatio ab hac omnium symptomatum syndrome emergens, & lue, & *arthritide* defunctus est.

L. Alibi etiam doctissimus Auctor de virtute singulari quorumdam medicamentorum loquens, testatur sequentia: „ *Mercurius sublimatus corrosivus*

„ vus ad grana sex , vel septem , cum libra una
 „ spiritus frumenti mixtus , maximoperé nostris
 „ ægrotis profuit ; multitudo hominum ad curan-
 „ dam luem veneream , aut gonorheam , aut cor-
 „ neæ opacitatem , & oculi pterigium aut ad non-
 „ nullas surditatis species , aut ad ulcera dyssepu-
 „ lotica crurum , ad ulcera labiorum , adeò ex-
 „ edentia , ut frænum labii , nasi cartilagines cor-
 „ ruperint , aliaque pessima mala induxerint , ad
 „ hoc remedium confugiebant : „ Ingentem cata-
 logum hujusmodi felicissimarum observationum edi-
 dit ; adeout anno 1759. uncias duas Mercurii su-
 blimati corrosivi centum & trigintanovem spiritus
 frumenti distribuerit. Anno etiam 1757. mense
 Septembbris , versanti adhuc mihi Vindobonæ non
 paucos *siphiliticos* videre contigit perfectissimè
 hac , quam dixi , methodo curatos ; quorum adeò
 historias , in usus privatos utcumque exaratas , heic
 adjicere consultum visum est .

OBSERVATIO PRIMA.

LI. **H**omo quadragenarius robusti tempera-
 menti , post impurum coitum , ulcera
 in glande habuit ; cui adeò varia auxilia fuerunt
 adhibita , prout morbi curatio postulabat , ut sibi
 sanus esse videretur ; sed lapsò biennio , ophtalmia
 frequens , necnon *ulcerum* caterva supervenit , quæ
 circumscripta , profunda , in ambitu callosa , fau-
 cium lacunar occupabant ; accesserunt etiam dolo-
 res gravativi , qui ægrum maximoperè vexabant ,
 nocturno præcipue tempore , & dum e lecto sur-
 geret. Huic ergo , postquam repetitas venæ sectio-
 nes ,

nes, balnea æquæ dulcis, usum lactis asinini, ac re-media *mercurialia* usurpaverat, configiendum erat ad illitiones mercuriales, tamquam ad sacram, ut ajunt, anchoram; quarum ope cùm tantisper mitigatus esse videretur morbus, (nam omnia symptomata remiserant) quia verò non extirpatus, (alioribus quippe radicibus hærebat virus) ideo factum est, ut langueret miserrime, & de salute sua recuperanda animum despondens, hominum consortia fugere, solitudinem amare cœperit, quasi propediem moriturus. Quod verò nunquam sibi pollicebatur, in *Mercurio sublimato corrosivo* medelam tandem invenit; Nam vix assumperat grana viginti hujusce præparati, libris tribus spiritus frumenti diluti, cum intra quadraginta dierum spatium salutem optatam integrè recuperaverit, quin ab hujusce medicamenti usu ullum incommodeum persenserit.

OBSERVATIO SECUNDA.

LII. **J**Uvenis vigintiquinque annorum ab impura venere, de *gonorhea virulenta*, ac bубонibus venereis unà conquerebatur; quibus fuit coactus confugere ad Medica auxilia; unde pluribus remediis, morbo forsan contrariis, a Chirurgo addictus, & fallacibus promissis lactatus, pristinæ se sanitati restitutum esse putabat, donec anno subsequente novi concubitus occasione, iterum apparuit gonorhea, non quidem sola, sed gravi auditu, necnon dolore artuum superiorum pessimè contaminata: hisce autem magnis symptomatibus phlebotomiâ iterata, emulsionibus refri-

refrigerantibus; illitionibus mercurialibus in inguinibus, & in perineo institutis; mercurialibus internis; necnon dieta lacteâ vulgari methodo occurtere Medici; sed omnia incassum, imò nihil pro-sperior fuit admota huic scopo *hydrargirosis*, quam præterea miserrimè tulit, permanente eadem dolorum artriticorum sævitia, & obauditione molesta, quæ demùm tertio ab invasione mense in veram, & omnimodam *surditatem* utriusque auris degeneravit. Unde nullum commodum a solitis unguentiunctionibus expertus, consuluit therrapejam *Sublimati corrosivi* ingredi. Aggressi ergo hanc methodum, præter omnium expectationem votis cef-sit faustus adeo remedii exitus, ut amotis *salivationis* infortuniis, sartâ tectâque sanitate fruatur.

OBSERVATIO TERTIA.

LIII. **V**iri in ætate consistenti robusti, ulceribus venereis ab scorto, quocum coierat, universus *glandis* ambitus obsitus erat, unde quamplurimis tritis, & usu receptis medicamentis, scilicet ex phlebotomia, mercurialibus internis, ptisanæ sudorificæ, aliisque id generis petitis usus, intra quadraginta dies perfecta cicatrice obductis ulceribus, convaluisse videbatur. Sed vana spe; nam tertio vix mense exacto, dolores capitis ingruere, crebræ ophtalmiæ, non absque illius admiratione, qui ab omni luis suspicione fese credebat immunem. Quamvis autem ultimò memorata symptomata *de lue* testarentur, ulcera vero, quæ in faucibus apparuere, omne de eadem concepta *lue* dubium abstulerunt: Qua de re præscri-
ptæ

ptæ ei fuerunt venæ sectiones, balnea, lac, mercurialia interna; sed hæc omnia frustra; nam finita curatione, nihilo seciūs *ophtalmiæ* permanserunt, simulque *cephalalgia* infixi cujusdam clavi sensu affligeretur, planè ut de se jam actum, nulla recuperandæ amplius sanitatis, æger videretur. Verum *Mercurii sublimati* ope, incantamenti ad instar, ad primævam sanitatem rediit, quin vel levissimam inde noxam, quam vulgo formidant, perceperit.

OBSERVATIO QUARTA.

LIV. **M**ilitem in trigesimo ætatis suæ anno constitutum ex impura venere *gonorrhœa virulentissima* adorta est, quæ non ritè tractata a Chirurgo, & immaturè suppressa, *luem venereum confirmatam* advocavit; imò post duos annos doloribus artuum inferiorum, ulceribus variis, profundis, callosis, per totum corpus dispersis obnoxius factus est. Accessit quoque tanta musculorum *flexoriorum tibiae* rigiditas, ut quantumcumq. niteretur, prorsus tamen claudicaret; Huic ergo multa remediorum genera commendata sunt ab Italîs, ut *illitiones mercuriales* bis repetitæ. Sed inde morbus nihil levabatur; unde post requisitam præparationem, *Mercurium sublimatum corrosivum*, cum eodem spiritu frumenti temperatum, cum sufficienti quantitate decocti hordei, per quadraginta dies successivè hausit. Applicabatur interim velut topicum ejusdem *Sublimati* dissolutio, in decursu curationis prædictis ulcerosis partibus, eo fine, ut margines ulcerum duræ eliquarentur, & ad perfectam cicatricem perducerentur: idem interea fe-

lix eventus observatus, atque non sine admiratione Medicorum, dolores quoque artuum evanuerunt, & ulcera ad cicatricem optatam devenerunt; tandem balneorum, ac lenissimarum frictionum auxilio integræ sanitati restitutus Æger, vix ullum prægressæ claudicationis vestigium habet.

LV. Eodem anno, mense Januarii *Christianus Blasche* Austriacus *Viennensis*, in sua Dissertatione inangulati Medica, de Virtute venenorum medicata, postquam de Oppio doctissimè edisseruit, aliqua breviter de Mercurio sublimato corrosivo adnectit; ipsunque tamquam verum antidotum tetræ hujuscè *Luis* considerat, & quatuor curationum mirabilium casus refert, quorum primus sequens est.

OBSERVATIO QUINTA.

LVI. „ **H**omo vigintisex annorum ab ali-
„ quot retrò annis ex impura venere
„ ulcerulum in præputio contraxerat, quod variis
„ remediis per mensem a Barbitonfere tractabatur,
„ tandem applicato (ut ajebant) unguento viridi
„ dolentissimo, malum ita exasperabatur, ut la-
„ tiū serperet ulcus, & totum præputium ita in-
„ tumesceret, omnemque glandem tegeret, ut
„ urinæ excretio impediretur, cessit hoc malum
„ fomento, quod ipse Æger ex *Camomilla*, *Sal-*
„ *via lacti* incoctis, cum pauxillo *camphoræ* com-
„ ponebat, & deterso quotidie ulcere, ab hoc ma-
„ lo liberari visus est; Sed elapsis sex mensibus,
„ in scroto apparebat *furunculus* alter venereus,
„ qui eodem fomento, referente Ægro, sanatus
„ est. Gliscebat interea virus, & lento passu ad in-
„ ingui-

„ guina ferebatur, quæ foedis ulceribus obsidebat
 „ adeò, ut utrumque inguen, pars pubis inferior,
 „ cum dorso penis, & scrotum sinuosis, & inter
 „ se mutuò communicantibus fistulis deturparetur;
 „ Ingemuit per tres circiter menses sub hoc ul-
 „ cero, & foedo cruciatu, morbum solicite ce-
 „ lans, metu jacturæ famæ perterritus, sed auctis
 „ quotidie doloribus, & serpente malo, rem ape-
 „ rit Medico, constanter tamen negans, se cum
 „ femina rem habuisse; nihilominus tamen mercu-
 „ rialibus aliquoties purgatus est, & adhibitis ex-
 „ ternè detergentibus cum aqua *phegedenica* mi-
 „ tiori, apertisque sinubus trium mensium spatio,
 „ consolidatis ulceribus, sanus esse videbatur.

„ Interim seminium contagiosum, relicta statio-
 „ ne inferiori, petiit superiora; infectabat enim
 „ post quatuor menses caput, & fauces, cum *cæ-*
 „ *phalalgia* nocturna, fere ad insaniam usque: Ad-
 „ scriptis hunc morbum Æger tempestate pluviose
 „ frigidæ; (erat enim mensis Decembris) hinc *flu-*
 „ *xionem* esse credens, varia applicuit suffumigia,
 „ quibus se effecisse putabat, ut dolores capitis a
 „ sua vehementia remitterent; recurrebant tamen
 „ sæpiùs dolores tum caput, tum omnes artus oc-
 „ cupantes, jam intenso, jam remisso gradu, at-
 „ que id per universum prope annum, donec sub-
 „ sequente mense Novembris, sedem suam altius,
 „ & in capite, & in faucibus morbus figeret; sæ-
 „ viebat enim virus adeo, ut dolores capitis diur-
 „ ni æquè, ac præcipue nocturni, cum molestissi-
 „ ma simul angina, miserum per duos menses in-
 „ ter mille cruciatus in lectulo affligerent; appa-
 „ rebat tandem in palato fornicato foramen, quod
 „ sen-

„ sensim ita dilatabatur, ut pollicem magnitudine
 „ facile æquaret; mutabatur tunc vox in incondi-
 „ tam planè, & ingratam; Neque hic stetit mor-
 „ bi atrocia, sed eōusque furebat, ut cùm in
 „ emaciatisimo homine pinguedinem non inve-
 „ niret, in membrana mucosa narum, eorumque
 „ recessibus lateris potissimum sinistri, figeretur.
 „ Accessit tum adhuc id ad cumulum miseriarum,
 „ ut obturatis a tumente membrana muccifera,
 „ naribus, aerem per os tantùm duceret, audi-
 „ tusque organon fere penitus periret, & simul
 „ tam foetidum halitum, tantamque mephitim ore
 „ emitteret, ut nemo, nisi e longinquo, illi lo-
 „ qui vellet; quæ res miserum adeo percultit, ut
 „ secum firmiter statuerit ab hominum consortio
 „ fugere, & velle eōusque putrefcere, atque ex-
 „ edi, donec miserrimam mortem obiret. His
 „ animi angoribus oppressus, amicorum suasu mu-
 „ tato consilio, adivit amicum Illustrissimum Van-
 „ svieten, qui, re intellecta, spiritum frumenti
 „ cum Sublimato corrosivo illi porrexit, & quoti-
 „ die manè unum cochlear sumeret, injungens.

„ Paruit Æger, & quatuordecim dierum usu id
 „ effectum est, ut unum os spongiosum inferius
 „ caderet, & foramen in palato ad pisi minoris
 „ magnitudinem concresceret. Excidebant sic sen-
 „ sim plura ossicula hinc inde carie exesa; ince-
 „ pit tum liberiùs respirare per nares, & foetor
 „ aliquantum remisit; plurima tamen morbi vis he-
 „ rebat adhuc in *sinu maxillari* sinistro, ejusque
 „ osse, quod in tophum elevari videbatur, do-
 „ lorque in hoc latere continuus aderat; destrue-
 „ batur lamella media inter sinum, & alveolos

„ dentium; unde factum est, ut series dentium
 „ maxillæ superioris sinistræ retrocederet, dentes
 „ que ejusdem lateris breviores redderentur, unus
 „ que jam antea cariosus caderet; poterat per
 „ hunc alveolum perforatum facile stylus in sinum
 „ usque deduci, multumque inde sanie fœtidis-
 „ simæ perdiu effluxerat.

„ Dum hæc siebant, foramen in palato, quod
 „ jam ad concretionem tendebat, rursus amplia-
 „ batur, & novum ulcus in maxillæ dexteræ parte
 „ externa nascebatur, quod diu consolidationem
 „ renuebat. Tandem sic post quindecim mensium
 „ spatiū *Sublimati corrosivi* ope sanitati restitu-
 „ tus est, & jam a biennio sine ullo dolore inco-
 „ lumis valet; nisi quod vocem mutatam habeat,
 „ & laminam argenteam foramen illud palati clau-
 „ dentem gerat. Hunc ergo morbum venereum,
 „ qui tam diu huic corpori inhæsit, & ipsa jam
 „ ossa occupaverat, sine ulla *salivatione*, aut fluxu
 „ alvi, aut alia excretione, (nisi quod Æger quan-
 „ doque in lecto se diutiùs continens aliquantum
 „ sudaret) *Mercurii sublimati corrosivi* efficacia
 „ mitigavit, abstulit, sanavit. „

Refert etiam laudatus Auctor, plures tales ægros
 cum palato perforato solo hoc remedio sanatos vi-
 disse, quorum omnium morborum historiam descri-
 bere longum heic foret; Scribit etiam de quodam
 Juvene ita lue affecto, ut palatum exesum maxi-
 moperè haberet; itaut vix loqui posset, qui licet
 salvationem passus fuerit, hujus remedii ope jam
 sensim sanabatur.

OBSERVATIO SEXTA.

LVII. „ **V**ir quadragenarius diu arthritide
 „ venerea molestissima afflatus sa-
 „ livationem ad eradicandum hoc malum in auxi-
 „ lium adhibuit, sed licet crudelem hanc curami
 „ (at, ut videtur, non eò usque, quò debuisset)
 „ subierit, mitigatus quidem erat morbus, nec ta-
 „ men penitus extirpatus; paulò enim post, iisdem,
 „ quibus ante, doloribus cruciabatur; quinimò no-
 „ stu adeo siebant violenti, ut vix ullus esset ar-
 „ tus, qui non violentissime doleret: molestæ si-
 „ mul aderant artuum contractiones, ut Æger si-
 „ bi ab horrendis convulsionibus metueret, & in
 „ tibia pedis sinistri jamjam tophus formari cœpe-
 „ rit. Auxilium quælitum est a *Sublimato corrosi-*
 „ *vo* cum spiritu frumenti, cuius Æger quotidie
 „ bis unum cochlear sumebat, & intra breve tem-
 „ poris spatium integré ab hoc morbo liberatus est;
 „ adhibitis dein thermis *Baadenibus* ad roboranda,
 „ ut ajebat, membra, jam sanissimus vivit. Id au-
 „ tem in usu hujus remedii huic Ægro contigit,
 „ ut per aliquot dies quotidie ter, quaterve sine
 „ ulla molestia purgaretur. „

OBSERVATIO SEPTIMA.

LVIII. „ **C**ontagiosa veneris labes in viro
 „ triginta circiter annos nato in
 „ superficie externa corporis radices suas fixerat,
 „ itaut tota totius ferè corporis cutis elatis, ten-
 „ tis, & dolentibus tuberculis obsideretur, pluri-
 „ misque ulceribus excoriata deturpati corporis fe-
 „ dam

„ dam præberet faciem; traxerat ulcerosum hoc
 „ corium Æger per longius tempus, donec mole-
 „ stissimo morbo vix, auxilium peteret; invenit
 „ hoc in *Mercurio corrosivo sublimato*, quo vix
 „ per tres septimanas hausto, jam magnus ille
 „ ulcerum numerus ad pauca redactus est; itaut
 „ intra quadraginta dies vix ullum ulcusculum am-
 „ plius conspiceretur, cum e contra prius latio-
 „ ribus etiam plagis corpus depascerent.

OBSERVATIO OCTAVA.

LIX. „ Miles, cui venereum virus humori-
 „ bus oculi inhærens primo cornea
 „ opacitatem, dein albuginem induxit, imò malum
 „ sensim auctum acrimonia sua coneam in ulcu-
 „ scula minutissima sensim latiora eroferat; unde
 „ ophthalmia ulcerosa in utroque oculo visum ab-
 „ stulit; cuius tamen *Mercurii sublimati* usu al-
 „ ter oculus penitus jam restitutus est; in altero
 „ verò malum ita mitigatum est, ut vix unum,
 „ alterumve ulcusculum adhuc supersit, quod qui-
 „ dem, etiam si visum non abstulit, objecti ta-
 „ men videndi accuratam distinctionem aliquantum
 „ adhuc impedit, ulteriori Mercurii hujus usu, ut
 „ appareat, ex integro emendandum.

Ad sunt etiam similium curationum Mercurio su-
 blimato absolutarum exempla apud Joannem Bona,
 quæ ad majorem confirmationem, & ut Asserti no-
 stri veritas magis elucescat, hic adnectere operæ
 pretium existimavimus, quorum primum sequens
 est.

OBSER-

OBSERVATIO NONA.

LX. „ **N**obilis Juvenis calida, & humida
 „ corporis natura præditus, post vi-
 „ rulentam *gonorheam*, quæ rectè curata fuerat,
 „ quoniam sèpiùs cùm impuris mulieribus rem ha-
 „ buisset, ei verucæ, & exigua ulcera in glande
 „ orta sunt. Hæc quoque curata sunt, sed virus
 „ non omnino sublatum. Cùm hæreditario hemor-
 „ roidum fluxu laboraret, coepit eodem copiosio-
 „ re affici, itaut in malum corporis habitum inci-
 „ derit, cum non levi jecoris, & lienis obstru-
 „ ctione. Accedebat subinde febricula cum seroso
 „ alvi fluxu plures dies perseverante. Ex his ma-
 „ lis omnibus vires ita prostratae sunt, ut brevi
 „ etiam, & lentæ ambulationi minimè sufficerent.
 „ Medicamenta adhibita sunt multa, eaque ex va-
 „ lentioribus. Quæ cùm non satis profecissent, in
 „ eam opinionem venimus, morbum a latente lue-
 „ venerea soveri, cuius quædam apparebant non
 „ prorsus obscura signa. Nam & capilli magna ex
 „ parte fluxerant, & latæ, croceæque maculæ, æsti-
 „ vo præsertim tempore, in summa cute efflo-
 „ scebant, & in glande rubrae prurientesque pu-
 „ stulæ oriebantur, quæ tamen citò per se evane-
 „ scebant. Itaque *sublimato Mercurio* Ægrum cu-
 „ rare statuimus. Hujus granum unum in duabus
 „ vini spiritus unciiis solutum est, eaque spiritus
 „ quantitas in sex portiones divisa, quarum duas
 „ quotidie, alteram mané, alteram vesperi Æger
 „ sumpsit. Sex diebus elapsis, duæ vini spiritus
 „ unciae cum uno Sublimati grano in quatuor tan-
 „ tūm portiones divisæ sunt, intra duos dies su-
 „ men-

„ mendas . Semper autem statim a medicamento
 „ tres libras potavit decoctionis ex hordeo, atque
 „ altheæ radice . Effectus medicamenti fuit ejus-
 „ modi: ut primis diebus alvus, quæ antea liquida
 „ erat, coacta fuerit, & urina copiosior fluxerit
 „ cum ardoris sensu . Præterea levis quidam *oste-*
 „ *copus dolor* in humeris, & tibiis persistenti cœ-
 „ pit, qui antea nunquam molestus fuerat . Unde-
 „ cimo die *sublimati* dosis iterum aucta est; Nam
 „ granum in duabus vini spiritus unciis solutum in
 „ tres dispertiebatur doses, ex quibus duæ quoti-
 „ die datæ sunt, altera manè, vesperi altera . Hoc
 „ modo curatio in quinquagesimum usque diem
 „ producta est . Ex hac adaucta *Sublimati* dosi, pri-
 „ mis quidem diebus, alvus sæpius quotidie cum
 „ dolore mota est, simulque sanguis ex hemorroi-
 „ dalium vasorum osculis copiosior effluxit; ita ta-
 „ men, ut Æger hæc optimè ferret . Procedente
 „ tempore, alvus aliquantulum substitut, sed ta-
 „ men quotidie liquida sine dolore descendit, he-
 „ morroidum fluxus imminutus est, ac tandem pro-
 „ sanguine tenuis tantum lympha exivit, dolores-
 „ que, qui in ea parte satis graves erant, planè
 „ cessarunt . Urina semper copiosa profluxit . Sub
 „ finem curationis quædam exiguae pustulæ in glan-
 „ de ortæ sunt, sed brevi sponte decesserunt . Vi-
 „ vidus faciei color, viresque auctæ in dies, sana-
 „ tionis spem jam antea fecerant, novissimè Æger
 „ se rectè habere testatus est . Cibus ex hordeo, &
 „ vitulina fuit carne, potio copiosa aquæ, in qua
 „ hordeum coquebat cum altheæ radice . Cœna
 „ parca concessa est . Primo curationis tempore le-
 „ cto se continuit Æger, postea lectum reliquit;
 „ sed e domo non exivit, nisi curatione absoluta .

„ Paucis post diebus aquas vitriolico-martiales po-
 „ tavit eo successu, ut in pristinam salutem resti-
 „ tutus fuerit. „

COROLLARIA.

I. „ **P**rimis curationis diebus dolores quidam
 „ osteocopi in humeris, & tibiis excitati
 „ sunt, quos Æger antea non senserat. Cujus rei
 „ ea fortasse causa assignari potest, quod stagnan-
 „ tem iis in locis humorem ostenderit remedium,
 „ ad cujus discussionem solidorum fibras magis
 „ quam alibi stimulando distraxerit. Ex quo dolor.

II. „ Illud animadversione dignum est: cum an-
 „ tea propter magnam, quæ in stomachi, atque
 „ intestinorum fibris erat, laxitatem, atque debi-
 „ litatem, alvus liquida descenderet, primis die-
 „ bus ab incepto remedii usu coactam fuisse. Num
 „ id ad stypticam, & corroborantem remedii fa-
 „ cultatem referendum est. Itaut effectus deinde
 „ mutatus fuerit, solutis a medicamento humoris
 „ bus, hujusque acritate prævalente etiam prop-
 „ ter adactam dosim?

OBSERVATIO DECIMA.

LXI. „ **A**lium quoque Nobilem Juvenem bi-
 „ liosi temperamenti, qui ex venerea
 „ lue, vago osteocopo dolore torquebatur, præser-
 „ tim in pectore, cum recurrenti spirandi diffi-
 „ cultate, hoc remedii genere eodem fermè tempo-
 „ re curavi, nempe ad idus Mæji anni superioris.
 „ Unum Sublimati granum in duabus vini spiritus
 „ unciosis liquatum, atque sex portionibus divisum,
 „ ex quibus duas quotidie sumpsit, manè scilicet,
 „ & vesperi, cum liberali potionē decoctionis ex
 „ hordeo. Primum dolor acutus, sed cum quarto
 „ die,

„ die alvus soluta fuerit , & postea urina copiosa
 „ profluxerit , sensim minor factus est . Post quar-
 „ tum decimum diem eadem sublimati quantitas ,
 „ in quatuor portiones divisa fuit biduo sumen-
 „ das , ex quo alvus iterum soluta est . Humida ,
 „ & frigida tempestas , quæ dein successit dolo-
 „ rem , & spiritus difficultatem exasperavit ; Ta-
 „ men ad vigesimum diem sublimati largior dosis
 „ data est , & granum unum in tres portiones di-
 „ visum . Vigesimo quarto die alvus copiose de-
 „ jecit , neque tamen symptomata levata sunt .
 „ Triginta diebus exactis dimidiam grani partem
 „ potavit manè , itemque vesperi , & quotidie po-
 „ stea eodem modo . Hæc dosis , & sereni dies
 „ meliorem spem attulerunt : Näm cum venter
 „ copiosus , & sæpiùs moveretur , urinaque largius
 „ flueret , mala quoque mitiora facta sunt , itaut
 „ tolerabilis dolor in uno tantum latere superes-
 „ set . Interea per Urbem vagare cœpit ager , &
 „ rus petiit , tūmque propter Cœli , & tempesta-
 „ tis mutationem pejus habuit . Brevi in Urbem
 „ reversus est , & Cælo calidiori facto , sudor eru-
 „ pit magno profectu . Quia caloris sensus cum fe-
 „ bricula molestus erat , liberalis ideo syruppi ex
 „ violis quantitas vini spiritui adjecta est . Hac
 „ ratione ad finem usque mensis Junii pervenit ;
 „ Remedioque amplius uti abnuit , cum aliquis a-
 „ dhuc doloris sensus in pectore persisteret , qui
 „ tamen levi ex unguento mercuriali frictione do-
 „ lenti parti adhibita sublatus est . Itaque ager
 „ perfectè convaluit . Vietus ratio eadem fuit ,
 „ quæ in superiori casu .

COROLLARIA.

I. „ **C**UM ex hujus remedii usu dolores, qui
 „ antea non erant, concitari observa-
 „ tum sit, (Observatio Eger. 9. Coroll. I.) non
 „ est mirum, eos exacerbatos, qui aderant, ea-
 „ dem nimirum de causa.

II. „ **E**X quo docemur, non ideo desperandum
 „ esse de curatione, si profectus non sta-
 „ tim appareat, aut si morbus potius increscere
 „ videatur; sed patientiâ, & longo remedii usu
 „ opus esse. Neque ad debitum tempus reme-
 „ dio usus est hic æger; cum tandiù eo utendum
 „ sit, (a) quamdiū aliquid de luis simptomatibus
 „ supereft.

III. „ **I**L lud quoque ex hac historia apparent,
 „ Coeli, & tempestatis varietatem non
 „ parùm posse ad effectuum hujuscce medicamenti
 „ diversitatem inducendam.

OBSERVATIO UNDECIMA.

LXII. „ **T**ertius, cui hæc eodem tempore
 „ adhibita est medicina, Nobilis item
 „ fuit juvenis, qui diram luem ex impura venere
 „ contraxerat, cum faucium ulceribus, quibus sa-
 „ natis, pustulæ in fronte cum dolore ortæ sunt,
 „ O acrem

(a) *Van-svieten Maladies des armées p. m.*
Antonius de Haen Ratio medendi part. III. de virtut. singulari quorumdam medicament.

„ acrem liquorem fundentes , quæ medium quo-
 „ que dexteræ manus digitum occuparunt circa-
 „ ossiculi primæ cum secunda, phalangæ articula-
 „ tionem , cum insigni tumore , ac dolore , itaut
 „ complicari non posset . Accessit stomachi angor,
 „ & spiritus difficultas . Initium captum est ab exi-
 „ gua Sublimati dōsi , ut ei sexta tantū grani
 „ pars bis quotidie daretur , manè , & vesperi ; sed
 „ paulatim ascendendo , tandem eò pervenit , ut
 „ granum unum cum dimidio quotidie sumpserit ,
 „ & vini spiritu liquatum , & in duas portiones di-
 „ visum ; adjecta quoque copiosa potio ex hordei
 „ decocto , eademque , quæ in aliis , victus ratio
 „ servata est .

„ Huic ægro protinus inter initia copiosè sudor
 „ effluxit ; itemque urina sine ullo labore . Decimo
 „ die alvus solutior , ex quo sudor repressus est ,
 „ qui statim rediit , quod alvus per se suppressa ,
 „ neque postea reliquo curationis tempore turbata
 „ fuerit . Inter hæc ex frontis pustulis *liquor* fœ-
 „ tens exibat , & squammæ quædam demitteban-
 „ tur ; sed alia oriebantur ; quod & in digito con-
 „ tigisse observatum est ; cuius tamen dolor ac tu-
 „ mor imminuebatur sensim , motusque expeditior
 „ erat . Secundo & vigesimo die pustulæ in totum
 „ exsiccatæ sunt , ex quibus quædam tantū stig-
 „ mata relicta . Sudor ad quadragesimum usque
 „ diem emanavit . Stomachi angor evanuit , item-
 „ que spiritus difficultas . Vires constabant . Quæ-
 „ dam tamen pustulæ subinde nascebantur , quas
 „ mercuriale unguentum affectæ corporis parti il-
 „ litum sustulit . Jam Æger e cubiculo exire , atque
 „ ipsa e domo cœpit , cautè tamen ; curationeque
 „ in

„ in sexagesimum diem producta, se sanatum pu-
 „ tavit. Procedente tempore rursus quædam pu-
 „ stulæ identidem in fronte eruperunt: cæterum
 „ hactenùs bene se habet. Quod adnotare æquum
 „ erat.

COROLLARIA .

I. „ **V** Is hujus remedii , qua excretiones
 „ promovet, pro varia Ægroti tempe-
 „ rie variè determinanda apparet ex hac historia.
 „ Nam alvus semel tantum mota est; copiosus au-
 „ tem sudor diù manavit, & urina largius profluxit.

II. „ **U** Sum remedii fuisse fortasse brevio-
 „ rem, quām opus erat. Quamquam
 „ enim secunda valetudine frui videatur adhuc
 „ nobilis Juvenis, locus tamen relinquitur dubita-
 „ tioni, num renascentium subinde pustularum
 „ causa quibusdam luis reliquiis inhæreat.

OBSERVATIO DUODECIMA .

LXIII. „ **M** Ulto breviori temporis spatio
 „ curatio facta est Aurigæ cujus-
 „ dam annorum viginti , & sanguinei tempera-
 „ menti, plenique babitus, cui ex venerea conta-
 „ gione tumor in inguine ortus , neque recte cu-
 „ ratus , & a quinque retro mensibus adhuc aper-
 „ tus dolores arthriticos rehumaticos intulerat ,
 „ maximè in artubus superioribus , atque interco-
 „ stalibus musculis , cum summa respirandi difficul-
 „ tate. Sublimati granum in duabus vini spiritus
 „ unciis solutum ea ratione præscriptum fuerat, ut
 „ ejus

„ ejus quartam partem bis quotidie sumeret, cum
 „ larga potionē decoctionis ex hordeo. Sed primo
 „ statim die integrā tertiam partem manē de-
 „ glutivit incautus. Ex quo nimis copiosa dejectio
 „ secuta est cum magnis ventris doloribus, qui la-
 „ cte liberaliter epoto sublati sunt. Remedium ad
 „ sequentem diem dilatum est, quo tertia denuō
 „ grani pars sumpta est, nescio quo errore; cūm
 „ rursus dejectio, & dolores orti sunt, simulque
 „ sudor effluxit; atque ille idem quoque dolor
 „ exasperatus est, quo artus priūs torquebantur.
 „ Quæ omnia tamen paulatim cessarunt.

„ Postero die major cautio adhibita est, & quar-
 „ ta tantum grani pars sumpta, & statim postea
 „ decoctio hordei copiosè epota, cum quarta la-
 „ etis parte commixta. Itaque medicamenti vio-
 „ lentia ita mitigata est, ut sudor, & parca alvi
 „ egestio sine dolore succederet, totoque curatio-
 „ nis spatio persisteret. Tamen parva simul saliva-
 „ lium glandularum tumefactio, cum levi dolore,
 „ & sputamine aliquo orta est; quæ phenomena
 „ citissimè decesserunt. Inter hæc morbus levari
 „ visus est, ut Sublimati dosim non esse augendam
 „ judicaverim. Quarto die supra vigesimum, cūm
 „ jam inguinis tumor cum ulcere sponte sanatus
 „ esset, Æger se ex toto restitutum ratus, ulte-
 „ riorem curationem rejecit.

COROLLARIA.

I. „ **H**UIC ægro, paulò ante quam curatio-
 „ nis initium fecisset, sanguis incisa
 „ venâ missus est. Num hac de causa expedito
 „ sanguini-

„ sanguinis circuitu, ejusque crassitie non nihil at-
 „ tenuata, tam promptæ excretiones contigerunt,
 „ tamque citum symptomatum levamen?

II. „ **S**putum illud, quod motum esse vide-
 „ batur, nullius momenti fuit. Nam re-
 „ medii usu procedente, non solùm non auctum
 „ est, sed protinus planè cessavit.

OBSERVATIO DECIMATERTIA.

LXIV. „ **N**ON multò post curatio adhibita.
 „ **N**est egregio cuidam Adolescenti
 „ calida & sicca corporis naturā. Gonorheam ille
 „ saepius contraxerat ex impuro concubitu; tum-
 „ glandis ulcera. His malis omnibus jampridem
 „ sublatis, adhuc supererat molesta prurigo in ure-
 „ tra, & ardoris sensus in reddenda urina; parva
 „ quoque ulcera idemtidem in glande nascebantur,
 „ sine nova contagione. Processu temporis duo
 „ tumores in inguine orti sunt, utrinque alter ad
 „ magnitudinem nucis juglandis cum dolore, qui
 „ acrior erat incessu. Ex quibus omnibus *intestinæ*
 „ luis conjectura facta est. Ordo curationis fuit
 „ hujusmodi.

„ Uno Sublimati grano ex tribus aquæ unciis
 „ hausto sexta aquæ illius pars manè, itemque ve-
 „ spera dabatur in nonum diem, potionē omissa
 „ decoctionis ex hordeo. At primū alvi dejectio
 „ est consequuta cum levi dolore; deinde sudor
 „ copiosissimus; cum hoc larga urina. Simul febri-
 „ cula invasit Ægrum, & capitis dolor, qui horâ
 „ demūn quinta a medicamento cessabat, atque
 „ ille

„ ille increscet, quem jam antea bubones affe-
 „ rebant. Sed nihil fuit molestius, quam ingens
 „ sitis. Quare modum quidem Sublimati ita auxi,
 „ ut ille ad quartam grani partem bis quotidie
 „ sumeret: sed jussi, ut aliquantulum syrapi vio-
 : larum cum eo misceretur, & post assumptum
 „ medicamentum libram unam hiberet decoctionis
 „ ex hordeo. Hinc sudor cohibitus, & rursus al-
 „ vus ad aliquot dies, sine dolore tamen, soluta
 „ est. Febris, capitis dolor, sitis desierant, cum
 „ iterum Sublimati dosis aucta est, ut tertia da-
 „ retur grani pars bis singulis diebus. Ex quo ta-
 „ men neque venter motus est, neque sudor, ne-
 „ que urina; atque ita huic medicamento assueve-
 „ rat, ut interdum illud etiam sine adjecto syru-
 „ po ex violis, sine potionе decoctionis ex hor-
 „ deo sumeret, quin ulla molestia subsequeretur.
 „ Quo cum ille amplius duos menses usus esset,
 „ & nihil praeter cibum, quem lenem, ac tenuem
 „ ac levem sumebat, ex reliqua victus consuet-
 „ tudine mutasset; inguinis tumoribus prorsus di-
 „ scussis, cæterisque malis depulsis, pristinam sa-
 „ nitatem recuperavit.

COROLLARIA.

I. „ **F**ebris, sitis, dolor capitis ad hujuscē
 „ medicamenti effectus pertinent, quod
 „ periculi faciendi causa, sine adjecto syrupo ex
 „ violis, sine subsequenti potionе primis quidem
 „ diebus datum est, sed exigua dosi. Procedente
 „ curatione, hoc modo interdum propinatum est
 „ etiam majori dosi; tamen neque febris, neque
 „ capi-

„ capit is dolor, neque sitis rediit, neque damnu^m
 „ ullum illatum est. Quantò igitur minus ab e^o
 „ timendum est, cùm ejus violentia tot modis, ut
 „ diximus, coerceatur?

II. „ **O** stendit hæc Observatio, non minùs
 „ utile hoc medicamentum esse ex a-
 „ qua, quām ex vini spiritu epotum. Et ideo hæc
 „ methodus teneri possit, si alteram aliquam de cau-
 „ sa interdum minùs aptam censuerimus debellan-
 „ dæ lui.

OBSERVATIO DECIMAQUARTA.

LXV. „ **A** T curatio cujusdam Piscatoris an-
 „ norum circiter quadraginta, sic
 „ ca & calida corporis natura prædicti incœpta est
 „ mense Augusto ejusdem superioris anni. Ille
 „ dira venerea lue laborabat, quæ neque inunctio-
 „ ne mercuriali iterum atque tertio facta, neque
 „ postea decoctis, quæ huic morbo adversa sunt,
 „ sanari potuerat. Symptomata præcipua hæc e-
 „ rant. Ulcus pessimum in sinistro crure, tophi-
 „ que in eodem genu; hinc crus extendi non po-
 „ terat, & Æger claudicabat. Pone aurem quo-
 „ que sinistram ulcus erat magnum, & sordidum.
 „ Igitur Sublimatum eadem methodo datum est,
 „ in vini scilicet spiritu solutum, adjecta portio-
 „ ne decoctionis ex hordeo; incipiendo a sexta
 „ grani parte. In sextum usque diem nullam per-
 „ sensit mutationem, præter copiosam urinam co-
 „ piosæ potionis respondentem. Sublimati dosis ita
 „ aucta est, ut pars grani tertia sumeretur; ex
 „ quo

„ quo alvus aliquantum mota est, & sudor noctu
 „ manare coepit. Simul gravis corporis aestus agru
 „ afflixit cum brevibus, sed vehementibus nervo
 „ rum concussionibus: ideo malui unum Sublimati
 „ granum in dimidia aqua uncia liquari, integra
 „ adjecta syrapi violacei uncia exhibere. Itaque
 „ aestus, & nervorum concussiones cessarunt, su
 „ dore, & copiosa urina profluente. Sumpsit au
 „ tem exinde quotidie manè medium granum, tan
 „ tumdemque vesperi. Circa vigesimum diem, om
 „ nibus admirantibus, ulceri illi, quod erat pone
 „ aurem, cicatrix inducta est, & crus moveri coe
 „ pit. Procedente tempore Aeger melius atque
 „ melius ambulavit, & scalas quoque ascendit, quod
 „ antea non poterat. Exacio secundo curationis
 „ mense, granum unum cum dimidio quotidie da
 „ tum est in duas portiones divisum, alteram ma
 „ nè, alteram vesperi sumendam. Tophi sublati,
 „ cruris ulcus sanatum, & in totum sanitas resti
 „ tuta est, sic tamen, ut nondum crus perfectè ex
 „ tendi posset. Tribus mensibus usus est remedio,
 „ eademque viclus ratione, qua cæteri ægroti.

COROLLARIA.

I. „ **H**Uic Aegro, qui sicca, & calida corpo
 „ ris erat natura, Sublimatum ex aqua
 „ melius cessisse, quam ex vini spiritu perspicuum
 „ est.

II. „ **N**onne valentius, utiliusque fuit hoc
 „ remedium, quam inunctio cum mer
 „ curiali unguento, & decocto ipse ostendit even
 „ tius.

III.

III. „ **Q**uod si expedita cruris extensio non sit consecuta, non est ideo remedium accusandum. Læsa enim for-
 „ tasse fuit in genu articuli fabrica a tophis illis,
 „ aut contumax cruris complicatio fecit, ut nunc
 „ membrum penitus extendi non possit, ut an-
 „ cilosis fieri comperitur, ubi ossibus fractis mem-
 „ brum nimis diu sine motu continetur.

OBSERVATIO DECIMAQUINTA:

LXVI. „ **I**n idem fere tempus incidit cura-
 „ tio nobilis ejusdam Juvenis anno-
 „ rum triginta, sanguinei, & melancholici tem-
 „ peramenti, qui jam primū phlogosi quadam
 „ gingivarum cum gravi dolore afficiebatur, qui-
 „ bus mœror, & tristitia accedebat. Itaque mor-
 „ bus Hipocondriaco-Scorbuticus videbatur. Præ-
 „ ceptum est, ut sero lactis depurato commixto
 „ cum succis aliquot earum herbarum, quæ valent
 „ contra eum morbum, uteretur; tum decoctis
 „ diluentibus, attenuantibus, atque dulcificantibus.
 „ His omnibus longo adeo tempore adhibitis, non
 „ melius se habere visus est Æger, quin herpeti-
 „ cum ulcus totam ejus genam occupavit, usque
 „ ad partem oris posteriorem. Optimis remediis
 „ non proficiens, cùm multos ante annos vi-
 „ rulentam gonorheam passus esset, suspicari coe-
 „ pi, morbum a latente venerea lue soveri, ex mo-
 „ nitu Celeberrimi *Astrucii*. Ideo cùm alio quoque
 „ Medico Carolo Terzi, homini docto, idem vi-
 „ sum fuisset, curatio incepta est cùm Sublimato
 „ ex aqua liquato, & syrupo violaceo adjecto, cùm
 „ **P**otio.

„ potionē decoctionis hordeaceæ. Primis diebus
 „ cùm sexta grani pars manè, itemque vesperi in-
 „ tūs sumeretur, nulla mutatio facta est. Deinde
 „ aucta dosi ad quartam grani partem, alvus ali-
 „ quantūm soluta est, larga quoque urina profluen-
 „ te. Tandem dimidium granum manè, dimidium
 „ que vesperi datum est singulis diebus, usque
 „ ad finem tertii mensis, urina plerumque copiosa
 „ exeunte. Quo tempore symptomatibus omnibus
 „ sublatis, curatio absoluta est. Primis diebus sa-
 „ liva nonnihil copiosa ferri visa est, sed sine o-
 „ ris interni intumescentia, & dolore; brevique
 „ sponte cessavit.

COROLLARIUM.

I. „ **C**onjectura nostra, sive vera fuit, mor-
 „ bum illum venereæ luis sobolem fuis-
 „ se, sive nos fecellit; illud certum est, sanita-
 „ tem Ægrum recuperasse; quod eō magis mi-
 „ randum est, quia mercurialia fere noxia depræ-
 „ henduntur in iis, qui affectione Scorbutica ten-
 „ tantur. Valet autem hoc remedium, ut ex ipsis
 „ quoque Clarissimi Savitenii Epistolis manife-
 „ stum est, adversus alias morbos, præter vene-
 „ ream luem. Quod ex sequenti Observatione non-
 „ nihil confirmari potest, quæ ex eodem Bozœ ex-
 „ cerpta est.

OBSERVATIO DECIMASEXTA.

LXVII. „ **N**AM Vir annorum quadraginta
 „ sanguinei temperamenti, & bi-
 „ liosi,

„ liosi , frigore post corporis incandescentiam su-
 „ scepto , cum doloribus Arthritico-Rheumaticis
 „ per omnia membra , & febri correptus , neque po-
 „ stea decocto ex Sars^z radice Cin , & herbis tem-
 „ peratis anti-scorbuticis convaluisse ; sub finem
 „ mensis Octobris elapsi anni curari cœpit Subli-
 „ mato corrodente ad eumdem , ut supra , modum
 „ dato . Cujus effectus quadraginta dierum spatio
 „ fuit copiosus urinæ fluxus . Quibus diebus ex-
 „ etis , prorsùs sanatus est , cum a tribus antea
 „ mensibus lecto affixus , ne se movere quidem
 „ posset . Hic quoque æger , & qui proximè de-
 „ scriptus est , eamdem , qua cæteri , victus ratio-
 „ nem adhibuit .

COROLLARIUM.

I. „ Taque ex his omnibus concludi potest ,
 „ hoc remedii genus in alios quoque mor-
 „ bos valere ; quod pluribus exemplis comprobare
 „ possem ; ut Rustici cujusdam , qui duro abdomi-
 „ nis tumore , cum malo corporis habitu preme-
 „ batur , quem unus ex meis Discipulis sanitati re-
 „ stituit , inquit Joannes Bona ; & Asthmaticæ item
 „ mulieris , quæ ab incipiente jam hydrope , hu-
 „ jus remedii ope , copiosa urinâ promota , libe-
 „ rata est . „ Verum quæ hactenus exposui , mihi
 „ nunc satis superque , meo consilio , videntur satis-
 „ facere .

Ex quo sub Celebris Joannis Bonæ auspiciis usur-
 pari coepit Veronæ liberè Sublimatus corrosivus ;
 Quamplures apud Italos in Arte egregios fuisse vi-

ros lego, qui huic insistentes methodo, Sublimatum nostrum tutò, & efficaciter in morbis non modò venereis, sed in aliis diversis a lue adhibuerint, inter quos numerantur *Internarii*, *Bacchetti*, *Martelli*, *Baffani*, cui postremo Auctori quid acciderit, non incongruum erit heic exponere, imprimis cùm illud ipsum mihi accidisse meminerim.

Namque ille Equitem Gallum curaturus, nomine *Diell*, gravi pectoris oppressione decubentem, Sublimati corrosivi usum, alias in similibus morbis a se expertum, ut ipse fatetur, (a) ingredi constituit, & defacto jam Sublimatum præscripsérat: cùm Æger morbo potius confectus, quam vix a Sublimato nostro læsus mortem occubuit; varia interim dictante probra Doctore *Bonelli*, qui temerè & *Baffano* imperitiæ, & remedio infamiae notam inussit; [b] nec levioribus probris, ac invidorum salibus meam ad libendi hujuscce Sublimati rationem exposuit supinus quidam *Pharmacopola*, dum non solum me inconsulto, sed longius profecto, dum ignarus & præparationis, & electionis, & doseos, & quorumcumque ad rectam administrationem hujuscce nostri Antivenerei pertinent, Mulieri cuidam ausus est ingerere; hinc convulsionibus ex illo tempore obnoxia fertur, quod an verum sit, fides Medico referenti [qui & *Danaus* est] adhiberi potest; cùm ipse nec ipsam viderim umquam, nec inaudiverim hisce convolutionibus laborare.

Quidquid autem sit, mihi equidem semper per-
functus iniquus pueri diuines p. 2. dicitur. O dicitur ou sua-

(a) *Dimostrazione Apologetica &c. p. m. 39. num.*
39. (b) *Ibid. pag. 7.*

suasum est, quin & idem omnes in Arte bonos sentire non dubito: Quidquid remedii in Artem Medicam, experientia autem duce, in Ægrorum commodum usquam illatum est, aut infertur umquam, si modò novum sit multorum contradictionem invenire, & omnibus fere Medicis, qui antiquitatem sequuntur, damnari. Verum quidem est, id plerisque circumforaneis usuvenire, ut e suggestu sua arcana jactantes, stupore vulgi nimis creduli multos decipient, præsertim incautos. At dedecet semper candidos Medicos, & sinceri Hippocratis Sectatores pudebit semper, solius lucri faciendi gratia, siquid novi in Praxi Medica, & utilissimi compererint id ipsum celare. (a) Planè ut eò redeam, unde digressus sum; *Bassanus* omni culpa vacare videtur, si hujuscē Sublimati solutionem jam quotidiano usu exploratam in illa prædicta Curatione adhibuerit; & quod inde sequitur, nulla non culpa vacare *Bonelli*, qui invidia fere percitus, atque Bassano perperam oblocutus, cautum adeò remedium temerè proscripterit. Sed ut verum fatear, quamquam a Bassano in Sublimati administratione nihil peccatum esse videatur, potuit sanè tutiorem viam insistere, atque cavere in illa oppressione pectoris, sèvis adeò symptomatibus stipata a præscriptione hujuscē remedii, ne quod saluti pluribus ægrotantibus fuit, lividè infamaretur.

LXVIII. Hactenùs Illustrissimus *Gerardus Van-svieten* hujus remedii efficaciam, fultus suis experimentis, Medicis quamplurimis Parisiensibus commendat.

(a) *Joann. de Gorter tract. 55. de Medicamentis.*

mendavit; unde id ipsum Lutetiae usurpari coeptum est in plurimis morbis venereis desperatis, licet vulgari illitionum mercurialium therapeja prius tractati fuissent; & quidem præclarissimo usu confirmabatur in dies illius non præstantia modo, verènū etiam respectu hydrargirosis præcellentia, hac tantū differentia; (quod obiter notandum sit) scilicet, quod laudatus Auctor in spiritu frumenti ipsum adhiberi jubet; Parisienses verò in vini spiritu ægris propinan; ut humaniter mihi communicavit Chirurgus *Josephus Ferrugia* Conciyis meus, vir certè omni fide dignus: hac tantū ratione inducti, scilicet quod spiritus ex quocumque vegetabili fermentatione parati, & rectificati nihil fere differant inter se: [a] Sed quām differt frumenti spiritus ab illo vini, patebit ex illis, quæ infra edisserentur.

LXIX. Medici etiam Angli nunc hanc methodum omnium optimam in curandis morbis venereis unanimiter amplectuntur, & plurimis, iisque pulcherrimis, experimentis denuò instaurarunt; quorum experimentorum accuratam historiam non est quod hec, brevitati studentes, [observattions &c. inquyris] referamus.

LXX. Italis tandem hujuscē medicamenti virtus abundē comperta est; unde *Bartholomaeus Julianus* nobilis Medicus Veronensis, in Nosocomio Militum ipsius urbis, plurimos ægrotantes morbo venereo affectos hujus medicamenti ope prosperè curavit; Atque in pluribus hodie Italæ locis ad Afrodisia-

[a] *Hermann. Boerhav. Element. Chemie tom. II. part. I. proc. 43.*

cam labem eradicandam fortunato præscribitur even-
tu Sublimatus noster, postquam Illustrissimus Au-
stria Præses, datis humanissimè litteris suo amico
Josepho Benvenuto, Sublimati utilitatem commen-
daverit, quas heic transcribere, non supervacan-
tneum erit.

CLARISSIMO VIRO

Josepho Benvenuto Lucchenſi

Gerardus Baro VVan-svieten.

LXXI. **O** Pus tuum accepi, libenter legi, &

gratias debitas tibi ago. Mercurii
usum magni facio, sed multa hīc opus prudentia
est; in primis cūm crudus datur, vel affricatur cū-
ti. Non omnibus benē cessisse hæc tentamina scio.
Si Mercurius sublimatus corrosivus solvatur in sp̄i-
ritu frumenti, rectificato hac lege, ut in singulis
unciis spiritus hæreat medium granum, & deinde
hujus detur manē, & vesperi cochlear adultis, vel
ad summum duo cochlearia, potando simul largam
copiam decocti hordei, vel alterius cujuscumque
emollientis, mira efficacia observatur, in lue ve-
nerea, & aliis morbis difficillimis. Tercenos lue
laborantes in Nosocomium Collegii præterito anno,
& absque salivatione omnes exierunt sani, hoc so-
lo remedio usi. Parum argenti vivi, sed efficacis-
simi redditii, & multa liquidi copia diluti, vidi pro-
fuisse quām maximè. Vale, & me ama.

Vindobonæ 8. Martii 1755.

Clariss.

Clariss. Viro Josepho B envenuto Luccensi
Gerardus Baro VVan-svieten :

LXXII. **U**s illius remedii tamdiù protrahitur, quandiu aliquid de luis symptomatibus superest. Tuto sumitur etiam diù. Cane-
crosum in lingua ulcus curatum vidi, dum per no-
vem menses hoc remedio uteretur puella, & abs-
que noxa ulla. A pinguibus, sale, vel fumo indu-
ratis, lardo in primis abstinentem jubeo; juscula,
olera mollia, carnes paucas concedo facile. Ptisa-
nam hordei cum quarta parte lactis copiosam do,
vel aliud quodcumque decoctum emolliens. In No-
socomiis, cubiculi ambitu continentur. Plures cu-
ravi, qui quotidie per urbem vagabantur, in pri-
mis Verno, & Æstivo tempore. Præterito mense
ducenti e Nosocomio exierunt curati hac methodo.
Post paucos dies tercenti alii ingrediuntur. Credo
& apud vos similem successum sperari posse, cum
in Hispania per deeem annos inveteratam luem sic
curaverit Archiater Regiæ Viduæ, cui indicaveram
hoc remedium.

Vindobonæ 13. Aprilis 1755.

Clarissimo Viro Petro Burserio
Physicæ, ac Medicinæ Doctori, Exerci-
tus S. C. M. Medico.

S. **T**utò dari posse certus sis: Sexcentis lue
laborantibus intra anni spatium datum
est optimo cum eventu, etiam in difficultimis casibus:
nemini quid sinistri contigit Mercurio sublimato cor-
rosivo,

rosivo, qui in omnibus Pharmacopolis prostat, utor.
Spiritum frumenti adhibeo, quia cum hoc prima
tentamina feci, ante plures annos, & cum pulchrè
successerit, nihil mutare volui: credo enim, fa-
cile & vini spiritum inservire posse. Vale.

Vindobonæ 26. Decembris 1755.

LXXIII. Anno etiam 1760. Amantissimus *Van-*
svieten in sua brevi descriptione Morborum Ca-
strenium magnoperè usum *Mercurii sublimati*
corrosivi extollit, tamquam genuinum, & palma-
rium luis venereæ antidotum, simulque methodum
ejusdem adhibendi breviter, & enucleatè descri-
bit. De hisce tam multis, tam variis, tamque præ-
claris Observationibus quâ privatim, quâ publicè in
Xenodochiis Vindobonensibus hac de re institutis,
licet satis superque edoctus, ac de præstantissimo
adversùs luem venereum Sublimato certior factus
ipse, nunquam tamen ausus in meis ægrotis ipsum
adhibere, verens, ne invidiosis carpendi innoxii
remedii ansa præberetur. Sed impulit demum ex-
perientia tot celeberrimorum Virorum testimonio
signata, adegitque amor Patriæ, ut spretis Zoilo-
rum calumniis, in hisce morbis Sublimatum adhi-
berem; unde occasione arrepta, cùm nonnullos con-
firmatæ luis, neque ulli hactenus evulgataæ metho-
do cedentis, casus praxeos fortuna mihi obtulisset,
in usum medicum apud Concives meos primus,
quem sciam, absque ulla hæsitantia introduxi.

Cùm autem conficiendi spiritus frumenti, quo-
cum nuptus Sublimatus dari debet, modus in Pa-
tria ignoraretur, non mirum si Pharmacopæus, a

Q

quo

quo primò parandum curavi, non tam quid spiri-
tuosi, quam prorsus aquei ex tritico elicuerit; hinc
alteri negotium committens, extrahendum juxta
Boerhavianum processum *spiritum* hunc frumenti
inculcavi. Quem demum purum, omni frumenti do-
te divitem mihi comparavi. Huic ergo ita parato
vehiculo Sublimati justam dosim infudi. Illicè so-
latus in minima evanescet, certo quidem indi-
cio, Mercurium hunc præ illito sub forma unguen-
ti, & longè citius, & longè tertiū, perfectiusque
extingui. Itaque tanto auxilio fisis, diffisis autem
unctionibus mercurialibus, praxim meam audax adhi-
bui, licet multi censoria virgulâ eam notarent, &
livido dente famæ remedii detrahere niterentur,
an jure, vel temerè, æquus Lector ex sequentibus
meis Observatis decernat. Ecce ergo tibi eventus
vicissitudines, quas toties a *Sublimati corrosivi* usu
vidimus contigisse.

OBSERVATIO DECIMASEPTIMA.

LXXXIV. **J**Uvenis nomine Franciscus, ex Sub-
urbio Villhenæ, annos octo & vi-
ginti natus, anno 1755. in gono-
rhæam virulentam lapsus, per octo menses a Phar-
macopola tractatus illam suppressam habuit, unde
Æger sanus reputabatur. Anno dein 1759. impu-
ra iterum venere aliam sibi adscivit gonorrhæam
conunctam *phimosis*; Itaque Medicam, & Chirur-
gicam opem implorans, quæcumque in hac noxa
dari solita intus, extusque adhibuit: Hisce tamen
omnibus non cessit, quinimo gonorrhæus constan-
ter permanxit, & dolores articulares accessere. Ve-
rum

rum quidem est, *phimoseos* vitium propulsatum fuisse; at verò adversùs tomitem venereum, prægressis solitis præparationibus, ad illitiones mercuriales deveniendum erat; id Medicorum consilio imperante: A qua *hydrargiroſi* melius sibi habere visus; & licet anni Aëtas non ita opportuna ferendo remedio effet, nullum tamen infortunium passus est nec in primo, nec in secundo, nec tandem in tertio stadio, itaut dolores penitus evanuerint.

Verùm circiter initium mensis Octobris anni subsequentis denuò exasperati sunt dolores, longè quam priùs atrocissimi, in articulationibus *cotiloides* ossium phemoris sævientes, pro quibus debellandis rursùs inunctioni ex unguento mercuriali fese exposuit, nulla interim subsequente mitigatione symptomatum; unde omni salutis suæ aditū, ut videbatur, præcluso, per plures menses hos devorare dolores necessum habuit: Symptomatibus autem increcentibus, a Medicis consilium petiit. Advocatis igitur Professoribus, tertia vice ad illitiones mercuriales quoque damnabatur; Præhabitibus ergo solitis, & toties dictis præparationibus, scilicet sanguinis missionibus, balneis aquæ dulcis, lacte asinino per totum curationis tempus continuato, tandem illitiones mercuriales, non absimili ritu, qui Monspelii viget, usurpatæ sunt. Et quidem non absque sensibili symptomatum cessatione, quæ per tres menses duravit.

Sed vix hoc tempore elapso, cùm nova exurgent simptomata, scilicet surditas utriusque auris, præcipue línstræ, immobilitas artuum superiorum, & capitulorum ossium humeri in *tophos* degeneratio. Ad hæc dolor atrocissimus in medio phemoris

sinistri, caries ossium nasalium; unde ossa turbinata, ulcerosa adeo evaserant, ut septo istiusmodi profundè depasto, ex duobus cavis unum amplum efformaretur: [adversùs quam noxam, suffumigia cinnabarinum excipientia licet a Medicis proparentur, & diu instituerentur, frustranea reperta sunt:] Demum malorum cumulo accessit perforatio palati. Ad hasce ergo angustias redactus, a variis Medicis consilium rogat, qui omnes quartam unctionem ei suadebant; ipse verò constanter renuebat, probè fortè eorum memor, quæ in antecedentibus curationibus pertulerat, fastidia. Tandem me consuluit, qui adeo & ei auctor fui, ut Sublimatum nostra methodo correctum assumeret: unde die xv. mensis Aprilis anni 1761. accito in consilium Chirurgo Josepho Farrugia, qui nuperrimè in Patriam rediit, hoc remedium proposui coram, qui omnibus ritè perpensis, praxim hanc assensu suo firmavit: Et ideo admota phlebotomiâ, ac leni purgante instituto, ad Sublimatum corrosivum cum spiritu frumenti properavimus.

Sic enim die decimanona mensis Aprilis dosim consuetam Germanis, spiritus scilicet cochlear unum, & debita quantitate lactis tertia parte aquæ edulcorati, loco decocti, hauriendum jussimus: Quia verò ab usu spiritus prædicti symptomata varia Ægrotato, scilicet ardor faucium, ingentes anxietates, ac sœva cardialgia oborta sunt: (licet magna epota quantitate lactis illico evanescerent) idcirco immodicam fuisse spiritus quantitatem rati, hanc altera die minuere, necessarium duximus; unde dracmas tres manè propinavimus, & totidem dracmas ferotinis horis bibendas curavimus. Nec sefellit eventus:

cum

cum nec de ardore faucium, neque de aliis symptomatibus conquestus amplius fuerit. Quarta ab incepto usu remedii die Aeger mihi retulit, nimio sudore se diffluxisse praecedenti nocte, maximè viscoso, quod notatu dignum est. Sudorem spiritus frumenti odorem prætulisse; Urinam etiam diligenter inspexi, quam ejusdem odoris aliquo modo participem inveni, cui in superficie non parva quantitas humoris oleosi innatabat; unde tacite sperabam, fore ut aliquando morbus in totum fugatur; nec fui deceptus; nam die quinta super vigesimam ab usu remedii, cum magno Aegri gaudio tumida humeri moles notabiliter subsedit: aures ad audiendum aptiores: dolor phemoris praefatus, qui prius immanis erat, tum mitior redditus est: Foetor narium imminutus, tum etiam nasi magnitudo decrescere, (quem mirè deformem, ac prægrandem reddiderat lues) artuum redire motus, & pus meliorem indolem adipisci.

Die tandem quadragesima quinta a dolore phemoris, ab incommmodo artuum, & a surditate aurium liber evasit; planè ut nunc munus suum exerceat summa cum facilitate, absque ulla superstite molestia. Verum cum Aegroti renitentia ineuns ætas usum medicamenti non tantum permitteret, hoc ad aliam opportuniorem anni tempestatem reservavi. Topicum verò in nares injicere curabam ex Sublimato corrosivo spiritu frumenti paratum in decocto hordei, & post duodecim dies aliquam portionem squammæ ossis maxillaris decidere observavimus, unde foetor narium maxima in parte diminutus est, ut vix percipi posset.

Hinc non mirum est, si perspecta hinc calida tempe-

tempestate usurpando Sublimato, importunâ, atque inde attenta Ægrotantis maxima renitentiâ, haud, inquam, mirandum; si perget adhuc topicum, & naribus inhærens ulcus, quin ulla completæ, & absolutæ sanationis spes affulgere videatur; namque eò ventum est, ut sævissimo capitî dolore clavum quemdam parti ossis coronalis sinistræ infixum mentiente, & noctu ad instar dolorum venereorum ingravescente, miserè torqueatur. Cujus sanè morbosí fenomeni causam, in corrupta corpuscula, quæ a sede foetidi illius ulceris emanantia, atque in proxima ossa irrumpentia hæc variè corrumpunt, atque stimulant, refundendam arbitramur; idque absque eo quod uia in nostram methodum culpa conferri posse, videatur; nam ut annotatum est, curatio non Ægrotantis modò inobedientiâ intercepta est, verùm etiam hanc prosequi, ut jam dictum est, minimè potuimus. Neque enim putandum est, ut jam doctissimè præmonuit *Gerardus Van-svieten*, qua methodo lues venerea recens, nullisque topicis stipata malis, curari plerumque solet, eadem quoque nostra vetustissimum morbum, & doloribus ostecopis, imo & carie ossium comitatum intra idem tempus abactum iri; (nam ut adagio fertur, *Forti nodo fortis cuneus*) ubi virus venereum in ossibus altam jam fixerit sedem, metus est, ne depurato modò quoque sanguine, sepultum jam venenum intra datum tempus extricetur, atque ex suis latibulis, quali ex insidiis erumpat totam fluidorum massam inquinaturum, Quamobrem non est cur ex hujusmodi imperfetta ut videatur luis venereæ confirmatae per solutionem nostri Sublimati curâ; non est, inquam, quare

quare methodus nostra antiquari, aut infamari debat, quæ pluribus in casibus profuit semper, non cuit umquam, modò recta, prudens, & dèbitè protracto tempore fuerit.

COROLLARIA.

I. **S**equitur ex prægressa morbi historia, tutiorem longè, atque efficaciorem esse methodum adhibendi Sublimatum, parva semper dosi repetita, juxta Illustrissimi Van-suicten mentem, quamque a quodam Auctore describitur. Exinde enim ipso fatente præcitato Scriptore tantùm abest, ut aliquid emolumenti ægrotis accedat, ut potius exuberanti ejusdem Sublimati intùs administrati copiâ pessima mala oriantur, qualia sunt: Febris, Sitis ingens, Cephalalgia fera, Anxietates & similia.

II. **M**iram esse, & singularem prorsus Præparati nostri mercurialis dotem in arcedo viru venereo per cutis spiracula, aut per lotti vias. Quippe sicubi alvum moveat, id peculiari Infirmorum idiosyncrasie tribuendum est, non autem naturæ nostri medicamenti; quòd præterea eatenùs aliis omnibus Præparatis mercurialibus, quin & ipsi illitioni longè, multùmque excellere videatur, quatenus rarissimè, ne dicam unquam, salivationem inducat: Quinimò ex nostra historia partuit, cunctisque constare arbitror, salivationem prædictam, quæ in delibutis jam unguento mercuriali, per adhibitam partam *Mercurii dulcis* dosim accidere consuevit in nostra methodo, vix unquam

pro-

prodiisse, etiam si tertio, aut quartó instituta priùs fuerit *hydrargirosis*. Accedit etiam, quod Præparata alia mercurialia, ut *diaphoretica* reddantur, diaphoreticis Practici admiscere solent; quemadmodum si vim purgantem inde expectant, hanc non-nisi purgantium admixtione obtinere; quamobrem, ut supra patuit §. LXV., videtur Sublimatus corrosivus ex sui natura, absque ullo adjumento, specifcum luis venereæ sudoris sub forma debellandæ *antidotum*.

III. **I**N signi virtute pollere Sublimatum hunc, non modò adversùs rebellem luem veneream, quæ interna adhuc tantum corporis loca male habet; verùm etiam quando eadem labes, sub forma morborum localium, ad corporis ambitū furibuda se proripit, atque numerosissimas noxas, easque valde periculosas, in externo corpore producit. Id ipsum infra clariùs patebit: Sufficiet imprimètentia adnotasse præstantissimas curationes, easque optatissimi exitus passim evenisse horum, quos diximus, morborum, per admotionem externam emplastri, quod *auripigmentum* venenosissimum, non mediocri quantitate excipit; ut ex illitione *collirii Lanfranci*, quod idem auripigmentum ingreditur, quocum solent detergi oris ulceræ, post *hydrargirosim* remanentia, non modò sine periculo, verùm etiam cum subsequenti inde felici curationis exitu.

OBSERVATIO DECIMAOCTAVA.

LXXV. **P**uellæ octenni a patre unâ cum vita semineum venereum infusum est, à quo obstructiones multigenæ lymphaticæ in diversis corporis locis sese exhibuerunt, ut in collo &c., accesserunt etiam tubercula multiformia, nec non varia ulcera sordida depascentia per totam, qua latè patet, cutem dispersa; quæ non aliis domari visa sunt, nisi unguento mercuriali, topicis; Ipsa tamen ad perfectam coitionem reducere, difficillimum planè erat, ne dicam impossibile: Ea de re nec varia medicamenta a Mercurio petita ei profuere quidquam, planè ut ad *Mercurium Sublimatum corrosivum* deveniendum esset, ut infra fusiùs dicetur. Sexta die post inceptum remedium magna febris cum dolore capitis gravativo, anxietate exorta, animum perculit, & de pravo remedii nostri effectu admonuit; sanguinem ergo ex brachio mitti jussimus ad uncias quinque, & ab usu medicamenti Ægram desistere. Secunda die remisit febris; tertia tandem variola, & quidem discreta, apparuerunt, quibus ex Arte sanatis, & refocillatis aliquantis per viribus Ægrotantis, denuò ad usum Sublimati recurrit, ut spatio quadraginta dierum hoc præstantissimo remedio integrum sanitatem recuperaverit.

COROLLARIUM.

I. **D**icimus ex hactenùs recensita Observatione Mercurii nostri sublimati vim ad intima corporis penetralia pertingere. Vidimus namque

que luem venereum in memorata puella per traducem infusam, & jure quodam hæreditatis ultima corporis stamina occupantem, præter omnium expectationem, sola nostra methodo oppugnatam fuisse, & concretiones glandularum colli ad *scrophulas* quam proximè accedentes eadem medendi ratione resolutas abiisse; Quod nunquam per adhibitam hydrargirosim succedere videtur.

OBSERVATIO DECIMANONA.

LXXVI. **P**ater memoratae Puellæ [de qua in antecedenti Observatione] labem venereum multis a retrò annis in corpore sovens, septies gonorheam tulerat: quo factum est, ut seminis stillicidium ei permanserit, & instante hyeme, artus dolere illi cœperint, necnon aliquid molesti sub seminis emissione, sensus in uretra perceperit delumbis, ineptusque evalsit, licet in flore suæ ætatis constitutus; unde unguento mercuriali, iis observatis, quæ nunc solent, cautelis, & dieticis regulis delibutus, non adeo sævientem experiebatur morbum, sed non idcirco fugatum, licet macilentus, & valde attenuatus evaserit. Septimo verò mense, post hydrargirosim omnia vetera symptomata recruduerunt, quæ tamen nostra methodo toties laudata in fugam conjecta sunt.

COROLLARIUM.

I. **I**N præcedenti casu illud notatu dignum occurrat, quod seminium venereum, a quo illa gonorhea habitualis profluxerat, in homine jam unctio-

unctionem mercurialem passo, non alia tutiori, & efficaciori, quām methodo nostra deleri potuerit, neque adeo gonorhea perfectē curari. Quod haud-quaquam succedere animadvertisimus, per methodum *illitionum*, cuius vel ipsi Patroni apertē te-stantur, *gonorheam* hujusmodi inveteratam consue-tis unguenti *illitionibus* adeo pertinaciter resistere, ut opus sit Medico aliam ingredi curationis viam, quæ topicis, vel internē sumptis remediis, *balsa-micis detergentibus, consolidantibusque perfici* cre-ditur. Imò apparet ex prægressa Observatione, vel saltem deducitur, quām inconsultē, imperité-que sāpē se gerant, quicumque in curandis go-norheis *perineum*, & vicina loca identidem parvis unctionibus mercurialibus obliniunt; quippe interea experientiā constitit, non modò inde *dissuriam* recrudescere, verūm etiam seminis probi, nec ul-lo modo corrupti, effluxum largiorem inde fieri.

OBSERVATIO VIGESIMA.

LXXVII. **J**Uvenis ætatis vigintisex annorum, postquam gonorheam *venereum* habuerat, simulque ulcerisculis coro-næ, & fræno *balani* insidentibus defœdatus, vul-garem therrapejam & internē, & externē per topo-ca ingressus, post quadraginta dies de recupe-rata sanitate sibi *adblandiebatur*. Sed anno subse-quenti ulceribus faucium perterritus, ad *hydrargi-rosum* lubens confugit, qua ulceræ latius serpere, & profundiūs oris loca depasci adeò cœperunt, ut columellam, & majorem fornicati partem palati deperdiderit; Tandem die *vigesimaquinta* mensis

Aprilis anni 1761., hoc ego consilium dedi, ut spiritum frumenti cum Sublimato corrosivo, familiari mihi methodo, ingereret, & ex eodem Sublimato cum aqua hordei, tamquam locali collutorio, oris interiora ablueret. Ita factum; & in hoc usū cùm per quadraginta quinque dies perrexisset, tam ab intùs suscepto seminio, quām a fœda ulcerum illuvie convaluit.

COROLLARIUM.

I. **A**llatus hactenùs Casus aperté nos docet, quantum potentiae in pulvere nostro *Sublimati* potibili insit, adversus ulcera *dissepulota*, quæ imprimis a contagio venereo diversis corporis partibus, sed maximè ori, accidentunt: quamobrem in hisce, & similibus casibus facile intelligitur, utrâ Medicum deceat, uti methodo illitionum, an *Sublimati*: & profectò hæc ultima, administrandi *Sublimati* ratio, mihi omnium facilima, brevissima, & præstantissima videtur, quin etiamsi Mercurius crudus figurâ sua omnis acrimoniae experite agere supponatur; atque adeò absque tumultu, & pacatè venereum virus debellare; (qualis est sententia *Astrucci*) nihilominus tamen si attendatur ad humorum fusionem, salium extricationem, enormes lymphaticos fluxus, quos tantum & figura, & gravitate sua producit nativa forma Mercurii; certè inferendum dabitur, Mercurium illum majori acrimonia pollere, magisque noxiū esse posse, quām ubi sub forma *Præparati* internè assumitur. Patuit namque ex prægressa nostra Observatione, ulcerum oris interiora depascentium ambi-

ambitum insighter dilatum fuisse, eademque maiorem acrimoniam allabentis fluidi indicasse, cum nonnisi post institutam unctionem eorumdem ferocia sese manifestaverit. Verbo dicam: Acrimonia Mercurio nativo propria; utpote omnium metallorum ponderosissimo, (excepto auro) quia dependet a sola figura metalli, *mechanica* appellatur, uti eandem vocat Gorterius: Acrimonia autem, quæ *Sublimato nostro* vitio verti posset, vera quidem & realis est, quod a spiculis acidis, quibus Praeparatum nostrum horret, maximam partem dependeat; sed, ut pluries dictum est, eadem hæc *acrimonia Sublimati*, aut tota in solvendis concretionibus pacatè, aut in titillandis leniter solidis, absque ullo tumultu impenditur; atque adeò sive virus lateat in ultimis capillarium recessibus, sive majora sanguinis vasa occupet, Mercurio illito efficaciùs illud idem virus atterat, subigat, expugnetque; ut infra clariùs patebit.

Prostant etiam similia curationum, per Sublimatum Crystallinum felicissimè contingentium exempla, ut in Observationibus Anglicanis: (a) Illa Bartholomai Juliani, Internari, Martelli, *Balletti*, Bassani; Necnon illa, quæ continuò occurrere videntur; quæ singillatim recensere non vacat.

CAPUT



(a) *Observations inquirens.*

CAPUT QUINTUM
*Primarios Mercurii sublimati effectus sistens, &
 An Mercurius hic nativo præstantior.*

LXXVIII.



Actenūs non propria tan-tum, verūm etiam cele-berrimorū Clinicorum pro-tulimus Observata, quæ mi-ram Mercurii hujus subli-mati corrosivi in morbis venereis averrucandis vir-tutem testatam satis superque exhibit: Verūm quomodo, & qua vi luem ille venereum sanet, & undenam ipsi argento vivo illito præferendus sit, neminem saltem eorum, quos legi, reperies, qui hac de re ex professo tractarit. Patiaris inde, ut aliqua Nobis probabiliora visa in medium proferamus, quæ si non pro argumenti dignitate, at sal-tem pro nostra tenuitate tibi satisfutura confidi-mus: Ex quinque ergo fontibus desumitur agendi ratio in hoc Sublimato, scilicet: I. ab ejus Gravi-tate; II. Figura; III. Divisibilitate; IV. Vi san-guinis urgentis vi vita; V. demùm ab acidis Spi-culis salis marini, quibus scatet. Exordiamur a pri-ma concausa.

LXXIX. Cùm particulæ Sublimati corrosivi gra-ves etiam sint, majorem vim exercere aptæ erunt: [ut unanimi consensu de corporum vi indaganda demonstrant Physici omnes] cùm enim cubica la-tercula [quæ figura in corpusculis Mercurii corro-sivi dominatur] anguloſo apice in obstaculū fene in-sinuant, fit, ut particulæ lymphaticæ, ab illis pe-titæ, facillimè omnium a se invicem fecedant. Id ipsum quoque testatur recentior, & magis culta-
 Phy-

Physica: Figuræ enim cuneiformes eò dividendis corporibus aptiores sunt, quò magis cuneus premitur. At pressio propria cubicis Sublimati elementis pendet etiam ab ipsius proportionali gravitate; & ideo Sublimati componentes partes inter obstaculi moleculas faciliùs penetraturæ sunt: quod de particulis argenti vivi dici non potest; nam illarum figura cùm sit sphærica, nullis angulorum eminentiis tumet: id omnes docent, & proinde nullis aptis ad moliendam corporum divisionem ea pollut, ut infra patebit.

Neque obstat earum insignis gravitas, qua adeò non uti Sublimati molleculæ impedimentum amovent, ut e contra majorem aliquando concretiōnem gignant, & obstacula sanguini circulanti objiciant: Sagacissimi enim naturæ perscrutatores Znit, Cote, aliique plurimi Angli evidenter demonstrarunt, gravitatem globuli Mercurii esse ad sanguinis globulos, ut unum ad decem; obstacula, quæ in morbis venereis observantur, lymphatica præcipue censentur, cùm hocce virus humorē adiposum, & lymphaticum præ ceteris occupet, inque iis tyrrannidem suam exerceat, docente Atruccio: Exinde globuli sex lymphatici singulos globulos sanguineos constituunt, probante Levenoechio. (a) Unde gravitas globuli unius Mercurii, ad lymphatici se habet ut sexaginta ad unum, quod ingens discrimen est, proindeque magis noxius, quam utilis erit.

Porró cùm sphæra obtusior majori se superficie meatui cuivis offerat, futurum est, ut obstaculi partes, sive concreta canalium, non perrumpantur,

(a) Pag. 85.

tur, ut potius augerentur, & a figura sphærica, quam prius habebant, concreti moleculæ ovalem acquirant, proindeque puncta contactus adaugenda esse consequitur. Quoniam verò corporum fluidorum renitentia, ut demonstravit *Newtonus*, pendet a majori vel minori partium contactu, ideoque cùm particulæ lymphæ, quæ immeabiles censentur, in pluribus punctis sese contingant, efficieturæ sunt obstaculum multò densius; eoque frustraneus in tali casu argenti vivi usus, quin & noxius futurus esset: Quod si aliquando Ægrotos venerea lue affectos liberari inde eveniat, hoc idcirco fiet, quia fortè crassities humorum a veneno inducta tanta non erit, vel alia causa oritur, ut Capitulo sequenti clarius patebit; aliter enim irrito conatu adhiberetur, & semper cum mali recidiva, ut quotidie in Nosocomiis observant Clinici. Præterea, quia (ut solent) luem venereum ibi causantur imperiti, ubi ne quidem ejus minimus suspicio adest; hinc est, quod puris unctionibus perpessi, suppositi virus expulsionem adscribant, qui e contra prius perfectiori valetudine fruerentur.

Tandem, sive immani vivi argenti gravitate intus admissi in corpore, & ob concrezionem particularum lymphæ, seu ob majorem obicum redditam soliditatem varia prava symptomata pullulare observantur; ut §. --- Sic si duo globuli nativi Mercurii per vim attractionis, quæ in ipsis maxima viget, in unum coalescant, tunc longe gravorem moleculam dabunt, [gravitas enim est massa-

proportionalis] (a) & proinde *Inflammationes*, *Hæticæ*, *Apoplexiæ*, *Paralyses* orientur, quin & mors ipsa obrepere poterit.

Verum quidem est, Mercurium nativa sub forma exhibitum *Mercurio nostro Sublimato* in specie graviorem esse: At Mercurii gravitas quò major sanguinis, sub eadem mole, gravitate supponitur, eò magis vi cordis impellentis nata est ita, ut tandem multò citius vis Mercurii nativi per vas fluentis, quām sanguinis unā permixti destruenda sit, cùm hujus Mercurii respectu cordis actio longè citius quām respectu Sublimati decrescat. Constat verò, fluida intra medium resistens, aut tubos fluido resistente refertos propulsa, fluere excessu virium pone currentium supra vires resistentes, & harum velocitatem esse ut velocitatum differentiæ radicem. (b) In summa guttulas sphæricas argenti vivi, guttulis Sublimati nostri, quò magis pondere superant, eò majus velocitatis decrementum pati, ut infra fisiūs. Hinc est, ut divisa Mercurii elementa per minimos corporis recessus, quos vix attingit cordis, arteriarumque potentia denuò inter se coeant, & grandioribus sub guttis corpori noceant: Hinc uteri hemorragiæ &c. (c) Hinc vidimus toties in praxi, post tertiam ut plurimum illitionem mercurialem, suborta salivatione, per glandularum salivalium emissaria purum Mercurium elabi; quod sanè, quemadmodum faciliorem globulorum mercurialium per solutam calore corporis therebintinam, cum qua extinguitur, coitionem

S

indi-

(a) *Scienza della natura. Padre de la Torre tom. I*

(b) *Acta Academiæ Parisiensis anno 1704. pag. m.
333. (c) Forestus tom. III. lib. xxx. p. 27.*

indigitat; ita planè demonstrat quācumque, & quantācumque in Mercurio nativo gravitatem concipias, hanc nihilo secius sibi impedimento futuram, neque adēd ad ultimos corporis meandros, in quibus hæret fomes venereus, pervenire posse; Ab hisce autem omnibus infortuniis immunem prorsús esse Sublimatum nostrum, ex anteactis Observationibus liquet.

LXXX. Secundò. Contagium venereum Sublimati nostri spiculis angulosis attritum, feliciùs ab actum iri evidens est, ut supra notavimus. Corpora enim superficie angulari prædicta adversùs ea, quæ ipsis resistunt, eo momento agunt quod celeritati, quantitati materiae, & angulorum acuminis respondeat; (a) & ideo Cuneus, cujus basis est in majori proportione, ad altitudinem, is majori scindendi, ac dividendi vi pollet.

Id ipsum evincunt Mathematici omnes. Demonstrant enim, corpora, quō magis obtusa sunt, eò debiliùs concreta ferire, atque penetrare; & contra; & cùm nullum corpus ad obtusiores angulos magis accedat, quām sphæricum, hoc ergo, ceteris paribus, omnium minima vi in obstaculum irrumpet; sphærâ enim plano impositâ nulla linea per contactus punctum transeuns concipi potest, quæ cum plano efficiat angulum; si ergo non transfat per sphæram, ergo nullus excogitari potest angulus obtusior, quām circularis, vel sphæricus, ac proinde nullam inveniri posse figuram a discindendo magis remotam sphæricâ, constat. His ergo positis, patet, argentum vivum, & ipsum rotundissimum,

(a) Josephus Bertinus de usu Mercurii p. m. 9.

simum; longè debilius ceteris, in obices venereo
arietaturum esse aliis mercurialibus; & quod inde
sequitur, singulos Mercurii atomos difficillimè sese
intinuatum iri in ultimos canalicos viru obcessos:
Sphæra enim meatui obstaculi non adoptatur, cui
cum ratione majoris superficie nullo modo conve-
nire videtur.

Tandem cùm particulæ Sublimati nostri angula-
res sint, fibras canalium potiùs vellicant, quám
argenti vivi moleculæ, & ideo ratione stimuli, ut
demonstravit *Laurentius Bellinus*, partes contentæ
jam per venenum venereum viscosæ, vel jam sta-
gnantes a remedii nostri præstantia moventur. Cla-
ré hoc demonstravit *Santorius* sequentibus verbis:
„ Supponatur in parte aliqua quid hærens, itaut
„ liquidum influens ad extremum fibræ non per-
„ veniat, facto vel in ipsa, vel in altera fibra stimu-
„ lo, fit validior, & copiosior liquidi influxus;
„ Copiosiori facto influxu debet fieri major di-
„ stractio, unde illud hærens facillimè nocere pos-
„ se necesse est, & ulteriùs progredi, ac divisio-
„ nem pati.

Porrò actio argenti vivi in objectum ubicum-
que corporis obicem considerari posset tamquam
latera canalium, dum transit cum sanguine, vaso-
rum impellens; in quo casu ajo. Seminum vene-
reum in hisce canaliculis lateralibus latens ineffi-
caciissimè omnium attingi: Nam globuli mercuria-
les, dum cum humoribus per vasa circulant, cum
eorumdem parietibus non affricantur, sed potiùs
circumrotantur. Idipsum confirmat Clarissim. *Joan-
nes de Gorter*, (a) ubi demonstrat, liquores fluen-
tes

S 2 tes

(a) *de perspirat. insensib. cap. 7. p. m. 21.*

tes per canalem vix latera terere; sed a contactu circumrotari; nam si canalis, quem pererrat liquor constans globulosis partibus, ut sunt mercuriales, ab axi ad circumferentiam, ob Mercurii particulias impetentes, diducitur, in hujusmodi contactu non atteritur, (illicò enim a lateribus suis per puncta adhærentes, vas expuit globulos) sed circumrotationem admittit tantum. Axioma etiam apud Physicos habetur: *Omnia fluida eò facilis concurrere, quò inveniunt minorem resistentiam;* & ideo globuli mercuriales fluidi eò loci in corpore confluant, necesse est, quò debiliorem renixum experturi sunt, itaque a valida canalium obstructione, tamquam a firmissimo obice repulsi, oportet, ut aliam affectent directionem, & versùs alia loca sese determinent: [a] Cuneiformes verò, sive acutiores partes Sublimati corrosivi, salibus quibus pollut, dum seminii venerei receptacula quæque attingunt, vellicant quidem, sed tutiori vi, & penetrantiori momento altius in obstaculum sese insinuant, & quodvis coagulum atterunt, & exterminant efficacissimè.

Neque dicas, *Mercurium sublimatum corrosivum,* cùm venenum sit mechanicum, (b) quo agit in obstaculum, eodem quoque modo solidas partes afficere, lædere, ac destruere per suum apicem acuminatum posse: Vetat enim hoc columna liquoris subsequentis, unde actio Sublimati instantanea erit super latera canalium. Hæc enim vis, seu momentum, quo Sublimati quæque mollecula in parietes

(a) *Neutonus in secunda lege motus.* [b] *Albertus Haller in suis Prælect. ton. VII.*

rietes ejusdemque canalis agere censetur, æqualis semper erit innatae, & superstite proportionali gravitati harum molecularium; necnon ceteris partibus directioni, qua illæ molecularæ eosdem parietes impetunt; quo circa cum jam probaverimus gravitatem illam proportionalem & minimam esse, necnon directionem earumdem in latera indirectam, seu obliquam; clarissime constat retrorsus liquidum momentum, quod proinde semper fortius momento particulae Sublimati censendum est efficere, ut singulæ Sublimati corrosivi molecularæ minimum, quidem temporis nestant in suo cum latere valsis contactu, & eadem ratione faciliter insinuantur in orificio lateralium ductuum; Nam retrouergens columnam fluidi cum gravior sit mole Sublimati corrosivi unâ circulantis, illa axim canalis recta sequitur, hæc autem latercula lambat necesse est ex una, & ex altera parte cum molecularæ Sublimati directio indirecta & obliqua sit, longiorem vectem representat, quo proinde vis vitæ, a tergo movens adjuta, nullo negotio eam in quodlibet osculum laterale intrudere poterit.

Tandem infortunia, quæ a Sublimati corrosivi natura, sive configuratione, sive mobilitate partium, quibus constat, ab aliquibus timentur, non modo ingens decocti emollientis quotidie sumptu ad finem curationis usque copia; sed & felicissime avertit spiritus frumenti, ut in §. a xxxx. ad xxxxiv. quocum in similibus noxis exhiberi consuevit, cum enim *Cereale* hoc quam in usum hunc adhibeat, prius idonea aquæ copiâ fermentare sinunt; quod non secus ac *maltum*, (a) & farina fermentata,

spiritum ardentem aquæ miscibilem, spiritui vini maximè similem, destillatum suppeditet; Habebis sanè in hoc spiritu frumenti liquorem limpidum, tenuem, spirituosum valde, dissolvendis corpusculis Sublimati corrosivi, insdemque obtundendis, & ad materiam obstruentem reducendis opportunum, & aptum, qui stimulo præterea suo spirituoso, & tenui infarctorum canaliculorum motum restituat; & hac gemina de causa futurum est, ut vecto ad concreta usque specifico remedio, eadem, vel indissimilis corporis plagiis hospitantia, diluta, emolliita, cedentia, truculentā luem penitus profligant sistant.

LXXXI. Illud quoque Præparato nostro laudis vertitur, quod moleculas maximè divisibiles in sanguinum gerat, dum vehiculo spiritus frumenti commiscetur, obstruktiones a seminio venereo inductas efficacissimè reserat; Nam ejus partes maximoperè attenuatae in frumenti spiritu facillimè interstitia ipsius lymphæ concretæ pervadunt, & siquid ibi veneni lateat, felicissimè extirpent; Et si concretæ obstaculi venerei partes ita inter se coaluerint, ut strictiores quolibet, etiam minimo, particulæ Sublimati angulo, (quod fere impossibile videtur) & angustiores relinquant meatus, in illo casu insinuatio harum molecularium debebitur circulantis retro-liquidi momento; quod liquidum, sive ob majorem copiam, sive ob virtutem impellentem usque ad locum obstruentem, derivatum, secumque gerens divisas illas Sublimati partes, has eò facilius, & efficacius intra illos concreti humoris meatus incuneat quo commodiùs exercere vim suam potest in cubicorum illorum corpusculorum per amplam

amplam basim, quæ extra porosum illud concretum concipitur. Hinc ergo futurum est, ut repetitis ictibus a fluido subsequentे, percussa illa minima basis *cubi sublimati* in fixum suum angulum, seu apicem, intra eadem obstaculi interstitia tanto altius defigat, longiusque provehat, donec tota mollecula *cubi*, dissitis concretionibus, per reliquum canalis tractum commodissimè circuletur. Si etiam canalium diametrum diametro appellentis *cubicæ* particulae Sublimati minorem esse contingat, tunc a vi retropulsi liquidi, a copia humoris hausti, & in corpore usque ad locum obstrutum advecti, sit ut basis *cubi* aliquo modo in obstaculum implantetur, & aliqui lymphatici globuli jam affixi denuò cum aliis liquoribus circulent. Quapropter si partium attenuationem, in quas Mercurius dividitur, spectemus, sanè Sublimatus noster multis nominibus Mercurio illito, seu crudo præferendus etit. Nam primò, et si guttula mercurialis in infinitas propemodum consimiles dividi queat, tamen in unctione mercuriali nec adeò validè, neque tam diù fricatur cutis, ut guttula ejusdem unum granum arenæ æquans, cutaneo spatiolo adaptata, in vigintiquinque millia poros (totidem enim in spatio unius grani arenæ in cute observavit *Levenochius*) reverà distribuatur: E converso, in binis spiritus frumenti uncis nostra methodo infundi solet unicum Sublimati granulum, quod illicò per totam fluidi molem æquabiliter dispergitur, proindeque non mirum erit, si divisio Sublimati in corpore nostro se habeat ad attenuationem guttulae Mercurii crudi, quemadmodum volumen, quod binæ illæ unciae spiritus frumenti occupat, se habent

habent ad volumen unius globuli mercurialis. Promovent etiam hujusmodi Sublimati attenuationem salis marini admixtio; salia enim omnium citissime & perfectissime solvuntur in aqua; qua quidem divisibilitate Mercurius, quantacumque vi per therbintinam extinctus, caret omnino. Ex gemina hacce causa fit, ut minori virium dispendio per omnia corporis loca, ubi virus haeret, actu divisum Sublimati Præparatum transeat, & vires suas exerat.

Hanc partium Sublimati summam tenuitatem satis demonstrat *Elixir album*, vulgo dictum guttae *Ducis Lamotte*; hoc enim intrò sumptum ultima vasa nerveo-lymphatica, miraculi ad instar, expedit, aperitque; Unde in morbis oculorum desperatis a celeberrimis Parisiensibus maximopere depraedicatum inveni. Id ipsum confirmant illorum manuscripta, Consultationes, imprimis ea, quam Doctor *Verni Lazerme*, olim Professor, & D. *Fourner*, edidere, sub cuius finem elixir illud Monspelii, & Parisis adversus rebelles cataractas miracula patrasse, proprio testimonio firmarunt; unde illud tamquam arcanum olim tectum licet a multis fuerit, typis tamen evulgatum audio: Certum tamen est, ejus basim nihil aliud esse, quam cinnabarim Ungariae, uti docuit *Astruccius*. (a) Mirum proinde cuique videbitur, tincturam hanc *Ducis Lamotte* ab *Astruccio* irrideri tamquam nullius periculi, nulliusque successus, (b) & inter medicamenta deleteria annumerari. Fortè ignarus eorum, quæ elixirii illius ope peractæ postea sunt,

(a) *Tom. I. de Morbis vener. p. m. 169. Item tom. II. p. m. 1064.* (b) *Lib. II. cap. VIII. n. 2. §. 4.*

pulcherrimarum curationum, in hanc sententiam descendit. At certe non de industria siluisse remedium, quod meritó Lutetiae Parisiorum jactabatur, neque temerè a Medicis in morbis oculorum, tamquam summum resolvens agnatum, comprobatumque est, probat viri, par ubique ingenio, animi candor.

Reversus autem unde digressus sum, ita sentio: ut tincturam scilicet sublimati nostri arcano de *Lamotte* nibilo esse inferiorem censem, ejusque delectum habendum esse, sicuti ab hydrargirosi infesta gutta serena (quod in Melita pluries tristi experientia contigisse memini) oculos corripiat. Cùm enim simili fere successu parentur guttæ de *Lamotte*, sit, ut similem quoque agendi rationem adeptæ, cum solutione nostri Sublimati pari quoque efficacia curandis pertinacissimis oculorum morbis adhibeantur. Sive enim tincturam, Ducas *Lamotte* cinnabaris, sive Præcipitatum Mercurii rubri ingrediatur, salia utrobique principatum tenent. Quippe cinnabaris salibus sulphuris acidis referta est; [a] Præcipitatum rubrum, cùm per aquam fortē sit, iisdem salibus, quibus nitrum, scatet. Porro figura salium in utrisque similis est acubus: Quandoquidem nitri salia hujusmodi figuram æmulantur. [b]

Præterea non statim Præcipitatum rubrum ad interiora adhibent, sed postquam sufficienter aqua, stigia edulcoratū est. Tametsi, ut verum fatear, hujusmodi solutionem Præcipitati numquam velim præscribant Medentes; quod de nativa, & artifi-

T pugno multo ciali

[a] Lemerì, *Cours de Chemie* p. 191. [b] Nollet *Leçons de Physique* tom. I. section. II. Experim. II.

ciali cinnabari dici nequit, ut cui nihil omnino insit, quod facultate nedum corrosiva, sed ne acriore quidem peccet, ut quam ab celebratissimo Hoffmanno iussam, cum fructu videmus in rebellibus oculorum doloribus a sero lentescente, (a) & minore laudatam apud eundem legimus in Amaurosi; a lymphæ stagnatione in vasis nervos opticos cingentibus orta. (b) Hinc est, quod tincturam Sublimati nostra methodo paratam, tam cinnabarinis, quam præcipitatis rubris longè prætulerim: præcipitatis, quia tutior; cinnabari, quia efficacior est, ut in qua confectione Mercurius, sponte sua volatilis, majori pondere salis marini adacti potentius figatur coerceaturque, ut in qua cuneiformes id generis sales, horumque cubica elementa, ubi primùm Mercurii atomos, guttulasque inierunt, eas pertinacissimè tenent, aptasque reddunt, ut cuneorum more minutissimos quosque in corpore recessus trajicient, & miasma venereum profligare possint.

LXXXII. Concausa altera, quæ est ordine quartæ, consideranda modò est, scilicet vis vitæ fluida a tergo impellens. Docent enim Physiologi omnes, quod ad hoc ut acria agant, moveri debent, [c] & ad obstaculi locum ferri, itaut inter concreti partes adigantur, illasque a sua cohæsione mutua separant; aliter particulæ Sublimati corrosivi ad obstaculum deductæ parum vel nihil agerent, si vi liquoris impellentis carerent; ideoque vis vitæ quaténus acria velut movet, & impellit, ad divisionem partium obicem componentium magnoperè concurrens.

(a) Tom. II. secti. II. c. xi. obs. vi. [b] Idem to. III. cap. iv. §. v. (c) Jo: Gort. de insensib. persp. p. m. 21.

concurrit; unde cum atomi argenti vivi ad nonnulla corporis loca non pertingant, Boerhavio distante, scilicet si obstruktiones in his, vel vicinis vasis dominantur, tunc nullius momenti, nulliusque usus futurae sunt; partes enim obstaculi juxta se invicem quiescunt pacatae, firmiusque coharent, quam ut singulae ab invicem dimoveri possint, nisi accedat aliquod corpus movens, & separans partes obstaculi, & ideo clarè colligitur, quam efficax sit Mercurii sublimati agendi ratio. Sic ergo statuendum est: vim vitæ, quæ ingesta omnia, & applicata extùs remedia ad loca morbosa deducit: multò clariùs in vehendis, trajiciendisque Sublimati dissoluti particulis elucescere, quam dum, manente eadem potentia motrice, crudus Mercurius in sanguinem venit. Cum enim, ut modò innuimus, sanguis mercurialibus guttis gravis cursum, in angustissimis vasculis tardiùs perficiat; cumque compertum sit, tantum virium in potentia motrice deperdi, quantum mobile pondere suo resistit; sequitur, majorem ad resistendum motui cordis, crudo, quam sublimato Mercurio vim inesse; (ut Capite sequenti clariùs patebit) seu quod idem est, cordis arteriarumque motum prius debilitatum iri, quam ad remotissimas usque partes, & intricatisimas glandulas mercuriales guttulas projicere possit. Itaque in hoc casu idem contingit, quod superius §. ix. dictum est, scilicet Mercurii guttulas quiescere, inter se adhaerere, guttas efformare maiores, quæ proinde ulteriùs progredi nesciæ, omnia mala creant, quæ a compressione vasorum minimorum evenire, fatalis experientia docet.

LXXXIII. Tandem vis Mercurii corrosivi peti debet
T 2

debet ab acidis particulis sibi a sale marino communicatis: Acida enim, quæ mineralia non sunt, maximam vim fluida nostra dissolvendi habent; [a] unde si acetum calefactum sanguini affunditur, non solùm arcetur a coagulatione, sed ipsum cruentem insigniter dissolvit. [b] Hæc acidorum virtus *Hypocrati* etiam jam nota fuit; unde in Schirro semper *Oximelle*, *Oxicrato*, vel *Posca* usus est: Quod confirmat Galenus; nam *Schirrum hepatis* potu aceti curari docuit. [c] Sic quoque *Plinius* in Schirris vaporem aceti multum prodesse asserit. *Lienosis* porrò acetum prodesse, si ei cineres fermentorum adjungantur, se expertum, testatur *Dioscorides*. Nostra etiam ætate maximè illud commendatum, videmus a *Laurentio Heistero* in Schirri curatione, [d] dum specie vaporis, vel ignito lapidi aspersum applicari jubet. Id etiam suo calculo firmat, & tamquam maximum dissolvens depraedicat [e] *Josephus Benvenuto*.

LXXXIV. Germani quoque Clinici multoties observarunt, quod si pars schirrosa super effumans acetum ponatur, frequenter succedente benigna resolutione emollescat; id quod etiam Medici Galli nuper experti sunt: Hi enim sumunt acetum cum *sale armoniaco* & aqua commixtum, vaporemque per infundibulum ad partem schirrosam deducunt; unde egregia emollitio *Schirri* non naro deprehensa.

[a] *Boerhavius de virib. medicam. part. III. cap. 1.* [b] *Hermann. Boerhav. Elem. Chem. par. I. proc. 50. Courus des Schemies par Monsieur Baron.* [c] *De usu aceti in Scbirro hepatis.* [d] *Institution. Chirurgicae tom. I.* [e] *De aceto vini p. m. 13.*

hensa est; meritò igitur *Hipocrates Batavus* inter efficacissima remedia numerat acetum, multisque morbis prodesse afferit. Est enim liquor vegetabilis a duplice fermentatione vinosa productus, acidus, summè penetrans, subpinguis, valde volatilis, sale volatili acido, & oleo valde recondito imprægnatus. Habet acetum imprimis hoc singulare, quod liquor sit valde meabilis, & penetrantissima vi insinuando se in corpus humanum, viribus suis omne noxiū & peregrinum in corpore latens per sudorem expellat; hinc ut sudorificum certissimum, & unicum habebatur etiam a priscis Medicinæ Scriptoribus; qua de re *Hypocrates Diocorides*, aliique plurimi veteres Medici, poscam, *Oixeratum* in mortu animalium rabidorum tamquā remedium efficacissimum commendarunt: Ea virtute pollere afferunt Recentiores, multisque experimentis illustrarunt. [a] Alia etiam acida obstructis lymphaticis referandis validissima sunt: sic Schirros vapore sulphuris resolutos esse, scribit *Boyleus*. [b] Igitur mirum non est, si agrotantes, qui Mercurium sublimatum corrosivum internè sumunt, a foedissimo seminio venereo immunes evadant, absque ullo molestiæ signo.

Acidæ etiam aliae partes vegetabiles, præter illas a sale marino mutuatas, insunt Sublimato; nam præter agrum frumenti, ut ajunt, seu frumentū propriè dictum, in prima operatione dissolutum, grana ipsa tritici liquorem acidum continent; unde hac præterea ratione potentissimum dissolvens

eva-

[a] *Ignatius di Plot de effectu remediorum simplicissimorum.* [b] *de utilit. Philosoph. experiment.*

evadit nostrum remedium, & ad habitum corporis facillimè derivabitur: Neque ideo quòd colostrum acidum sit, & lac coagulet, conjiciendum sit, acida liquidis nostris assusa eundem effectum præstitura. Nam acetum, licet aciditate omnia acida superet, & lac cogat, humoribus tamen nostris, quibuscum confunditur, perfectissimum in fluorem adeo redigit, ut Recentioribus omnibus hac de re nullum remanserit dubium; [a] Unde si homo, qui obstinatissima alvi siccitate laborat, bibat libras tres, vel quatuor succi recentis ex pomo acido, & similibus, incidet in diarrhēam; & si ulterius bibendo perget, ejus sanguis ita dissolvetur, ut totus in aquam per dysenteriam abeat. [b] Hæc omnia illustrat Experimentum sequens: scilicet si osa alkalini liquoribus immissa fuerint, firma & intacta manebunt, si acidis immersa detinentur mollescent in fluxilitatem usque; ut in Anatomicis Experimentis se didicisse narrat magnus Ruischius, Vir in arte Medica magnoperè Clarus.

Neque prætereunda hic esse videtur Piccarni difficultas, quam in uno Theoremate adversùs acidorum in sanguine contentorum actiones proponit: *Plantas, inquit, per os assumptas, quantumvis acido fætas, actione tamen ventriculi, & pulmonis, & cordis circuitum fluidi nostri efficientis, mutari citò in corpora alkalica &c.* [c] Videtur enim ex-

inde

- [a] *Cours des Chimi. part. Monsieur Baron p. m. 190. Josephus Benvenuto de Aceto vini p. 5.* [b] *Praxis Medica, sive Comment. in Aphor. Boerhav. tom. I. [c] Dissertat. de opera quam præstant &c. §. 10. pag. m. 169.*

inde colligi, quæcumque a nobis collecta, & scrip-
ta sunt de *vi Sublimati corrosivi acida*, & acidis
non modò mineralibus, sed etiam vegetabilibus
decocti hordei gravi, eaque delendo, ut ita di-
cam, fermento venereo perapta, videntur in-
quam, facilè peritura esse, cùm ex falso principio
dependeant; hinc ergo paucis huic prædicto dubio
respondere visum est, ne fortè Lectori hæreret
aliquantisper aqua; Et primò quidem, experi-
menta acidum omne in sanguine reconditam siquæ
sint destruentia, eo pertinent, ut congressum hu-
jusce acidi cum efficto alkali sanguineo, & inde
pendentem imaginariam fermentationem repu-
dient, quam non inficiamus, cùm ex summo Bo-
erhavio patet, nunquam in cruro detegi posse
principia alkalica, & acida, ut inde queant nosci
visibiles eorum commixtorum effectus, ebullitiones,
motus intestini, aut rarefactiones. [a])

Secundò. Parum fidendum est Chemicis experi-
mentis, quibus omne acidum a massa sanguinea,
etiam naturaliter constituta, allegare conantur ad-
versarii. Siquidem acidum inesse sanguini, nuper
demonstravit Raymundus Viussen; Quod nequaquam
a Bolo mixto provenisse, cum Pitcarnio statuen-
dum est; (b) Hambergerius quippe idem acidum ex
sanguine humano eduxit, absque ullo Boli inter-
ventu, atque adeo acidas sanguinis particulas ve-
getabilibus non penitus concoctis, mutatisque, re-
stè, veréque adscripsit. [c]

Tertiò,

- (a) *Idem Element. Chem. tom. 2. Process. 114.*
- (b) *Ibidem. [c] apud Haller tom. 2. §. 227. ad not. M.*

Tertiò, Etiam si daretur, acidum omne a sanguine animali abesse, tamen sal marinum, aut marino simile exigua mole sanguini inesse, nemo dubitat, ipso fatente Pitcarnio; (a) & ostendit id ipsum clarè Robertus Boyleus ab eodem allegatus; (b) hinc est, quod optimè dixerit Fridericus Hofmannus: Tota natura animantium est salifica, (c) & profectò; præterquam quod sales immutabiles esse in suis figuris, ac proinde lege quadam immutabili, effectus ex mole & figura pendentes producere, demonstravit Guglielminus. (d) Accedit multiformium salium familiam in liquidis animalium deprehendi, sic sales saponacei ipso effectu in bile & saliva observantur; (e) Sic vapor pulmonis speculo exceptus, ex arte exhalans, salinam reliquit post se materiam; [f] Sic urina multo sale instructa cernitur; verum, ut notat Hallerus, (g) Quocumque Elementorum, sive sal fuerit, hinc aqua deprehenditur in aliquo liquido humano, id haberi debet pro elemento sanguinis; siquidem in sanguine extant liquida omnia humana, prostant in sanguine nostro rubro, qualis fluit per vasa corporis humani sal, aqua, &c.

Quartò, Quod si auctoritatem Friderici Hofmanni urgeant, adhuc dicentis, nusquam acidum in sanguine reperiri, (h) profectò eodem responso occurremus. Intelligendus namque est, & quicunque Acidum in sanguine esse negant, eo sensu accipien-

- (a) *Ibid.* [b] *Ibid.* [c] *tom. 1. lib. 1. section. 2. cap. 7. §. 5.* [d] *Dissert. de Salibus.* [e] *Haller ibid. §. 22.* (f) *Journal de Savan ann. 1755.*
- (g) *Ibid.* (h) *Ibid.*

cipiendo sunt, ut vel de sanguine, naturali principiorum consortio instruēto, aut de Acido elementari integro locuti esse videantur: quemadmodum enim purus putusque aer sanguini nunquam innidulatur absque machinæ lēsione, sed in minima elementa mutatus, ita siquæ salina principia, sive acida sanguini inhærent, adeo inertia dantur, adeo blanda sint, & sedata, oportet, ut non appareant; concinit idem laudatus *Boerhavius*, qui, (a) Sanguinem, ait, aqua orbū principia salina non ostendere; hæc ipsa tunc non agere, nec mutari, sed intricata, sopita, inertia per annos latitare.

Quintò, Quod si ergo naturales nostri sanguinis moleculæ salinæ omni arte indestructibiles dici, & absque noxa, latere possint; Quid mirum, si dicamus, adventitias *Sublimati* nostri salinas acidasque particulas, quæ roris ad instar ex lactea via in sanguinem penetrant, cum eodem commisceri, & usque ad intima corporis vasa perduci, ut immutata earumdem figurā, accedente specifica præstantia, quidquid veneni altè repostum est, aggrediantur, subigant, prorsusque extinguant. Sed quid plura? nonne compertum est, plures morbos ab acido spontaneo nasci, cuius præstantiam in sanguine, duce *Boerhavio*, ipsa Medica Praxis probat? Cur ergo quod Acidum morbosum præstare potest, non præstabit etiam Acidum quodque, medicata virtute imbutum?

LXXXV. Acrimoniam etiam a veneno venereo corpori inductam *Mercurius sublimatus corrosivus* facillimè, & radicitus tollit; Nam, ut supra diximus,

U

(a) In process. 119. Elemen. Chem. ibid.

mus, natura veneni hujus non solum nullam cum acidis communionem servat, verum maximam partem *alkalina* est; unde acidis aculeis immixta, vim suam corrosivam totaliter amittere potest, ut docent Chimici omnes; (a) hac enim ratione inducti laudatus *Auctor*, aliquique celeberrimi in Arte viri, *salem tartari* commendarunt, adversus Sublimati forte ingesti noxas. Hinc intelligitur, quare *Dra-
co venenatus* in extirpando viru venereo majori ti-
tulo, quam Mercurius crudus, specificum reme-
dium audiat. Nam peculiari indole acidis salibus,
quibus foetus est, *alkalinam seminii venerei*, &
summé corrosivam naturam amplexis tenet, &
quasi coerget; quemadmodum mite ferrum in cro-
cum natura diversum mutatur, & præstantissimum
aperiens evadit; ita *argenti vivi* minutissimæ ato-
mi, salinis spiculis infixis horridæ concentratissi-
mo acido divites, omnem, cui occurunt, in cor-
pore lentorem efficaciùs, quam ipsomet crudus
Mercurius, dividere aptæ natæ sunt; itaut omnes
illos producant effectus, qui a *Cuneorum mechani-
ca* dependent, (b) & quos longe major *argenti
vivi* copia vix produceret. Paucis dicam, præstan-
tissimi effectus, quibus pollet in eradicanda lue,
Sublimatum corrosivum, salium acidorum connubio
debentur. Qui tamen *sales acres* dicuntur,
non quia linguæ sensum ustionis imprimunt, sed
quia corpora sunt densa, rigida, in acumen des-
nentia.

Neque verendum est, Mercurium jaculis acidis
ita

(a) *Boerhavius Element. Chemic.* (b) *Guglielmi-
nus de Salibus cap. IX.*

ita horridum glandulas salivales subire, easque inflammare, & salivationem ciere, ut olim credidit *Fridericus Ortloob*; (a) Quippe licet in Mercurio infinita propemodnm spicula acida hæreant, quod a pluribus observatum fuisse meminit *Astruccius*: (b) & licet, ut inferius conjiciemus, innocuus, saluum in corpore genitorum corpusculis jungi conubio Mercurius aliquando queat, inde tamen nec salivationem, & multò minus internas exulcerationes, reformidare liceat; tum quia sæpiissime repetita experientia Sublimati nostri in curanda lue venerea aliter demonstravit; tum in primis quod spiculis atomi mercuriales horridæ etsi supponantur, ingenti decocti copiæ innatantes, atque leni & placido spiritu frumenti retusæ, atque mitigatae, quæ inde fortè timentur infortunia, nunquam producere possunt; sed dividendi, & resolvendi munere fungentes, & omnis inflammationis expertes, pertinacissimas concretiones venereas absque ulla subsequente salivatione, penitus & tutò profligant.

Ex sextuplici hujusmodi fortè causa clarissimè apparet, *Sublimatum nostrum corrosivum*, si cum Mercurio crudo conferatur, huic in luis venereæ therapeja palmam meritò præripere; ut Capite sequenti clariùs patebit.

LXXXVI. Vidimus jam præ Mercurio crudo eminentiam in praxi morborum venereorum nostri Sublimati; modò autem meminimus, in eadem therapeja spiritum frumenti præferri spiritui vini alkolizati, illudque ex legibus Consuetudinis, atque

(a) *Apud Astrucc. de Morb. vener. sæculi xvii. lib. xiii. num. 4. p. m. 430.* (b) *Ibid.*

felici semper successu deduximus. Superest, ut heic loci quacumque ratione demonstremus, præstabiliorem esse spiritum frumenti, quocum *Sublimatum* nostrum admiscemus, & tutiorem longè spiritu vini: mirum quippe est, Sublimatum hoc æquabiliter ita totum ferè solvi in spiritu frumenti, simulque acquirere vires medicatas adeo nobiles, quæ ante solutionem in eodem Sublimato prorsus erant *veneficæ*.

Quamobrem inquirendum est, qua ratione divisione Sublimati, ope spiritus frumenti facta, non modò majores, sed etiā securiores producat effectus, quam ejusdem solutio in spiritu vini peracta. Ad ejus quidem rei intelligentiam præmittere juvat Axioma universim receptum, quo constat, instrumenta, quibus superari debet resistentia, aliqua cohærere opportere in suis partibus per momentum majus momento superandæ resistentiæ. (a) Quoniam igitur, observante Thonyon, (b) Mercurius eò in minores secedit partes, quó plus acidorum cuneos sibi affixos tenet; colligitur inde, acida quæcumque respectu Mercurii munere menstrui fungi; Et quidem si de genere vegetabilium sint; ita namque futurum est, ut facultas hujuscce menstrui Sublimati intra corpus agens spiritu frumenti parati longè efficacior, & tutior censenda sit, quam virtus dissolvens Sublimatum, quæ in spiritu vini inhæret.

Primò. Si namque advertas, spiritum vini oleoso maximè exaltato sulphureo principio ditari, non leve sanè argumentum habebis, intimæ mercurialium

(a) Bellinus de motu Cordis lem. proposition. 5.

(b) *Dissert. de Mercur. propos. 2. p. m. 87.*

lium acidorum combinationis cum hac parte oleosa vini. Sic enim in confectione Æthiopis mineralis videmus, mercurium sulphuri etiam crudo per solum attritum quam arctissimè adunari, ut haud facilè dissolvatur: (a) planè ut alterutrum ex iis concludendum videatur, aut quodcumque inhærens acidum, metallicum, inhærens inquam in spiritu vini, pernicissimo motu extra corpus eliminari, quam ut possit pacatè, & tutò pertingere usque ad sedem morbi venerei; aut si quidquam spiculorum acidorum Sublimato nostro affixum maneat, illud fixissimum, & ponderosissimum reddi, ut æqualeat adusque corporis penetralia vehi. Quomodo cumque autem rem fieri concipiās, vis medicata Sublimati in spiritu vini soluti maxima in parte peribit. E contra verò, dum in minima Sublimatus solutus in spiritu frumenti deliteſeit, oleosis quidem partibus vegetabilis occurrit, sed non adeo actuosis, ut citissimè eum extra corpus abripiant; unde certa semper copia acidi metallici remanet, unde vis ejus medicata in primis pendet, quæ est tam mitis, ut nec alvum ultra fuscitet, nec vomitum, & salivationem vix amplius excitet.

Secundò. Menstruorum omnium illud proprium habetur, ut non modò solvendi corporis elementa a se invicem divellant, verùm etiam in aliquali distantia detineant. Verum quidem esse damus, spiritum vini fejungendis Sublimati particulis aptū esse; verùm quia substantiam valde spirituosam, nimis agentem, & æthereo quodam motu donatam præſefert, fit, ut quas partes primo momento di-

ſcer-

(a) Boerhav. *Elemen. Chemicæ tom. 2. process. 261.*

serpuit, ita discerptas conservare omnes nequeat, neque adeo ut opus est, ad obstructa venereo seminio loca pervadere; in quibus proinde si innidulari contigerit virus pertinax, & summæ cohæsionis, vix, ac ne vix quidem molleculæ nostri Sublimati operari queant; utque in medio cursu proprio menstruo orbatæ prius se sistant, quam turmatim, ut opus est, ipsum morbum aggredi possint.

Unde eruitur, ut paucis dicam, præstantia spiritus frumenti, quem in praxi Sublimati adhibere solemus; quam quidem efficaciam ex triplici fonte ferendam arbitrabimur: Nimirum ex spatio corporis, quod longius sanè percurrent corpuscula Sublimati in spiritu frumenti, quam in spiritu vini soluta. Rursus, ex resistentiis, quas coagula venerea efficiunt, & quibus longè plures occurunt atomi Sublimati nostri, sicubi cum spiritu frumenti, quam cum vini spiritu miscetur. Tandem ex robore, & vi, quam singulæ illæ Sublimati molleculæ in spiritu frumenti abreptæ majorem in obstacula venerea exerceant, quam quæ ab iisdem in spiritu vini reconditis expectari meritò posset. Admonendum est, Spiritum vini hic loci nos illum postponere spiritui frumenti, qui ad alkalis naturam proximiùs accedit. Ubi enim de Republicæ emolumentis ex nostra methodo in curationem luis venereæ derivandis edisleremus; equidem spiritum vini commendabimus, ut quominus impensa curatio isthac commodè perfici possit. Verum non intelligimus spiritum vini, ut ajunt, perfectè alkalinatum, sed valde dilutum; aliter enim neque adeo tuto, neque adeo compendiosa via, imò longè majori impensa adhiberetur.

Dixi, ex se curam fore suis venereæ veraciorem, si quando per spiritum vini tentetur; quippe omnibus notissima huic spiritui inest facultas, qua lymphatica quæcumque fluida corporis animalis inter se cogendo immeabiles reddit; eo pacto a spiritu illo vini albumen ovorum in massam irresolubilem, multo extricato sero, converti videmus; Similiter in meis Ægrotis non raro expertus sum, ab assumpto (aliorum Medicorum consilio) nostro Sublimato in spiritu vini alkalizati liquato, atque dolens memini, ortas inde fuisse colicas affectiones: subsequente ejectione coagulati lactis per inferiora. Sentio itaque; male Ægrotantibus suis consulere Medicos, qui Sublimati in spiritu vini alkalizati solutionem præscribere amant; periculum enim est, ne furtim spirituosæ vini partes in sanguinis massam irrepentes, & hujuscemodi parti lymphaticæ, & mucilaginosæ fluorem omnem adimendo, Medentium scopo potius obsint, quam proslint.



CAPUT SEXTUM
DOCTRINÆ PRÆCEDENTIS CLARIOREM

Expositionem continens, & in quo præterea Astrucci Mechanismus, De Mercurii Efficacia refutatur, & Objectionibus ab eodem propositis adversus Præparatorum Mercurialium vim respondetur.

LXXXVII.



ON quidem ignoro *Astruc-*
cium in indaganda Mercurii
extus illiti efficacia, multum,
ne dicam nimium, tribuisse,
& specificæ ejusdem metalli gravitati, & sphæricæ
figuræ, & divisibilitati; quarum trium proprietati-
tum ex ratione composita omnes mirabiles effectus,
qui ab hydrargirosi in corpore producuntur, abs-
que ulla hæsitatione deduxit: Quamobrem illud
mihi incumbe in præsentia intelligo, ut quæ-
cumque ad eruendum adductum *Astrucci* Mecha-
nismum, quæcumque ad demonstrandam rationum
insufficientiam, quibus suam hypothesim superstru-
xit, pertinent, ita diligenter expendam, enu-
cleem, atque definiam, ut inde Sublimati me-
thodo fidem, auctoritatemque siqua possim ratio-
ne conciliem.

LXXXVIII. Itaque *Astruccius*, quemadmodum
ex Lemmatibus suis patet, (a) statuit: Mercurii
sanguini interspersi, & ab eadem cordis contra-
ctio-

(a) de Merb. vener. tom. I. cap. x. p. m. 200.

A^tione expulsi, velocitatem non modò majorem esse velocitate ipsius sanguinis sub eadem mole trānantis, & ponderi quatuordecies majori responderē, verū etiam majorem fieri censet singulis instantibus velocitate guttūrum sanguinis æqualium, & circumfusarum. Quam quidem sententiam, licet proprietatibus verē mechanicis innixam, defendat ipse *Astruccius*, ab ipsa veritate mechanica longè multūmque aberrare, patebit attēndenti ad sequentia.

LXXXIX. Toto cœlo differunt hæc duo: *Pressio*, & *Vis*; Nam *Pressio* agit in loco, & est potentia, quæ continuò in corpus agit, ad hoc ut e loco mōvendū pellat: Actio autem *Vis insitæ* est de loco in locum. Iterum *Pressio* determinata est in singulis momentis. *Intensitas* actionis *Vis insitæ* ab obstaculo pendet. Hinc est, quod actio integræ *Pressionis* est in ratione composita intensitatis *Pressionis*, velocitatis puncti, cui applicatur, & temporis, per quod agit. E contra effectus *Pressionis* contraria pressione non destructæ, est ut obstaculi translatio, seu quod idem est: effectus hujuscæ *Pressionis* è major futurus est, quò velocitas obstaculi cedentis major; atqui hujusmodi velocitas è major erit, quò spatium percursum ab obstaculo, & divisum per tempus magis creverit.

XC. Eruitur inde, *Pressionem*, quam Mercurius ratione nativæ suæ *gravitatis* in partem exercet, non esse confundendam cum effectu hujuscæ *Pressionis*, cuius ope cordi expellenti auscultat, fluitque per vasa sanguinea, atque cuivis contractioni allabitur: Quippe prior pressio est directè ut gravitas metalli, atque adeo ab ipsa gravitate ejus-

dem metalli absorbetur, atque destruitur; Posterior autem pressio in actum deducta, est ipsem et excessus velocitatis supra resistentiam corporis metallici. Sequitur ergo, reactionem *Mercurii*, qua contractioni cordis reunitur, quæ juxta mentem *Astruccii* quatuordecies major supponitur reactione similis guttula sanguinis, totam destructum iri in primo contractionis momento; idcirco si hoc non obstante fluet, tranabit per pressionem, quæ major supponi debeat ad hoc, ut succedat *translationis* particulæ mercurialis: atque hæc quidem *translationis* non tanti facienda est, quanti ipsam facit *Astruccius*; siquidem, ut modò vidimus, Mercurius non fluit ratione suæ *gravitatis*, quæ potius dicenda est *vis inertie*, sed tantum differentiâ inter pressionem cordis destructam a nativa *gratia* Mercurii, & inter residuum *pressionis* viætricæ.

XCI. Porrò hic effectus immediatus *pressio* parvi admodum momenti est in guttulis mercuriis, quia est ipsum spatum a guttulis mercuriis percursum, & divisum per massam. Ponamus itaque M. indicare pondus *hisoperimetrae* sanguinali guttulae. Ponamus præterea spatiū percursum a mercuriali guttula S. percursum autem a sanguine s. erit effluxus, seu *translationis* Mercurii, ceteris aquilibus, ad translationem æqualis guttulae sanguinæ, ut M. :: m. S. :: s. Clariùs elocutus : & e converso S. :: s. M. :: m. quar: Hujusmodi corporis affectio, qua certo tempore certum spatiū a corpore moto percurrebit, vocatur celeritas; quæ proinde spatio est proportionalis. (a) Sed & demonstravit *Michelottus*,

(a) quod
(a) ex *Sgravesand* tom. I. lib. I. cap. 6.

(a) quod si diversæ densitatis liquores, ceteris partibus, eadem causa impellente, per data orificia fluunt, eorum velocitates futuræ sint, in ratione composita, ex reciproca subduplicata densitatim; Hinc inquit ille: Si bilis & lymphæ, quorum densitates sunt 4. ad 1., eorum velocitates erunt inversè ut radix 1. ad rad. 4 = 1. ad 2. quibus ita præmissis, consequitur, binas guttulas, unam sanguinis, alteram Mercurii, impelli ab eadem cordis potentia = 40. Fac interim, densitatem Mercurii esse ad densitatem sanguinis ut 14. ad 1., juxta hodie vulgatam hypothesim; velocitas guttulae mercurialis ad velocitatem guttulae sanguineæ futura est inversè, seu reciprocè, ut radix 1. ad rad. 14., proindeque cum massæ sint reciprocæ velocitatibus; & viceversa, tantò major erit velocitas guttulae sanguineæ velocitate guttulae similis mercurialis, quanto majus est pondus hujuscemodi guttulae mercurialis pondere, seu densitate guttulae sanguineæ.

XCII. Profuit mihi singula ex Mechanicis petere, quam ad confutandam *Astruccii* sententiam animum appuli. Unde clarissimè liquet, errasse *Astruccium*, dum pondus metalli cum velocitate confundens, hanc directè gravitatem sequi censuerit; & quod inde sequitur, velocitatem Mercurii ab systole cordis ortam singulis instantibus increscere, probare conatus sit. Sic enim ait ille: (b) „Habent ergo singulæ (scilicet Mercuriales „guttulæ) eam motus quantitatem, quæ sit ad „quantitatem motus gutterum sanguinis ejusdem molis,

(a) de Secret. p. m. 121. (b) Tom. I. cap. XI.
lemma 4.

„ molis in ratione directa ponderum respectivo-
 „ rum, atque adeò (pergit ille) quatuor & decies
 „ majorem quantitatem motus, quam guttae illæ
 „ sanguinis molis ejusdem. „

XCIII. Quod si modò conferatur densitas *Sublimati nostri* spiritu frumenti soluti, & in largo pti-
 sanæ potu diluti, cum densitate nativi Mercurii,
 quacumque demum via in sanguinem introierit;
 Quoniam Sublimatus ille vehiculi illius copiæ in-
 natat, in minutias quasi indivisibiles redactus, vi-
 detur pondus atomi Sublimati propriùs accedere ad
 gravitatem specificam guttulae aquæ ejusdem molis,
 atque hinc parum vel nihil differre a densitate ipsius
 sanguinis; Quandoquidem aquæ, & sanguinis den-
 sitates parùm inter se discriminantur. Hinc ergo
 futurum est, ut quam velocitatem contractus cor-
 dis musculus communicat guttulis sanguineis, eam-
 demque imprimat Sublimati nostri particulis. Pa-
 tuit autem modò, velocitatem sanguinis ad ve-
 locitatem Mercurii crudi esse, in ratione inversa
 ponderum respectivorum; Itaque hanc eamdem ra-
 tionem sequetur velocitas *Sublimato nostro* imper-
 ita, si comparetur cum velocitate Mercurii nati-
 vi. Idque tantò magis elucescit, quod, non renuen-
 te eodem *Astruccio*, pluries contingat, guttulas
 mercuriales non tantum ad ostia vasculorum mi-
 nimorum colligi, verùm etiam in majoribus sangui-
 neis canalibus coire: (a) quod sanè receptæ opini-
 oni de adaucta singulis momentis Mercurii ve-
 locitate per vasa corporis adversari videtur.

XCIV. Devolvimur jam, postquam effectus Mer-
 curii

(a) *Couf. ibid. n. 115. 202. & cap. XI. n. 4. p. 217.*

curii primarios minimè a sphærica figura , & maximo ejus pondere succedere diximus ; ad considerandos effectus Mercurii nativi secundarios , quos in solvendis liquidis omnibus corporis consistere , arbitratur idem laudatus Vir , eosque unicè deducit a momento gravitatis maximo , quod mercuriales guttulae in sanguinem , in vasa , in objectos obices possunt exercere . Sed errat quidem mea sententiâ ; nam

I. Moles concreta in genere tollitur , sic distante Summo Boerhavio (a) dilutione , attenuante fluido , advecto , permixto , moto : hujusmodi autem proprietates Mercurio sub nativa forma in corpus introducto adeo non convenient , ut potius ab ejusdem indole longissimè distent : Nam „ guttulae mercuriales , ita sentiente ipso Afruccio , liquoribus fere nullis , sanguini verò omnium minimum miscibiles sunt ; unde fit , ut Mercurius dici soleat *aqua non madefaciens* . (b)

II. Præterea ; particulis flexilibus angulosisque non adeo donatus est , ut massulas concretas continuò præterlabatur , cumque illis teratur , moveatur , misceatur , donec resolutio facta fuerit : ad quam promovendam opus esse videtur , ut corpus resolvens , vel insinuatione suæ molis inter partes cohærentes : vel stimulorum instar vim vasorum augeat . E contra elementa *Sublimati nostri* , quæ perfectè cum sanguine miscentur , & ejusdem velocitatis esse supra vidimus , ad loca obstructa faciliter advehuntur , atque præ salibus concentratis , quibus imprægnantur , perfectam concreti resolutionem moliuntur .

(a) Aphorif. 132. (b) Idem ibid. postulat. III.

III. Aut hujusmodi *concretio venerea* in grandioribus vasis, aut in minimis locum habet. Quod si in prioribus sedem fixerit, a Mercurio nativo superari non potest; sive quod concretum sanguineum majorem superficiem offerens, per sphæræ minimum contactum, per omnia puncta solvi nequeat; sive quod maximo, ut supponitur, virium momento majorem contractionem canalium ciendo crudus Mercurius densitatem obstaculi sanguinei majorem efficiat. In extremis autem canaliculorum angustiis, hærens quocumque liquidum ab guttulis mercurialibus, aut non attingitur, aut ægrè, & minimo momento pervaditur. Non attingitur, si verum est, Mercurium ad ostiola minimorum horum canalium in guttas majoris diametri congregari, ut ex ipso *Astruccio* pronunciavimus: Aut si constat, præ sua gravitate Mercurium potius *axim* canalis petere, & ad imam partem detrudi, quam ut possit per lateralia, & superiora initia canaliculorum lateralium immitti.

Hujusmodi ratiocinium ab ipso *Astruccio* desumpsimus, quo particulas mercuriales intrō haustas præ earum immiscibilitate, & majori gravitate specifica excludit a laterali facie intestinorum, ubi hiant chilifera propter decursum, quem aliquo affectant. (a) Hinc est, quod aucto sanguinis impetu, aut attritu, per intermixtas Mercurii crudi molleculas, plures simul globuli percurrentes, secundū vas diametrum, & sese orificiis angustioribus offerentes, viam sibi præcludant; vel cùm effectus percurrentis sua gravitate Mercurii, massam ejusdem tardè

(a) *Ibid.* §. xi. num. 1.

tardè circulan tem sequatur, canarium, ut diximus, distractio vehementior futura est; hinc calor intensior exoritur; globuli rubri flexiores facti in minimos globulos secedunt: in lateralia deviant, & inflammationis loci symptomata inducunt. Docent ptyalismi imminentis, seu jam facti infornnia, sub quo facies mirè tumet, oculi rubent, cum non levi phrenitidis periculo.

XCVI. Quartò. Accedit, quòd cùm translatio obicis venerei directè sequatur velocitatem, & promptitudinem resolutionis factæ a quocumque resolvente remedio, ex una parte; atque ex alia velocitas cujuscumque corporis se habeat directè, ut spatiū percursum, & inversè ut tempus insumpsum; efficitur illud sanè, quod eodem spatio dato, quo plus temporis requiritur ad peragendam solutionem concreti, eo tardior futura sit resolutio. Porrò ad hoc ut Mercurius luis venereæ curationem, seminium venereum expurgando, efficiat, requiritur tempus idoneum, quod experientia docuit, sunt verba Astruccii (a) diuturnius esse plerumque, quam quis prima fronte putaverit. Certè bimestre desideratur tempus in salivationis methodo ad perfectè corrigendum sanguinem, & virus altius reposum efficaciter proligandum; atque adeo cùm quotidie pateat, luem venereum inveteratam, etiam ope nostræ methodi, intra quadraginta dies perfectissimè, & absque ulla recidiva curari; non mirum est, si illitioni mercuriali, ceu minùs facili, præferatur internus nostri Sublimatus usus; & quod inde sequitur, falsum esse, effectus illos

(a) tom. I. lib. IV. cap. IX. num. 2. p. 468.

illos Mercurii secundarios à maxima metalli gravitate, & à sphærica figura derivandos esse.

XCVII. Plura in hanc rem scriberem, nisi fastidium aliquod, benebole Lector, te caperet mei, dum ex principiis corporum mechanicis si non obscuris, at certè non nisi maxima cautela corpori nostro aptandis, medicam hanc tractationem molior: Verum id exigebat argumenti nostri dignitas, & incomparabilis Astrucci auctoritas, ut nimurum dilutis mechanicorum præjudiciis, & prudenter ad vasta nostra traductis Physicæ veritatibus, methodi nostræ præcellentiam demonstrarem; atque adeò hoc quidquid attigi, non feci in viros omni scientia Medica claros invehendi causâ, sed ut libertate Medica, quidquid candidè sentiebam, in medium proferrem.

XCVIII. Inde restat, ut infamiam, quam suis objectionibus, Præparatis mercurialibus inurere conatus est Astruccius, qua possim responsum eluam. Ille ergo plura in medium protulit, opposuitque adversus usum mercurialium internum, quorum summa eò recidit, ut existimet, I. Præparata mercuralia deglutita ventriculi tunicas pungere, atque adeo debilitare. II. Molleculas eorumdem pro ea dosi, qua assumuntur parcè in sanguinem transfundi per venas lacteas, atque adeo parvam, debilemque vim in sanguinem infectum exercere. III. Horum Præparatorum elementa sanguini jam confusa spiculis suis acidis altè adactis agrè, tardè, parcè ad nativam Mercurii formam redire, atque adeo minus efficaciter virus venereum debellare. IV. Easdem illas atomos, quamdiu pulveris formam pertinaciter retinent, definita, & immutata?

mutata gaudere tum mole, tum figura, neque adeo posse aut in minutias indefinité parvas resolvi, ut exilissima corporis vasa pervadant, aut in grandiores guttulas coire, ut majore momento in validiores obices in vasis amplioribus occurrentes arietent. V. Eisdem particulas mercuriales spiculis horridas, dum in sanguine fluitant itu, redituque, tenuissima molliorum partium vasa pungendo, calorem, irritationem, phlogosim &c. inducere. VI. tandem. Mercuriales Præparatorum molleculas introsumptas, dum ore manant cum saliva, spiculis suis salinis ulcerosas partes pungere, atque adeo phtialismum laboriosum, drasticum, altiora & maligniora ulceræ inferre. (a) Quibus singulis perspectis, facillimam, tutissimam, efficacissimam esse inter methodos Mercurii adhibendi, arbitratur *Altruccius*, quæ illitione perficitur. Quamobrem singula prædictarum objectionum capita singillatim quoque percurrere opere præmium duxi; atque summa, qua potero, brevitate respondere.

XCIX. Primo. Si quam forte interdum irritationem ventriculi, producant *Præparata mercurialia*, illud iisdem convenit aut majori salis acidi copia, imprægnatis, aut sub pulveris forma introsumptis; Neutrum autem dici potest de nostro Sublimato, qui maxima liquidi diluentis quantitate involutus, stomachi, ubi recipitur, fibras pungere nequaquam potest. Hinc est, quod nunquam observaverim, stomacho malè habuisse, quicumque diutiū etiam hujusmodi nostra tinctura usi sunt. Huc spectat, quod *Hallerius* scripsit, aquam scilicet universale

Y medi-

(a) Vide tom. I. cap. XI, p. m. 217.

medicamentum esse, quo etiam venena inertia red-
duntur; absque eo quod ventriculum molestè affi-
ciant; (a) & alibi expressius: „ Argenti vivi Su-
„ blimati, inquit, dragma una lethalis est, ea-
„ dem in vigintiquinque libris diluta innoxie ad-
„ sumitur; „ quemadmodum nos supra innuimus.

Præterea illud idem *Astruccii* argumentum in
 ipsum retorqueri posset; ut qui (b) toto salivatio-
 nis stadio ægrum admonendum esse jubet, ne sa-
 livam deglutiat, quæ abrepta, inquit, *in ventricu-*
lum molesta tormina inferat: Scio equidem, *Astruc-*
cium, omnesque qui præjudiciis obcoecati sunt, re-
 gerere posse: Salivam ideo ab infectorum lue ve-
 nerea stomacho arceri, quia tabo coquinata hoc
 secum in stomachum adducit, nauseam & vomitum
 productura. Verùm si consideremus, *Mercurium*
 salivationem præ ceteris omnibus secretionibus ma-
 jorem inducere, cum totius oris affectione phlogi-
 dea; simulque deficientem salivationem a ceteris
 secretionibus largioribus interdum suppleri, sive
 curationem luis absolvit; in quibus tamen omnibus
 casibus nullo pacto interiora cola calent, rubent,
 dolent, quæ omnia irritationis effectus sunt; sanè
 videtur inde inferendum, ipsas guttulas mercu-
 riales, cum saliva in stomachum irruentes, abique
 ulla veneni admixtione pro suo nativo pondere,
 vel alia fortè nobis occulta qualitate ventriculum
 multifariam lädere posse.

C. Secundò. Falsum esse, particulas Præpara-
 torum mercurialium parcius quam par est Præpa-
 rati

(a) *tom. vi. §. 1141. item §. 1129.* (b) *tom. i.*
lib. 4. cap. 7. num. 10. p. 445.

rati nostri mercurialis in sanguinem venire; Quandoquidem reclamat ipsa experientia, qua compertum est, parcum quidem Sublimati dosim spiritu frumenti solutam, & juxta *VVan-svieten* præscriptum, introhaustam solam sufficere, venarum lactearum osculis peryadendis, atque adeo debitæ vi exerenda in sanguinem: Quemadmodum ergo pleniorem hydrargirosim æquè, ac parciorem improbat ipse *Astruccius*; Ita modò debitam Sublimati dosim propinemus, sive parcior, sive copiosior sit respectu Mercurii crudi illiti, perinde esse autemamus; quippe ut solito parciores, debiliores fore, ita si eadem uberior fuerit, periculosiores fore censemus.

Sed quid multa? liceat vel ex ipsius *Astrucci* testimonio aptum responsum eruere. Ille enim ultrò confitetur, pulverulentas *Præparatorum mercurialium* atomos, salino acido spoliatas, in nativam Mercurii formam reintegrari; (a) si ergo quidquid præstant hujusmodi guttulae cujuslibet *Præparati* mercurialis, illud idem præstituræ sint nativa ponderositate qua pollut; quâ fit, ut nihilosecius perfectè sanent mala venerea, quæ in dissitis etiam corporis locis latitare consueverunt; ad quæ curanda binas saltem Mercurii vivi uncias exposcit *Astruccius*. Utque multa paucis dicam: Quod ingens Mercurii dosis efficere solet aliquando, pauca grana Sublimati nostri, ipsa rerum magistra experientia testante, mirè perficiunt, atque adeo a particulae *Præparati* nostri mercurialis satis apta copia sanguinem subeunt, aut illiti Mercurii effectus

in curanda lue *venerea* a magno pondere, & a figura sphærica minimè dependent.

Tandem in mentem venit ipsius *Astruccii* obser-
vatio de illitione mercurialis unguenti per sex men-
ses continuata; in qua unciaæ circiter quinque ejus-
dem unguenti absumptæ sunt, eo fine, ut sane-
sceret os maxillæ superioris in Ægroto quodam
carie affectum, quin ulla salivatio successisse inde
memoretur. (a) Sublimatus autem noster similes,
imò & magis truculentas, & diuturnas *caries* in os-
ficulis narium turbinatis feliciter abstulit, atque
ad debitam exfoliationem reduxit; & quod magis
notatu dignum est, intra quadraginta novem dies.
Unde ex hac *Astruccii* historia colligitur, particu-
las *Sublimati nostri* neque debilem vim exercituras
esse in virus *venereum*, quod in sanguine inhæse-
rit, neque adeo ex hoc capite methodum nostram
illitionum methodo merito postponendam esse.

CI. Tertiò. Falsò supponi, guttulas *Sublimati*
[qui tantum in quæstione versatur] spicula illa aci-
da diutissimè retinere, etiam postquam sanguini
commixta supponantur; Quandoquidem non teme-
rè suspicamur quidquid angulosi, quidquid cuspi-
ditati eminet in moleculis hujuscce *Sublimati* jam
per vim liquidi diluentis &c. solutum esse, inque
eam figuram conversum, quæ interpositu suo con-
cretionis *venerea* moleculas a se invicem distrahat,
incidat, atque attenuet; sicque bonos tantùm ef-
fectus producat.

Neque supponendum est, *Mercurii* hujuscce no-
stri *sublimati* vim totam a globosa figura, in-
quam

(a) *Idem lib. II. cap. II. §. vii.*

quam secedere ait *Astruccius*, proficisci: Præter enim quām quod ad resolutionem Medicam tutam, facilem, efficacem, salina omnia, & quę globosę figurę expertia sunt, ex *Boerhavio* præstantissimam opem ferant. (a) Accedit; ex ventriculo usque ad sanguinis oceanum spicula nostri Sublimati multifariā agitari, obtundique eorumdem eminentias, absque ullo superstitis acrimonię sensu. Quid multa? nonne videmus inertes plantas, ut *Borragineum*, *Cioreum*, *Bellidem*, & similia, concreta sanguinea & graviora quidem, & in vitalibus quoque locis intidentia, ut in pulmonibus, hepate, pleura &c. solo sale acido, quo ditescunt, (b) mirè resolvere, atque tutiū, effidaciūsque quām metalorum omne pondus, & mobilitas, ad loca obstructa penetrare?

CII. Quartò. Nihil adversùs nostram methodum ex hoc *Astruccii* argumento inferri posse, colliges; ut in quia molleculæ sublimati, tam mole, tam figurā, continuò, & jugi humorum vitalium transfluxu mutentur; mole quidem, quia summam divisionem patiuntur, ut (§. lxxxvi i i i.) quia proinde contactus, & superficies multiplicantur; Figura quia ut modò exposuimus (§. xxxx i. usque ad xxxx iv.) angulosę illę lineę vehiculo abreptę, atque motę, & attritę deradantur ita, ut leviter solida stimulare, concreta resolvere possiat, nocere autem numquam. Verum quidem est, quod non levem rationem pertimescendi haberemus, ne
(quod

(a) *De cognoscendis, & curandis morbis* §. 135.

(b) *Josephus Geoffroi man. medic. tom. 2. p. 100.*
tom. 2. p. 173.

(quod in usu præparatorum mercurialium sub forma
sicca sumptorum accidit,) si sublimatus noster *cru-*
dus, ita dicam, sumeretur, pessima symptomata ac-
cerseret; sed illud ipsum, ut patet magna vehicu-
li copia debilitamus: Nec ab simili modo quo salia,
ubi concreta introsumuntur ledere; Sicubi verò li-
quidó diluta hauriuntur, nunquam officere possunt.
Sic ergo *Sublimati nostri* molleculæ, ita liquid,
copia abductæ sufficienti, momento ubicumque æ-¹
quali, ubicumque corporis virus venereum hæ-
reat, hoc aggrediuntur, & quidem efficaciùs, quàm
si sola gravitate specifica agerent.

Dum Romæ Obeliscum (liceat mihi in præsentia
hujusmodi exemplo uti, quod mirè nostro argu-
mento aptari video) rudentibus hinc inde tractis,
supra basim suam erigere conabatur Machinator
Fontana; substiterat vasta illa moles, & jam vere-
batur Artifex, ne ruptis, ponderis momento (æqua-
bat enim Obeliscus libras 10060+8.) funibus illis,
tandem corrueret machina; cùm voce ignoti ali-
cujus elata admonitus, funes madefecit aspersa e
vestigio aqua: mirum sanè, illico moles illa ad li-
neam, perpendiculumque erecta est, non absque
multitudinis admiratione. Quæ cùm ita sint, &
sola mobilitate aqua ingentem illam funium super-
ficiem momento valuit pervadere; Quantò magis
liquidum tenuissimum de industria mixtum *Subli-*
mato, cum idonea velocitate, nullo respectu habi-
to ad pondus, gravitatemque suam, fortiter ur-
geri debeat, & per ultimas vasculorum mollium
angustias transire, atque adeo tutius, & efficaciùs
venereis his morbis, quàm Mercurius illitus me-
deri?

CIII. Quintò. Vana esse hujusmodi præjudicia, de
vi præsertim *Sublimati nostri* venenosa, & falsi con-
vincunt historiæ Ægrorum a nobis supra adductæ.
At verò cùm multò graviora sint symptomata phlo-
godea, quæ illitio mercurialis, quām quæ *tinctura nostra* inducere soleat, suspicerque autem, mul-
tūm interesse, si hujuscē discriminis causa conti-
nens noscatur; puto, eam unicè pendere ab insita
gravitate specifica Mercurii, *illitionis* methodo in
sanguinem subeuntis; planè ut virus subigere ne-
queat, quin immenso quo pollet, respectu sanguinis,
pondere, fluida quæcumque ob virus ve-
nereum corrupta stagnantia in putridum liquamen
convertat; quin majori impetu facto, latercula te-
nerrimorum canaliculorum distendat, & violentam,
ac penè convulsivam sistolem concitet; quin
contractis ea ratione vasis, compressisque quamplu-
rimis aliis lateralibus, & superincubentibus non
solum viam sibi præcludat ad rimandas altiores cor-
poris latebras, in quibus virus venereum hærere
supponitur; verùm etiam vascula minima ingenti
suo compressionis momento oblitteret, horumque
cavitates deleat. Hinc itaque liquet, vel ex ipsius
Astrucci testimonio, multò plura, & longè sèviora,
magisque insuperabilia esse infortunia propria,
sive pleniori, sive parciori hydrargirosi, quām quæ
methodum nostram sequi ullo modo possent.

CIV. Sed quid plura congeram, ut quod per se
clarum, clarius reddam? nonne salivationis appa-
ratum, ejusque gradus consideranti manifestissime
patet, quæcumque, & cujuscumque generis vascu-
la, quibus consta est tota oris cavea, perenni illo
itu, redituque Mercurii notabiliter pungi, irritari,
stimu-

stimulari; unde papulae *heris spelatodes*, unde vasculorum dilaceratio, unde alia gravis inflammationis symptomata ortum ducunt? Quod si haec cum successu nostrae methodi conferantur, in qua nihil horum symptomatum pertimescendum est; profecto vulgarē methodum *illitionum*, cum nostra nullo pacto comparandam esse consequitur.

CV. Sextò. Aliter fieri, dum *Sublimati nostri* massulae cum illis salium fluunt, atque *Afruccius* existimavit; Tum quia, ut pluries a nobis dictum est, *Sublimatus noster* nullam salivationem ciet, atque adeo a specifica Mercurii nativi ponderositate non solum longè distat, verum etiam ab omni venenorum acrum suspicione; quam longissime abest; Quandoquidem venena omnia in primis, quæ manifesta aciditate nocere possent, singula singulares effectus producunt; Sic *cuprum*, vomitum, sic *argentum*, diarrheam colliquativam; Sic tandem crudus *Mercurius*, salivationem, subsequentibus ulceribus *phagedenicis* oris; At vero *Sublimati nostri* innoxia per se efficacia nulli corporis parti adhærere ita comperitur, ut hanc præ aliis variè laedat; sed aquosa, oleosa, acidula, ingenti copiâ liquidi eluta; assidue per omnes canaliculos usque ad corporis extrema percurrit, nullibi inflammationem, nullibi erosionem, dolores, febres acutissimas creat &c.

Tandem adeò non pertimescendum est, ne spicula Sublimati salina, salivæ mananti confusa, oris phlogosim, & altiora ulcera minitari possint, ut potius supra constituit [§. xxxxi.] iisdem, ea quæ diximus ratione, obtusioribus redditis, vel alio quocumque modo immutatis, omnique acrimonia spolia-

spoliatis; ulcera; quæ ab hydrargirosi oris partes depascuntur, quolibet, ut ita dicam, momento detersa, mundata, citissimè, tutissimè, cicatrice obducantur. Tandem siquæ insit Sublimato acri- monia, balsamicis olei frumenti partibus ita tem- peratur, ut blando stimulo, & sine ullo ferè molimine, sine ulla phlogosi vascorum latera velli- cet; & simul emollitus ita lento ulcerosus, fru- stulatim ad instar squamularum, ab ulterioribus lo- cis decidat; atque adeo hisce viribus utrisque con- spirantibus, sine ullis turbis ulcerum perfectam cu- rationem absolvat, efficacem, & ex se planè in- nocuam.

CVI. Quæ cùm ita sint, videant æquissimi Le- ctores, si quæ ad rejicienda *Astruccii* argumenta, in medium protulimus, responsa tanti sint, ut ob- servatis non tam nostris, quam celeberrimorum Vi- torum *VVan-sieten de Haen* convictos aliquando perducant ad saniores, de efficacitate *Sublimati nostri* in curatione luis venereæ, opinionem; at- que adeo, si propriæ tenuitatis Ipse conscius hanc, quam inculco, *luis venereæ* therapejam non me- liorem dicere ausim; at certé non omnem pejo- rem inde censendam esse, nemo diffitebitur, ut cuius ope seminium venereum longè jucundius, quinimò tutius, efficaciusque quam per vulgatam *hydrargirosim* subigi, expellique e corpore, longa experimentorum serie, jam evicisse, nobis abundè videamur.

CVII. Ad extremum haud dissimulare possum, quæ adversùs nostram methodum celeberrimi, & toties a nobis laudati *Archiatri Viennensis* auctori- tati innixa reperio, objicique possunt; quippe ille

postquam *Pitcarnium*; quem sequutus est *Astruc-
cius*, sententiam de efficacia *Argenti vivi*, ab ejus-
dem gravitate deducenda, mira in dicendo lenita-
te, & mirabiliori modestia abundè exploxit, de-
monstravitque, *gravitatem illam*, quæcumque in
Mercurio ponatur, explicandis mirabilibus effectibus,
qui corpori uncto adveniunt, *insufficientem* prorsùs
haberi: Hisce, inquam, præfatis, videtur præci-
tatus ille Vir methodum nostram improbasse, quod
nimirum levitate *Præcipitati* cuiusdam albi, &
debili salium Argento vivo unitorum acrimonia in-
hoc pulvere ductus ille, censuerit, aliam esse *Su-
blimati nostri* efficaciam, quām quæ a nobis hacte-
nūs adducta est. (a) Verū, præterquamquod in
illo *Præcipitato* albo officinarum non omne absit
sal acidum, quod altè adactum inter massulas Ar-
genti vivi *concentratissimum* vocat idem Vir; mihi
quidem haud difficile est ad judicandum in com-
paratione, faveatne nobis *Van-svieten*, an potius
Therrapejæ nostræ aduersetur; In primis, cùm priùs
dixerit, *Præparata* mercurialia officinarum in par-
va quantitate omnes illos producere effectus, quos
longè major Argenti vivi copia tantum facit; an
ergo sola gravitas, & sphærica figura Argenti vivi
sufficiat, ut explicentur mirabilia inde in corpore
lue venerea sanato phenomena? Non videtur ex
pluries dictis, demonstratisque.

An verò Argentum vivum concentratissimo aci-
do unitum, ut in *Sublimato* contingit, adeo faci-
lē, dum cum sanguine fluit, in nativam ipsi for-
mam, pristinumque pondus redeat, perinde atque
puta-

(a) *Tom. I. §. 135. p. m. 194.*

putavit *Astruccius?* vix illud concedi posse videtur, si consideretur, nonnisi ob summum ignem acido illo Mercurium spoliari; Neque corporum *figuræ*, quas veluti totidem prototypa, quibus a se invicem disjungi solent concreta omnia, ulla unquam arte deleri, aut immutari possunt; adeout æternæ, & immutabiles, ad instar elementorum corpora componentium meritò ab hodiernis Physicis habeantur. An potius *illitionis* effectus, si qui præstantissimi observentur ex ipso Mercurio nativo salibus in corpore genitis unito maximam partem dependeant? non improbabile; tum quia Argentum vivum, ut inquit clarissimus *Van-svieten*, sine ullo addito, solo tritu mechanico, sola ignis actione potest mutari in acerrimam indolem; tum quia ipsummet metallum, sicubi Scorbuticorum salia reperit, ut innoxium, cum iisdem verò unitum longè majores strages edit, quām quæ ab illa discrasia humorum *scorbutica* expectari meritò possent.

Huc pertinet Anonimi recentioris opinio, Mercurium, acidis spontaneis in corpore animali occurrēns corrosivum adeo fieri putantis, ut salivationem inde uberrimam cieat. (a)

An tandem Argenti vivi efficacia, quomodo cumque parati, a singulari ejusdem natura per experimenta sola cognoscenda proficiscatur? ita concludere videtur laudatus *Van-svieten* loco citato. Ultrò quippe fatendum est, quemadmodum corporum natura omni humana intelligentia major est, conceptum quoque superare nostrum perfectam & ab-

(a) Raccolta di alcuni Opusculi sopra l'abuso del Mercurio. p. m. 26.

solutam, quæ in remediis animadvertisit, agendi rationem. Verum, etsi planum facere non potuimus, at saltem conati sumus demonstrare, figuram *Sublimati nostri* eruendis, explicandisque miris curationibus *luis venereæ* aptiorem esse, quam solum Argenti vivi pondus, atque sphærica figura. Ulterius autem progredi, atque singulares, & intimas dotes spiculorum Sublimati rimari velle, audacius esset, atque adeo satis nobis erit, si modum, quo *Sublimatus noster*, præ Mercurio illito, luem venereum sanare comperitur, pro modulo nostri ingenii explicaverimus.

CVIII. *Scrupulum* movere posset, atque nonnullam suspicionem injicere illa aculeorum Sublimati *durities*, atque angulorum scabrities; ne scilicet temporis successu *tincturæ nostræ* particulæ, hujusmodi aucta & stimulante figuraione, tum solida tacite deradant, & exterant, tum vitiosam liquidis acrimoniam impertiantur: Unde plurima mala, transacto temporis spatio, & graviora longè incommoda infectis lue venerea hujuscemodi nostri remedii administrationi possent succedere; Favere huic timori videntur, quæ *Forestus de Venenis* scripta reliquit; Quædam scilicet venena reperiiri, quæ ad determinatum tempus interficiunt. (a) At verò vanitas hujuscemodi formidinis ex multiplici ratione inferri potest; Nam primò *spicula salina* Sublimati nostri adeo obtusa, absorpta, immutataque ex nostro præscripto intus assumuntur, ut licet tacita aliqua acrimonia pollere videantur, tutò tamen, & sine ulla molestia universale luis venereæ deo-

(a) *Ope. lib. xxx. Scol. p. m. 24.*

deobstruens evadant. Primò obtunduntur, & mites fiunt mollibus oleolisque partibus spiritus frumenti, (§. xxxxi.) & ita involvuntur, ut ab omni rosione immunia sint. Secundò, absorbentur forte a firmissimis, atque intùs latitantibus particulis ferreis terreisque, quibus omnia vegetabilia abundant. Tertiò, immutantur, dum alkalinis primarum viarum occurrentia cum illis uniuntur in novam salis speciem, qui Neuter vocari solet, & optimas (dum cum oleo ipsius frumenti spiritus miscetur) (a) resolvendi vires possidet.

CIX. Verùm quodcumque horum accidat, illud certè frequenti experientia edoctus asseverare possum, nunquam vidisse me, etiam longo temporis decursu, post assumptum Sublimatum, ullum tetrifucum symptomam, unde aliás innocui hujuscē pharmaci vel tantilla labes patescere posset; Imò vidi semper eliquatum esse omne seminium venereum, & luem ipsam venereum, quamvis antea pluribus illitionibus resisteret, penitus extinctam fuisse; ut taceamus ex angulis corpusculorum, seu ex figura aculeata, malè inferri acrimoniae, erosionisve effetus in solidis nostri corporis. Certè, ut adnotavit Sauvagius (b) si acrimoniae molestia ex figura Cuneiformi, vel quoquo modo angulosa penderet, salia, quæ acriora percipiuntur, acutioribus longè angulis donarentur; quod falsum in sale marino, & vitrioli experiuntur Chimici. Proindeque nec ulla lassio ex Sublimati usu, si hactenùs a nobis dicta

(a) Gerard. VVan-sriet. Comment. Aphor. tom. I. §. 135. n. 3. p. 193. (b) Apud Manetti differ. I. §. 75. p. m. 160. 161.

cta perpendantur, videtur unquam emergere; & si quæ fortè, quibusdam in corpore infortuniis ortis, sese aliquando prodat, (quod numquam adhuc contingere vidi) ea non Sublimato, tamquam materiali causæ, referenda est, sed vel *electioni* Sublimati ejusdem, vel *præparationi*, vel *dosi*, vel *applicationi*, indebitis, & intempestivis certe debetur.

In summa, quidquid mali ab ea administrandi ratione reformidare posses, aut in Medentis incutiam, aut in Ægrotantes minus obsequiosos jure meritò refundes. *Sublimatus* enim noster innoxius sponte sua reperitur; modò primò probè diluatur; Secundò, in exiguisimas minutias redigatur; Ita, enim futurum est, ut abrasis massulis, iisque summè attenuatis, divisis, dilutis, permanente illa levi & miti angulorum configuratione, multò magis concreta venerea dissolvat; quippe salium natura est, in pauca puncta deferri, atque adeo si ab eodem impetu moventur, ac alia corpora obtusa, resolutionem concreti mirificè absolvant. (a) Præterea, quia simul stimulant solida, absque ullo subsequente effectu pravo, in curanda venerea *Cachexia* utramque indicationis paginam implet.

CAPUT



(a) *Vid. Gorter de insensib. perspir. cap. XVI. § XIV.*

CAPUT SEPTIMUM.

DE RECTA, AC TUTISSIMA ADMINISTRANDI IN MORBIS VENEREIS MERCURIUS SUBLIMATI CORROSIUS INTERNÈ METHODO INNOVATA.

CX.



&inceps Medicorum nostri Sæculi Hermannus Boerhave (a) Mercurium sublimatum syrupo violarum, vel Rob Sambuci misceri jubet; alibi etiam in aqua dissolvi imperat; Unde Joannes Bona illis, qui compactas fibras, & densam sanguinis crasim habent, Sublimatum sola aqua dissolvi vult, addita aliqua syrupi violacei quantitate, ad austерum temperandum saporem, ut inquit.

CXI. Galli verò Medici omnes cum *spiritu vini* maritatum adhibendum suadent; ut mihi fideliter communicavit Chirurgus *Josephus Farrugia* nuper-rimé in Patriam, Parisis redux; credunt enim, *Sublimatum corrosivum* sic a spiculis suis liberari, eodemque modo, quo a frumenti spiritu, corrigitur; hac tantùm ratione fulti, scilicet quia spiritus ex quocumque vegetabili fermentatione parati, Boerhavio dictante & rectificati nihil ferè differant inter se. (b)

CXII. *Austriaci* tandem, ac *Dani* eximii Chemici cum spiritu frumenti nuptum hocce remedium *Ægrotis* præbent; Quam methodum præferendam aliis

(a) *de virib. medicam. par. III. cap. XII. I. p. m. 378.* (b) *Element. Chem. tom. II. par. I. proc. 43.*

aliis reputamus ob rationes Capite III. allatas; Hanc enim feliciter exerceri observavimus in Xenodochiis *Vindobonensibus*, ac in privatis Urbis ædibus, per celeberrimum *Antonium de Haen*, aliosque Professores.

CXIII. Priusquam verò Medici id medicamenti Ægris ingerendum offerunt, venam hisce tundunt, & sanguinem ad uncias saltē decem extrahunt, pro temperamento Ægroti, eo fine, ut vasa sanguinea depleantur, & rarefactioni ipsius cruoris spatum fiat; ablata enim liquidorum parte, major conceditur superstiti in vasis libertas sese monendi; unde humorum dissolutio facilius successura est, uti docuit Illustrissimus *Gerardus Van-suyeten* in suis Commentariis; Exinde præcaventur varia infortunia; Nam turgentes sanguine, discrimin est, ne canales lacerentur, amplius spatum minimè concessuri, & ideo hemorrhagiæ lethales, aliaque mala evenire possunt; Canales enim collaterales ea ratione comprimuntur, & ab axe proprio divelluntur; unde dolores capitis vehementes, *apoplexiæ*, aliaque plura prava symptomata exoriuntur. Dein præmisso leni clystere emolliente, ex aqua pura parùm calefacta, vel decocto hordei, tantum lubricandis intestinis laxandisque, simulque a fæcibus crassis liberandis inserviente, ægrotos purgant pilulis sequenti de massa paratis:

R. Massæ pilularum extracti catholici grana decem, Scammoneæ, & Resinæ jalappæ grana quatuor, Spiritus vini quantum satis; fiant pilulæ numero quinque.

CXIV. Hisce enim, quæ in primis viis latent, congesta eluuntur, imò etiam bilis, ceterique li-

quores

quores vitiosi, qui in sanguine redundant, hac via evacuantur; Hinc laudatissimus est eorum usus apud Medicos *Austriacos*; Unde amantissimus *Antonius de Haen* (a) de hoc agens sequentia habet: „ In „ morbis cronicis, & quovis temperamento non „ datur tutius purgans; quod omni decima die rei „ terari debet, maximè si aliquod signum ptialis- mi appareat. „ (§. cxii.)

CXV. Post hæc usum *Sublimati corrosivi* aggrediuntur, cujus ita soluti dosis apud ipsos, ut supra innuimus, est uncia una spiritus frumenti, scilicet cochleare unum manè, alterum vesperi proponant, in quibus dimidium grani *Sublimati* disolutum fuerit: licet communiter apud *Austriacos* spiritus frumenti majori quantitate *Sublimati* corrosivi imprægnatum adhibeatur; nam uni libræ frumenti spiritus grana octo *Sublimati* injiciunt, & tunc bis de die unum cochleare Ægris potandum præcipiunt; idque ratione habita morbi vhementiæ, variæ ætatis, diversi temperamenti, aut tolerantiæ Ægrotantis, & conferentiæ remedii. In nostra verò *Insula*, cùm temperamenta acria, & biliosa passim obvia sint, minorem dosim usurpare necesse est; [maximè enim regio nostra calida est] sin aliter, vomitus enormes, præsertim si debitam, quantitatem lactis, vel decocti non hauiunt; [confer Observationem XVII.] dolores ventris atroces, aliaque plura symptomata axcitari compertum est. Quin aliquando *salivatio* inde molesta prodiit; scilicet quando Ægroti illitiones mercuriales priùs passi fuerint, ut eruditè monet *Gerardus Van-scie-*

Aa

ten.

(a) *Ratio medendi par.* II. III. & IV.

ten. (a) Tandem accidit *ptialysmus*, quando Infecti quantitatē lactis, vel decocti, necessariam non sumunt, [licet ille vir apertè testetur, nunquam se ptialysmum observasse in suis ægrotis] & tunc ex Artis legibus sollicitè ac prudenter mitigari debet, scilicet dietā tenuissima, largo ptisanę, hordei potu, usu clysmatum aquæ tepidæ, vel lactis &c., aliisque subsidiis, quæ in similibus morbis a Magnis in Arte Viris commendantur; Hęc enim acrimoniam humorum compescunt, solidas partes relaxant, vasorumque diametra augent, insensibilem transpirationem promovent, & impetum sanguinis ad inferiora determinant.

CXVI. Si aliquod ex enarratis symptomatibus appareat, tunc illicò nulla intercepta morā, ab usu remedii desistendum est; aliter enim graviora eadem redderentur; tum etiam quia ptialysmus nullimodè ad luis venereæ curationem conferre videtur, uti demonstravit Celeberrimus inter *Monspelientes* Medicus *Coyneau*. Meritò igitur amantisimus *Gerardus Van-svicten* magna quantitate decocti, dum spiritum hunc frumenti adhibet, statim ægrotos alluit; Cujus decocti formula sequens est:

Rx. Radicis *Altheæ* uncias duas, bulliant in sufficiēti quantitate aquæ communis per horam, sub finem addendo glicirizzæ unciam unam; colaturæ libras quatuor exhibe.

CXVII. Ægrotantes verò in nostra Régione numquam per totam morbi curationem usum hujus decocti prorsùs ferre potuerunt; a doloribus quippe nocturnis, quibus jugiter conflictabantur, inde ato-

(a) *Descript. des malat. dans les armes p. 198.*

atoniam ventriculi naëti sunt, qua fibræ nimis effœtæ redditæ, continendis, digerendisque assumptis, impares factæ sunt; Unde pravæ digestiones, diarrhææ, emaciationes ortum habuisse videntur ab hujus decocti usu; & ideo ipsius loco decoctum hordei substituimus, quod maximè Ægris profecisse observavimus; hoc enim, licet viscosum sit, vires ventriculi non infirmat.

CXVIII. Alii verò cum lacte decoctum hordei immiscere amant, (a) & hanc aliis Præparationibus utiliorem esse credunt. Nos verò multoties in nostra Praxi contrarium experti sumus; aciditas enim decocti hordei lac in ventriculo cogit; [maximè si decoctum recens non sit, quod frequenter evenire aut incuria adstantiū, aut præ calore tempestatis potest,] unde tormina, diarrhæas, dysenteriasque ipsas sobolescere aliquando, experientia docet; Sicubi consilium est, lac Ægris exhiberi, hoc præstat fontanâ aqua purâ commixtum, ut supra diximus.

CXIX. Alii tandem decoctum ligni *Guajaci*, unà cum frumenti spiritu commendant, ut actio remedii versùs periphæriam corporis determinetur, & simul cum sudore virus venereum e corpore eliminari poscit. Hoc magnopere proficuum Ipse observavi; scilicet ubi ægri *eufarca*, & valde pingui dominantur temperie; nam macilentes, *Picrocoli* contrarium experjuntur, ut in §§. præcedentibus notavimus, ubi de hoc decocti usu locuti sumus.

CXX. Dosis decocti determinari non potest, quæ variat pro temperamento, pro tempestate anni,

Aa 2

aliis-

(a) *Gerard. Van-Sueten Malat. des armes p. 195*

aliisque circumstantiis; Nam qui temperamentum siccum habent, majore quantitate decocti indigent; repleti verò, minús: verū in quovis temperamento saltem bibant oportet agroti libras quatuor de die decocti, aliter difficillimè curarentur: Constitit enim Observationibus celeberrimorum Virorum, quod eò facilius emergunt hoc viru tacti, quò uberiorem quantitatē decocti abliguerint; Decoctum enim non solùm vehiculum Sublimato subministrat, verū etiam ad ultimos recessus canaliculorum secum transfert.

CXXI. Tempus quoque curationi necessarium variari debet, prout recens virus, aut vetustate in corpore occaluerit; Si recens enim venenum sit, intra tres septimanas tota curatio peragitur; si verò per plures annos seminium venereum inhæserit, & ossa jam occupaverit, tunc diuturnior etiam curatio futura est; quin continuari ejus usus debet, usquedum simptomata morbi penitus evanuerint: Neque verendum est, ut ab ista longius protracta Sublimati methodo aliquis pravus oriatur effectus; Tuta siquidem semper est, licet per plures menses Sublimato illo utaris; (a) Neque tenellæ ætati a nostro remedio aliquod infortunium pertimescendum est, [ut Observatione xvii. notavimus] quod adeo non solùm ætate provectis præscribimus, verū etiam pueris, & puellis, licet fibras debiles, laxas, & magis sensibiles habeant.

CXXII. Pro cuius remedii administratione non quæque anni tempestas convenit, (& hoc est ad-

(a) Antonius de Haen *Ratio medendi part. II.*
III. & IV.

vertendū) nisi tutum aliās medicamentū infamatum velis; Nam in hyeme sanguis maximè densus, ac inspissatus conspicitur, quām in aliis tempestatibus anni; & ideo ceteri humores inde prodeunt lentiores, vi remedii magis resistent; exinde a frigore perspiratio supprimi potest, vel saltem maximoperē imminui; unde impetus sanguinis ab habitu corporis ad interanea irruit, & in salivales glandulas irrumpt, ptialismumque creat; necnon alia symptomata accersit: E converſo sub æstate, magnopere divisus præ calore est sanguis, & ideo ab influo remedio magis rarefactus vasa divellit, & lacerat; unde hemoptīſes, apoplexiæ, febres &c. unde ceteris paribus, Melitensibus, & sub cœlo nostro commorantibus, quod ad calidum magis, quām ad frigidum vergit, potius in hyeme, si periculum sit in mora, quām æstate præscribi potest; Verū anni mutatio huic medicamento magis opportuna, Autumnalis, & Vernalis erit: maxima enim aeris serenitas tunc habetur, & nec calor exurit; Si verò necessitas urget; abjecta omni temporis ratione, protinus ad usum remedii deveniendum est.

CXXIII. *Dieta* verò eorum, qui nostro Sublimato addicuntur, non alia magis opportuna censetur, quām quæ ex jusculis hordei, avenæ, aliarumve plantarum refrigerantium componitur; Aromata verò, aliaque calida omnia nociva, hinc semper exulent: fructus horrei etiam, carnes sale conditæ, fumo induratæ, vel putrefactæ; vel pinguia, tamquam damnosa rejicienda sunt, cùm liquida incrassent, simulque acria reddant.

CXXIV. Secunda, vel saltem tertia die ab incepto Sublimato, si sudores, & urinæ maximoperē erum-

erumpant, odoris spiritus frumenti participes observari solent; Unde colligitur, jam Sublimatum corrosivum exilissima vasa humani corporis penetrasse. Adnotavimus etiam, in summitate urinæ non-nihil humoris oleosi, flavi coloris supereminentis cum muccoso, & crasso sedimento; quod phenomenon mense transacto evanescit; Tandem si sudores, quos in nostris ægrotis observare contigit, semper pingues, & succidi ad finem curationis usque deprehensi sunt; Per hanc enim *lotii* viam virus e corpore eliminare videtur *Mercurius noster*; licet experientiâ compertum sit, usque in præsentem diem *Mercurium extinctum*, & cum ~~axungil~~
~~porcina corpori illitum~~, sive chimicè præparatum, ptialismum semper excitare vi quadam, ut ajunt, electiva, uti Oppium, Cantarides, aliaque plura hujus generis, quadam virtute specifica in certos humores agere dicuntur: scilicet quia uberior quantitas inde lymphæ versus salivales glandulas determinatur; unde si hæc lympha aliquorsum derivetur, & motus liberior & facilior versus peripheriam corporis sit, tunc nulla salivatio futura est; (a) & ideo *Mercurius noster* tamquam sudoriferum habendum est, quod per meatus cutis seminium venereum expellat. Omnia enim medicamenta in sudorifera converti posse, docuit *Hermannus Boerhave*; (b) sicuti si purgans administretur, & homo statim ad sudorem disponatur, egregia sudoris eruptio exoritur: unde licet Sublimatus hic, sudoriferum naturâ non sit, tamen tale redditur arte, tum ea

- (a) *Joann. Astrucc. de Morb. ven.* T. 1. p. m. 205.
 (b) *de virib. medicam. cap. xi. p. m.* 299.

ratione dicta, qua cutaneum iter, unà cum somite
venereo, affectat: tum quia aliis sudoriferis mix-
tum, ad hæc vasa potius vergit.

Quatuor enim classes horum remediorum nume-
rantur ab Hypocrate Batavo. Prima continet ea,
quæ vasa laxant. Secunda, *Dissolventia*, & *dilu-
entia*. Tertia, *Diuretica*. Quarta, quæ liquores
ad peripheriam corporis ire cogunt. Quoniam verò
ex nostris Experimentis magna quantitas decocti
hordei sorbetur, hæc humidum suppeditando, fibras
emollit; unde cavitates canalium augentur, ut
etiam alibi abundé diximus. Acida omnia vegeta-
bilia fluida nostra fundere, Sales etiam marini par-
tes esse maximè dissolventes, docent omnia Ob-
servata; unde mirum non est, si remedium no-
strum multoties tamquam sudoriferum agat, licet
indolem *mercuriale* præseferat.

CXXV. Hactenús existimo, suscepti muneris
partes ritè, & qua potui diligentia implesse me,
quùm Sublimatum, therrapejā indicata, in morbis
venereis intùs administratum, ostendi, omni va-
care culpa, quam præ concepto mentis errore, Re-
centiores ferè omnes in illum, ceu venenum, abun-
dè conferre solent. Injurijā ergo celeberrimus *Hof-
mannus* in hæc verba erumpit: „ Infamatus ille
„ virulentus *Mercurius sublimatus* quid aliud est,
„ quám, salis spiritu concentrato, solutus Mer-
„ curius? quo præsentissimè & homines, & ani-
„ mantia enecare possumus. „ (a) Cùm indubita-
tæ sit veritatis, spicula salina substatiæ mercuriali
nostrī

(a) *Tom. v. de medicamen. in securis §. xiv. p.
m. 312.*

nostri Sublimati hærere ita ; ut spiritu frumenti oleoso involuta , & decocto hordei summè diluta , non solum deleteriam veneni virtutem deponant , verùm etiam remedii genus , seu alterius Mercurii dulcis speciem constituant magnæ efficaciam in chronicis , rebellibus quibusdam passionibus , præsertim in gallica lue , ut supra ostendere conati sumus . Quamobrem peritè scribit idem laudatus Auctor : (a) „ Mercurialia non secùs ac alia metallica sem- „ per insecuriora esse in pulvere : „ Injuriā quoque Sublimatum nostrum atro carbone notant , tamquam atrocissimorum symptomatum feraceū , ut vomitionis salivationis , ut in methodo VVismani ; (b) vel vomitus cruentī , & funestissimi hipercatar- seos , qualia symptomata successisse vidit VVepperus . (c) Enim verò VVismanus Mercurium sublimatum corrosivum dissolutum in aqua fontana tantum ore exhibebat ; (d) VVepperus verò in pulverem terebat , & ita propinabat . (e) At verò quantum ex methodi a nostra differant , spectate benevoli Lectores . Certè nec ullum pravae indolis symptomā a nostro Sublimato profectum esse memini . Quem adeo eximie ab admixto spiritu frumenti mitigatum , ad instar mercurii alterius dulcis , sed præstantioris longè vulgari , suadeo in omnibus illis morbis in quibus jussum Mercurium dulcem à Riverio videmus , (ne alias citem) utputa in obstruc- nibus , (f) hydrope , (g) in rheumatismo (h) contra vermes , (i) & alia quamplurima mala a conge- stio-

- (a) Ibid. §. xxii. (b) Vid. Astrucc. tom. II. p. m. 967. (c) de Cicuta &c. cap. 22. Scol. II. p. m. 384.
- (d) Astrucc. ibid. (e) Histor. I. p. m. 373. (f) p. m. 329. (g) 386. (h) 420. (i) p. 311.

stione lymphæ, in exilissimis corporis canaliculis orta, quæ proinde nonnisi Præparatum nostrum mercuriale attingere, pervadere, & in fluorem redigere, subsequentे partis sanitatem, potest; Cujus adeo vis medicata eximia tamdiu valet, quamdiu blando acido decocti hordei, & spiritu frumenti concurrente, manet Sublimatus solutus; Sic enim spes est, ut per corporis abditissima vasa, specie salina constantius servata, perget, agatque; id est aperiat, attenuet, roboret, stimulet, atque per vias renum, & in primis cutis, moderatè evacuet. Intelligimus inde modum, quo *Mercurius* hic non solum mole, figura, pondere in nobis agat, verum etiam admixtum spiritus frumenti, & salium, maximè acidorum, acquirat potestates novas, sèpè mirificas. Intelligimus quoque, cum fructu dari posse *Laucohlogmaticis*, *Scorbuticis*, *Ictericis*, *Laxis* debilibus ab inertia. Intelligimus tandem, quare si dracma, ut inquit *Hermannus Boerhave*:

(a) „ Mixture [quæ granum unum Sublimati aquæ „ unciae adhærens excipit] syrupo violaceo mitifi- „ cata potatur bis, terve in die, mira patrat in „ multis morbis incurabilibus. Sed jam sentio, me esse longius proiectum, quām proposita dicendi ratio postulat. Institueram enim de virtute disserendi, quā mirè pollet Sublimatus in curanda *Syphilitide*, limites fateor translīi; transiliēti ergo condona. Non is certe sum, qui partium studio abreptus, pertinaci animo Sublimatum hunc, velut universalem, adversus inexpugna-

Bb

biles

(a) *Element. Chem. tom. II. præc. cxcvii. pag. mihi 312.*

biles morbos, *panaceam*, defendere velim, sed nonnulla mala præterire, religio est, quæ collectis hinc inde aliquot Auctorum observatis, adjuvante rationis analogia, ope *Sublimati nostri* aut ablata memorantur, aut spes est, ablatum iri.

Liquet etiam ex illis, quæ modò diximus, mirabilem usum *Sublimati corrosivi* in omnibus morbis, qui a spissiore lympha originem trahunt; unde *Scrophulariis* maximè proficuum censemus: Notum enim est omnibus Medentibus levamen, quod redundat in ægrotis hoc morbo affectis a Trochiscis de minio *Joannis de Vigo*; quibus sanè amicissimus meus Chirurgus *Borelli Scrophularios* omnes tutissimè, & efficacissimè sanavit. Hinc optimè *Lemerius trochiscos* de minio, melius, *trochiscos de Sublimato corrosivo* vocari jubet, (a) cùm maximam partem ingredientium constituat *Sublimatus*; quos proinde idem *Vir miré extollit* adversus *ulcera venerea*, fistulas a venere impura, carnes fungosas; sed & incomparabile remedium censet in actis Academiae Scientiarum, (b) pro extirpandis *Strumis*, seu tumoribus glandularum lymphaticarum ad *skirrodem* proximis. Familiaris est *Fallopio* (c) *Sublimati* cum *Opio*, & aqua *Solani*, vel rofacea præparatio, quam in simili curatione magnum sibi honorem fecisse, gloriatur.

CXXVI. Porrò *Scrofulæ* si cum lue venerea copulentur, teste ipso *Astruccio*, (d) *hydrargirose* non

(a) *Pharmacopie p. m. 414.* (b) *Anno 1734. p. m. 364. ut le falsification &c.* (c) *de Strumis tom. III. c. XVIII. p. m. 90.* (d) *tom. I. de morb. vener. §. XII lib. IV. cap. X. pag. m. 510.*

non cedunt, sed remediis vincuntur, quæ crassi orи lymphæ nativam siuxilitatem, & stagnanti pristinum motum restituant. Inter quæ nescio quo jure ipse *Astruccius* præferat *mercurialia Præparata* (a) ipsi illitioni mercuriali, quasi auctor esse velit, Sublimati therapejam curandarum Strumarum per hydragirosim longè multumque vincere.

Id ipsum confirmare videtur illa Antimonii præparatio, *pulvis de Rotrou dicta*, cuius formulam apud *Astruccium* (b) videre est; & quæ summè diaphoretica censetur: Cùm ergo supra probaverimus, Sublimati vires, in cienda diaphoresi spectatissimas esse; Patet vel hoc de nomine non temere celebrari, tamquam remedium summè diluens, liquefaciens, attenuans, incidens, aperiens, quidquid in glandularum anfractibus sub nomine *Scrofularum* hæret, ab repetita etiam illitione mercuriali nunquam superandum, abripiendumque.

CXXVII. Proficuum etiam existimamus *Scorbuticus*, scilicet in primo morbi gradu consistentibus, ubi nimirum parva acrimonia adest in humoribus, eaque *alkalina*: In hac enim morbi periodo, *Boerhavio* docente, (c) magna humorum crassities, & immeabilitas adest, quæ a nostro remedio facile superari potest: licet celeberrimus *Hofmannus* [d] sequentibus verbis ejus usum damnet in hoc morbo: „*Mercurialis prosapiæ medicamenta, utcumque etiam præparata, & adhibita in Scorbuto, tan-*

[a] *Ibid. n. 4.* [b] *Ibid. pag. 531.* [c] *de cognoscend. & curand. morb. §. 1164.* [d] *Medic. rational. sistemat. tom. IV, par. V, pag. m. 54.*

„ tūm non semper esse maximo nocumento, ion-
 „ gē verò certius, graviusque nocere in vitiis den-
 „ tium, & linguæ scorbuticis; „ huic inçommodo
 obviam it magna quantitas decocti hordei, quæ cum
 Sublimato jugiter propinatur, quæque non solùm
 viscida sua aciditate dividit, verùm diluit, & hu-
 meçtat, acrimoniamque obtundit, & involvit.

CXXVIII. Itaque ausim dicere, therapeuticam
Sublimati methodum adversùs *Scorbutum*, si non
 omnium, quæ vulgò circumferuntur, esse tutissi-
 mam; at saltem veræ medendi huic malo indica-
 tioni plenissimè satisfacere. Quid enim? „ præci-
 „ puus scopus in curatione *Scorbuti*, inquit aman-
 „ tissimus *Van-svieten*, [a] est, utut illud acre
 „ diluatur ex sanguine, & lento, si adsit, atte-
 „ nuetur; „ Verùm in nostra methodo, larga sa-
 tis copiâ liquidi tenuis, & meabilis decocti hordei
 cum incidente Sublimato, utrumque obtinetur. De-
 inde in *Scorbuticis* salibus de corpore pellendis na-
 tura viam urinæ non temerè eligere videtur, ut
 sanguis a scorbutico seminio depuretur; Verùm ex
 supradictis constitit, methodum *Sublimati* efficaciâ
 diuretica mirè pollere; atque hinc sanguinem *Scor-
 buticorum* ab illa muria posse liberare. Sed &
 thermæ *Carolinæ*, diluentes, & salino quod con-
 tinent principio, concreta solventes, simulque uri-
 nam moventes, eoque in *Scorbuticis* maximè com-
 mendabiles [b] videntur, actionē, & præstantiā no-
 strī *Sublimati*, aliunde in lue scorbutica, confirmare.

CXXIX. Magni *Boerhavii* auctoritas etiam acce-
 dit,

[a] Tom. III. §. 1164. [b] Comment. Aphoris.
 §. *ibid.*

dit, in quarta Scorbuti specie *mercurialia* laudantis; [a] quo nomine certè eò magis argentum vivum exclusit, quò infelicem hujuscē successum tam externè, quam internè adhibiti clarioribus verbis recensuit, quem modò citavimus, *Hofmannus*: Si cubi ergo Scorbutes cum *sifillide* conjungitur, cùm hydrargiroseos efficaciam non sentiat, [b] omni ope tentanda est curatio, tum propriis *Scorbuto* remediis, tum si hæc frustranea fuerint, Sublimati therrapejā, qua nihil efficacius; sive ad solutionem concreti, quod in specie prima *scorbuti* dominatur; sive ad mitigationem acris, quod in ceteris speciebus viget, [in primis si alkalino de genere fuerit, cui, acido suo latente, Sublimatus prae omnibus acidis a celeberrimo *Van-svieten* laudatis [c] miré domando prodest) cogitari, dari que potest. Topicam dein ejus pericitationem in ulcerum scorbuticorum curatione Observationes Auctorum fide dignorum satis confirmant, atque probant. Nuper enim Doctor *Josephus Demarco* ulcera talia, in ore præsertim, Sublimati corrosivi ope feliciter ad cicatricem perduxit; Cujus adeo Observationem non est quod heic referam, brevitati studens.

CXXX. Salutarem etiam ejus usum existimamus in *gutta serena*: hæc enim pro causa spissitudinem lymphæ aliquando recognoscit; unde *catharroſi*, *melaucholici*, &c. alii, quorum lympha viscida est, *amauroſi* facile corripiuntur: Et sicuti humores lenti,

[a] *de cognoscend. & curand. morbis. §. 1165.* [b] *Afrucc. de morb. vener. tom. II. lib. 16. cap. x. p. m. 509.* [c] *Ibid. §. 1163.*

lenti, & pituitosi ; aliis in locis nervos obstruere possunt , & paralyses causare ; Ita etiam si in corticali cerebri substantia, vel in medulla, vel in nervo optico hæ succedunt , guttam serenam produci necesse est : eum verò Sublimatus noster summam partium tenuitatem , ac meabilitatem habeat , minima vascula pervadere , obstructionesque reserare aptissimus erit , ut supra innuimus ; Et ideo merito Sublimatus hic in hoc morbo præscribi debet.

CXXXI. Ad præcavendam etiam *hydrophobiam*, utilissimum id generis remedium reputamus : constitutus enim celeberrimorum Virorum Observatis, aliquando sanguinem eorum, qui *cane rubido* mortali fuerant, grummosum, & concretum inventum fuisse , præcipue circa cor ; & vasa majora ; ac pulmones opplevisse ; [a] & ideo cum Sublimatus noster maximum dissolvens sit , ac antisepticum , ideo illum huic morbo convenire censeamus. Partes enim salis marini maximè continent , quæ a putredine multa corpora arcent , & præcipue in hoc vito ; Unde Gerardus Van-svieten [b] sal marinum in rabie canina inter remedia *profilactica* recenset. Anonymus etiam in Commentariis ad *Hermannum Boerhave* sequentia nobis reliquit : „ Omne sal „ compositum , omne acidum , vinum , acetum , „ spiritus vini , alcol perfecte putredinem tollunt ; „ Nam si cadaver in aceto , vel vino , vel muria „ salis marini condias , tunc servari potest per „ multos annos. Porro Veteres omnes , ac Recen- „ tiores Medici illa medicamenta in hoc morbo amant

[a] Gerardus Van-svieten *Commend. Aphorism.*
tom. vi. [b] §. 1143.

amant præscribere, quæ copiam, ac impetum humorum versus peripheriam corporis attrahunt; sique venenum eadem viâ extrudant, qua intus corpus subierat. Et cum remedium nostrum hac etiam virtute donatum sit, ut supra §. lxxxv. demonstravimus. [quæ certè dos in Mercurio crudo inveniri non potest] igitur non injuriâ in hoc morbo tentari, *sal* præscribique posset.

CXXXII. Quocirca, cum ad tutam *hydrophobia* prophylaxim, duæ indicationes requirantur: nimirum prima, ne virus quodcumque vulneri inhæserit, sanguinem subeat: Secunda, ut virus, si quod in sanguinem penetraverit, ocyssimè retundatur, corrigatur, eliminetur, nequando ferociens *hydrophobiam* inferat; intelliges inde primæ indicationi, vix *Sublimato nostro* dari præstantius; & adimplendæ alteri, non infimas inter *antalyssa*, seu *rabiei* sp̄cifica obtinere partes. Nam ut a priori exordiar: non alia certè ratione *caustica* loco demorso applicant, ut *lapidem causticum*, *præcipitatum rubrum*, *fortem muriam*, quam ut larga excitata suppuratione, vulnera diu patente, nec citò occluso, virus, ut ab ingressu arcetur, ita siquid in vicinia plagæ commoratur, foras omne avocari possit. *Sublimatus hic noster* mira præstabit; Imprimis, si *crystallinis*, & duris suis angulis, decoctionis hordeaceæ vehiculo latis, agere in partes vivas permittatur: At verò, quoniam periculum est, ne miasmata quædam in sanguinem penetraverint; idcirco propositæ *rabiei* curationi remedia simul adjunguntur, quæ virus semel admissum alterent, vel evanescerent.

cuent. Hinc, ne extra dicendi argumentum divagemus, lubet ad *mercurialia* sermonem convertere. Quæ quidem ultima a *Gerardo Van-svieten* [a] in rabie hac adeo laudentur, ut *Thurbit minerali*, post *Sauvages* experimenta, primas in curanda *hydrophobia* deferat. Neque heic necessaria est salivatio, ut opinatus est *Joannes Astruccius* [b] exinde deceptus, quod virus hydrophobicum præ analogia salivæ insideat; cum hodie compertum sit, „ Morbum hunc gravissimum, [c] saltem ubi pri- „ mum gradum non excesserit, Mercurio, sive „ salivationem moveat, sive non moveat, cedere. „

CXXXIII. Si dein consideretur *thurbit minerale*, seu *præcipitatum flavum*, componi ex Mercurio, acidis vitriolicis fixioribus, & summè corrosivis onusto, adeoque summè in praxi metuendum ex una, & ex altera parte passim interno usui consecrari, non in animalibus modò, ut *Sauvages* Experimentis constat, [d] verùm etiam a *Sidenhamo* adversus gonorrhæam contumacem, mirè commendari, internè sumptum sub forma Boli; [e] Quantò confidentius, & audaciùs *Sublimatus noster* naturâ dulcis, effectu mitis, ab omni salivationis metu tutus, inter diuretica præstantissimus, inter diaphoretica palmarius, propinari, suaderi, non in brutis inquam, sed in hominibus, debeat ab iis; qui *Celsum* secuti melius esse norunt, „ Anceps
xep-

[a] *Comment. in Aphor.* Boerhav. §. 1146. [b] *Dissert. de hydrophob.* cap. ult. n. 4. [c] *Gerard. Van-sviet.* ibid. p. m. 581. edit. Batav. [d] *Apud Van-sviet. loc. cit.* [e] *Tom. I. p. m. 209. Epistol. xi. responsor.*

,, experiri remedium, quam nullum;,, Si *inceps Præparatum nostrum* dici possit, quod profuisse semper, nocuisse numquam, tum domesticis, tum alienis Observatis abundè comprobavimus. Topicalam tandem hujus *Præparati mercurialis applicationem* in hoc morbo multi experti sunt Auctores; & ideo *Palmarius [a]* in vulneribus a rabioso cane. infictis *Mercurium sublimatum* admoveri jussit.

CXXXIV. Cùm verò de *Peste* in bubone desinente differens *Bertini*, illius eximium prophilaëticum ex Auctore *Screbero* (b) quærendum censemt in Mercurio dulci cum camphora mixto; neque *VVerlophium* abhorrire videani in antracum, pestilentialium curatione ab eodem Mercurio dulci, quem proinde tamquam Pestis specificum mirificè commendat; (c) Profectò non temerè, neque inconsideratè meo quidem videri se se gereret Medicus, si prophilaxi, curationique Pestis, & similium febrium therrapejæ prudenter, cautèque solutionem *Sublimati nostri*, si non admodum efficacem, at certè innoxiam addiceret; Propterea quia hujusmodi tintura, atque Sublimati vehiculum arte nostra paratum vim illam corruptioni adversam, & solidis, & fluidis corporis partibus inducit, vel in illis insitam virtutem beneficam servare valet, senviente Peste, in quibus prophilaëticæ remedii ratio consistit. (d) Quemadmodum enim acetum ab omni ævo contra pestiferam luem summis laudibus

(a) de *morb. contagiosis* p. m. 272. (b) Vide tom. II. *Astrucc.* p. m. 465. (c) de *Variolis*, & antracibus §. xvii. (d) *Geoffroy quest. de Peste*, num. I.

cumulatum fuit, (a) ita sive præacido minerali, sive vegetabili; quo superbit menstruum *Sublimati nostri*, non parùm ad pestilens arcendum contagium proficere videtur; acida quippe in universum sanguinis & bilis effervescentiam compescunt, acredinem alkalinam obtundunt, coagula sulphurea ex acribus salibus orta resolvunt. Tandem inter Pestis præservatoria ipsum *Arsenicum extùs admotum* numeratur ab eodem Viro: (b) Quid mirum proinde, si mitim nostri *Sublimati tinturam* iisdem auxiliis & nos verè accenseamus? sed in ipsa Pestis curatione non infimum obtainere posse locum, neque minimæ laudis futuram nostram methodum conjectare possumus, sive ob præsentiam acidorum, quæ cuicunque Pesti inimica esse, omnium sæculorum experientia confirmat; sive ob intermixtum hordei decoctum, quod sæpius in die, liberaliusque ab ægris potandum est: Ita Pestem Dantisci grassantem in eodem loco memorat *Geoffroy* (c) non alia ratione fugatam, quam repetitis in die cicatibus calidi decocti hordei, quod ægris in lecto compositis propinabatur, subsequentे corporis madore.

Non ergo inepta indicatio curatoria futura est, quæ a nostro *Sublimato* desumeretur, quocum tamquam inseparabilem comitem calens largum hordei decoctum admiseemus, & cujus proinde ope futurum est, ut, humoribus dilutis, naturâ adjuta, grum-mescentibus succis, & ad putredinem proclivibus secretis, atque ad humectatoria convenientia citò propulsis, non leve commodum Peste affecti percipe-

(a) *Idem ib. n. 3.* (b) *Ibid. n. 3.* (c) *Ibid. n. 4.*

ciperent; Quid plura? Similitudinem non paucam inter luem veneream, & Pestem intercedere ut credamus, nos impellit auctoritas cuiusdam *Alexandri Trajani Petronii*, de quo *Astruccius*, [a] qui non inexpertus sensit, Pestis *seminarium* in morbum gallicum exhausti, atque consumi; itaut hoc morbo perseverante, nihil fere huic Pestis gignenda relinquatur. Ex his, quæ hactenùs allata sunt, non videtur adeo malè tutum esse *Sublimatum nostrum* adversùs pestilens myasma, modò tamen, ut sèpiùs monuimus, ritè & prudenter adhibeatur.

CXXXV. Ad extirpandas excrecentias fungosas topicè applicatum nostrum remedium maximè proficuum habetur. Sic *Antonius Meter Jan* (b) insigñem ejus prodidit virtutem, ubi nimur de excrecentia quadam corneæ loquens, eam visu horrendam, & ad carcinoma jam tendentem, fuisse dicit; atque hanc non alia ratione extirpare se potuisse commemorat, quām admoto *Sublimato corrosivo*, cum quatuor partibus probè exsiccati panis crustæ, & in pulverem redactæ commixto. Quem quidem pulvisculum calamo scriptorio exceptum quotidie in fungum illum corneæ insufflabat, sicque pergebat, donec escharæ quotidiano lapsu, & oculi inflammatio omnis cessaret, & *hipersarcosis* illa ad corneæ libellam reduceretur, non majorem basim servans medietate parvi unguis.

CXXXVI. Ad ulceræ tandem consolidanda magnoperé laudatum habemus *Sublimatum a multis*; Unde *Anonymous* in suis Commentariis, multis in

(a) tom. II. lib. vi. sèculo 16. (b) *Tret des malad. des l'oeil* cap. xix. p. m. 456.

locis ejus usum deprædicat: (a) Sic *Forestus* (b) laudat, ad *hescharæ* faciliorem prolapsum in ulceribus sordidis, & mortua carne sepultis, *Arsenicum* sublimatum, tamquam efficacissimum ad separationem gangrenæ. Similem usum tribuit *Hofmannus* (c) suo Sublimato, quod cum vitriolo, & sale parat, eoque tutius existimat. Sic penicillo, collirio *Lanfranci*; ex *Auripigmento* majorem partem composito, imbuto, ulcera quæque oris cum fructu illiniuntur, & ea ratione efficacissimè coeunt.

Neque novum est, *Mercurium sublimatum* ulceribus venereis admoveri, licet hanc methodum periculo numquam vacare, putet *Astruccius*. Sic apud *Luisinum* (d) ex *Torella* colligitur, nonnihil ad curandam luem venereum valere lotionem paratam ex decocto Argenti sublimati in aqua pura; qualavari partes ulcerorosas jubet. Sic apud eundem *Luisinum* (e) habetur formula Emplastri cujusdam, quod ex pelle *arietina* emplastro triapharmaco, diacilo majori, resina pinea liquatis ad ignem, dein frigefactis, atque Mercurio vivo, cinnabari, & quod notandum est, Sublimato mixtis, quod paratur, auctore *Andrea Matth*, qui ibidem testatur, per admotum illud emplastrum tibiis, & brachiis luem venereum perfectè sanari, absque ulla salivatione, & quem Scriptorem, ut obiter dicam, immensam celeberrimi *Astrucci* eruditionem fugisse, miror. Sic, ut animadvertisit toties laudatus

Astruc-

(a) *com. v. p. m. 95. ibid. p. m. 113. (b) lib. vii Observat. xiv. p. m. 122. (c) ad *Scroderum* cap. xv. pag. 269. (d) *Tom. i. p. m. 428. (e) pag. m. 232.**

Astruccius, emplastra mercurialia adversùs morbos venereos inter Sinas, ad ulcerā tantūm venerea, non absque successu laudatur. (a) Porrō emplastra hujusmodi, ut patet ex formula quinta, (b) auripigmentum recipiunt, quod sanē non levi delaterrā facultate præditum est; quantò ergo minús pertimescendum est a solutione nostrī Sublimati, quæ summè per adjectum spiritum frumenti lenita, & emollita occurrit? Quinimò etiam si ulcerā nimis sordida fuerint, & verè leprosa, non aliam inveniri posse methodum hisce detergendis aptiorem, quām quæ ope Sublimati, quocumque modo partibus ægris applicati, instituitur. Fidem facit *Turnerus* in suo de morbis cutaneis tractatu, ex Anglico in Gallium sermonem verso, qui de crustaceis lepræ ulceribus agens, (c) mirè extollit Præcipitatum album cum unguento rosaceo de foris illitum; & infra puellæ cujusdam meminit, cuius cūm obstinatissima impetigine conflictata cutis, & squamosis dustulis visu hurrendis obducta, salivationi multoties tentatæ restitisset, non leve dein commodum, atque non parvam sanationis spem ostendisse memoratur, dum litu ex camphora & præcipitato albo confecto, atque corpori circumfuso pustulæ omnino evanescerent. (d) Cui æternæ therapejæ assentiri vide ipsum *Pitcarnium*, qui inter remedia lepræ maximè accommodata aquam Cosmeticam, quam litargirum, ad uncias duas, *Mercurius sublimatus corrosivus* ad dracmam, Acetum ad uncias decem ingre-

- (a) *Dissert.* 1. §. IV. num. 2. (b) *Ibid.* p. 528.
 (c) *Tom.* 1. *scđt.* II. *pag.* 38. (d) *Idem ibid.* a *pag.* 47. *ad* 59.

ingredi recenset; & quam egregiam esse arbitratur, modò ope plumæ ulceræ illa leviter imbuantur. (a)

Sic novi quemdam, qui ad ulceræ, internam sinnuum frontalium membranam depascentia, cicatrice obducenda, & ritè detergenda felici cum successu, utebatur aqua viridi *Hartmanni*, quacum grana duodecim Sublimati soluta erant; hanc enim naribus hauriebat Æger ter in die, & post mensem foetor, & omnia *Ozenæ* inde profectæ symptomata abigebantur. Sic *Fallopianus* (b) Sublimatum & oleum amygdalarum dulcium ad contumacem guttam rofaseam suadet. Sic etiam plura Observata habentur apud *Nicolaum*, (c) quibus efficacia Sublimati corrosivi luce meridiana clarior patescere possit; Utique si externis partibus ulceræ dissepuloto quodam depastis applicetur prudenter. Sic in Observatione septima, sanationem affert ulceris, quod vulam, & totum nasum depaverat; Et sequenti Observatione [oœtava] aliam sanationem ulceris prodidit, quod nasi pinnam eroserat. Quæ quidem duplices sanationes aquæ mercuriali, ut vocant, rubeæ, cessere, cuius aquæ rubeæ processum ipse met *Nicolaus* describit alibi, (d) nimirum ex calcinatione Sublimati cum aqua calcis vivæ, qua intincta ulceræ exedentia semel aut bis in die tanguntur. Sic . . . sed quorsum ego provehar longius, & palantis ad instar a suscepta provincia digrediar?

Hæc adnotasse sufficiat. Illud verò nunquam satis inculcandum Medicæ Artis Cultoribus; velim molian-

(a) de Ingressu albi Mercurii num. 10. p. m. 176.

(b) Ibid. p. m. 101. (c) Cheoeau observ. medic. lib. v. p. m. 478. [d] p. m. 514.

moliantur, carentque ex animo, tantum remedium
ab omni invidorum suspicione vindicare, & suo in
curanda lue *venerea* splendori restituere. Scio, hæc
uti scripta a me sunt, non placitura iis, qui illi-
tionibus mercurialibus mancipati, *Sublimatum*, ceu
venenum atrocissimum carpunt, & utentes, velut
flagitiosos, & facinorosos notant, sine ullo ve-
ri, falsive respectu. Manum huic praxi
admoveant; experiantur *Sublima-*
tum nostrum; ita multò plu-
ra illos utiliora ad pra-
xim hanc eruturos
minimè dif-
fido.

FINIS.

ERRATA

Pag. 9. lin. 14.	turculenta
38.	28. camerarum
46.	9. recreverat
Ibid.	17. omnibus
42.	5. solent
47.	2. tum
Ibid.	12. ergo
Ibid.	22. visus
72.	35. vanum

CORRIGE.

truculenta
cameram
accreverat
omnium
solet
ut
ægro
visum
varium

Quod si quid aliud Erratorum non correctum repe-
reris, Lector Benevole, patienter sustine, ac pru-
denter corrige.

W2 260 Cgat 1762

